

বিদ্যুৎ মাষ্টার

বাক্স-বদল

প্রতুলের বাবার যা কাণ্ড, তাঁর বাস্ততার জন্তে সব মাটি। আজ তার রওনা না হলে এমন কিছু ক্ষতি হোত না। তবে দুল-কলেক কাল খুলবে, পূজোর ছুটির পরে, সারা ছেঁনে মোটর-বাসে এই বলে লোক। প্রতুলের সে তাড়া নেই, তবে আজই এই ভীষণ ভিড় সহ্য করে জনতার চাপে উদ্ভাস্ত হয়ে না গেলে কি চলত না ?

হিলি স্টেশন তেইশ মাইল দূর। লোকে মোট-বাট ওঠাচ্ছে বাসের ছাদে। বাক্স, স্লটকেস, বিছানা। হেঁ চৈ গোলমাল। বেশির ভাগ কলেজের ছাত্র, তারা নর্থ-বেঙ্গল এক্সপ্রেসে কলকাতা যাচ্ছে, প্রতুল বাবে আসাম মেলে বা ডাউন নর্থ-বেঙ্গলে।

বাস ছাড়ল, প্রতুলের দুশাশে দুটি দোকানদার, তারা তামাকের ব্যবসা করে, সেই বিষয়ে কথাবার্তা বলতে বলতে যাচ্ছে। সামনের বেকিতে একটি ভদ্রলোক স্ত্রী ও ছেলেমেয়ে নিয়ে বসে। একখানা বেকি গুঁরা জুড়ে বসে আছেন। মেয়েমেয়ে তিন-চারটি, তারা ভীষণ উৎপাত জুড়ে দিয়েছে বাসের মধ্যেই। তাদের ছুটুমি ও টেঁচামেচিতে প্রতুলের মাথা ধরে বাবার উপক্রম হয়েছে।

প্রতুল যোথানটিতে অতিকষ্টে একটু জায়গা করে নিয়েছে, ছোট ছেলেটা অনবরত সেখানে এসে প্রতুলের কোলের ওপর বসে বাইবের দিকে তাকিয়ে থাকতে চাইছে। এতে কষ্ট ও অস্ববিধা যথেষ্ট হলেও ভদ্রতার খাতিরে বিরক্তি চেপে যেতে হচ্ছে প্রতুলের।

যুদ্ধের সবে আরম্ভ। বাসের ওদিকে তিন-চারটি ভদ্রলোক যুদ্ধ সম্বন্ধে তর্ক-বিতর্ক ও আলোচনায় ব্যস্ত। তাঁদের কথা শুনে প্রতুলের মনে হোন যুদ্ধ-সম্পর্কিত পরিস্থিতি তাঁদের নথ্যদর্পণে, হিটলার বা চেমারলেন অপেক্ষাও তাঁরা জিনিগটা ভাল বোঝেন, কারণ তর্কের মধ্যে উভয় পক্ষের ভুল-ত্রুটি তাঁরা বিশদভাবে বিচার ও বিশ্লেষণ করে পরস্পরকে দেখিয়ে দিচ্ছেন।

ড্রাইভারের ঠিক পিছনে বাসের সামনের দিকটাতে গোটাকতক রিজার্ভ সিট। দুটি মেয়ে সেখানে বসে, তাদের সঙ্গে একজন প্রৌঢ় ভদ্রলোক, সম্ভবত মেয়ে দুটির অভিভাবক। মেয়ে দুটির মধ্যে একটির বয়স আঠার-উনিশ বছর, অন্য মেয়েটির বয়স বাইশ-তেইশ হবে। বয়সে ছোট যে মেয়েটি, সে দেখতে বেশ সুন্দরী, অঙ্গটির রঙ শ্রামবর্ণ, মুখশ্রীও খুব ভাল বলা চলে না, তবুও তাঁর সারাদেহে কেমন এক ধরনের লাবণ্য মাখানো। প্রতুল হু একবার অঙ্গবর্ণের জন্তে চেয়ে চেয়ে দেখছে।

কয়েক মাইল পরে বালুরঘাট টাউনে এসে বাস দাঁড়াল। এখানে একটি মেয়ে উঠল, পুরুষ যাত্রীও অনেকগুলি। একেই বাসে নেই স্থান, তার ওপর এতগুলি যাত্রী কোথায় বসে ? অনেক নবাসন্ত যাত্রী অগত্যা দাঁড়িয়ে রইল, রিজার্ভ সিটে মেয়েটির জায়গা হয়ে গেল।

এরই মধ্যে আবার এক কান্না ভিথিরি ভিক্ষে করতে আরম্ভ করেছে। সে উঠল বালুরঘাট থেকে লাড়ে এগার মাইল চলে এসে সন্নরভিহি বলে গ্রামে ; রাজ-কাছারি আছে বলে, এখানে বাস দশ মিনিট দাঁড়ায়।

শামনের ভদ্রলোকটি ছোট ছেলেটির হাতে একটি পরশা দিয়ে বললেন,—দে, বা ভিথিরি হাতে দে ।

ছেলেটি এগিয়ে গিয়ে বললে,—এই নাও ভিথিরি ।

ভদ্রলোক ধমক দিয়ে বললেন—ও কি, অমন বলতে নেই, ভিথিরি বলতে নেই । ছিঃ ।

কানা ভিথিরি পরশাটা নিয়ে একগাল হেসে ঠর দিকে চেয়ে বললে,—পোলাপানের কথা, ওদের এখন গেরান কি হয়েছে বাবু ? খোকাবাবুর নাম কি ও খোকাবাবু ?

বেজার ধুলো উড়ে পেছন দিকটা আচ্ছন্ন করে কেলেছে । প্রতুল ভাবছে, বাসের ছাদে তার বিছানার পুঁটলিটার ওপর মাত-পুরু ধুলো জমে গেল একক্ষণ ।

রাস্তাও যে ফুরোতে চায় না । বড় বড় মাঠের ওপর রাস্তা, মাঝে মাঝে বিল আর ধানক্ষেত আর ছ' একটা চাষা-গাঁ ।

কার্ত্তিক মাসের মাঝামাঝি, তেমন গরম নেই তাই নিস্তার, নইলে বাসে যা ভিড়, গরমে, ভীষণ কষ্ট হোত, চলন্ত বাসেও গরম কাটত না । প্রতুল একবার মুখ বাড়িয়ে দেখলে স্টেশন চোখে পড়ে কি না ।

বালুরঘাট থেকে যে মেয়েটি উঠেছে তার হাত থেকে একখানা বই হঠাৎ পড়ে গেল, বাসের কাঁকুনিতে । কোন একজনের পায়ের ঠোকর লেগে বইখানা বেক্সির ফাঁক দিয়ে গলে একেবারে এসে পড়ল প্রতুলের বেক্সির পায়ার কাছে । প্রতুল বইখানা নীচু হয়ে তুলে দেখলে, কলেজ-পাঠ্য ইংবেজী বই—‘এট্ ডিক্টোরিয়ান পোয়েটস’ । ও সেখানা উচু করে তুলে ধরে মেয়েটির দৃষ্টি আকর্ষণ করে বললে,—‘আপনার বইখানা পড়ে গিয়েছে, এই যে !’ হাতে হাতে বইখানা মেয়েটির হাতে গিয়ে পৌঁছল ।

প্রতুল একক্ষণ ভাল করে লক্ষ্য করেনি, বাসে যে কটি মেয়ে আছে, সব চেয়ে এই মেয়েটি সুন্দরী, গায়ের রঙ ধূস্রপে ফরসা, বয়স কুড়ির বেশি নয়, এখনও বিয়ে হয়নি । কলেজের ছাত্রী তা তো বোকাই গেল ।

• কোন্ কলেজে পড়ে ? নাম কি মেয়েটি ? বালুরঘাটে কার মেয়ে ?

—হিলি ! হিলি !

বড় বড় টিনের ঢালা ও শিরীষ গাছের সারি দেখা দিয়েছে—হিলির বাজার ! স্টেশনের সিংহভাল দেখা যাচ্ছে ।

—ওরে, নে, জুতো পরে নে সব, হিলি এসেছে । হ্যা গা, সে পানের কৌটোটা কোথায় ? দেখ দেখ, বেক্সির তলায় পড়ে গিয়েছে । ব'স্ না চুপ করে, গাড়ী দেখবি তো ইষ্ট্রিশান আম্মক । কটা জিনিস ওনে নাও । এক, দুই, তিন, চার—গাড়ীর ছাদে আছে এক, দুই, তিন । আলাম মেলের ভাউন দিয়েছে ।

হুড়মুড় করে বাজীরা সব নামতে আরম্ভ করেছে, বাসের ছাদ থেকে কণ্ঠস্বর মাল নামিয়ে কুলিদের মাথায় চাপাচ্ছে, গোলমাল সেখানটাতে যেমন, ভিড়ও তেমনই ।

—আরে, ওই লাল স্মটকেসটা, ওই যে গামছা-বাঁধা, দাও নামিয়ে।

—সামাল সামাল, এই ভাল করে ঘর, কাঁচের জিনিস আছে ভেতরে।

—ওটা না ওটা না, ওই টিনেরটা, লেখা আছে—আর সি ডি,—হ্যা ওইটে—

আসাম মেল এসে দাঁড়াল। বাজীর দল মোটবাট নিয়ে উদ্ভ্রমসে ছুটেছে। প্রভুলের মোটে একটা টিনের স্মটকেস আর একটা বিছানা, তত্ত ভারীও নয়, নিজেরই সেটা হাতে করে ছুটল টিকিটঘরের দিকে—হুলির হাতে দিলেই এখুনি আবার চারটে পরস।

আসাম মেলে তত্ত ভিড় ছিল না, কিন্তু পার্কটীপুর থেকে যে শিলং মেল ছাড়ল, সেটা আসছে লখনউ বা কানপুর থেকে; হিন্দুস্থানী বাজীরা আসামের দিকে চলেছে শীতকালের প্রথমে বিভিন্ন চা-বাগানে কাজ করতে, তাদের ভিড়ে দাঁড়াবার জায়গা পর্য্যন্ত নেই ট্রেনে।

রজিয়া জংশনে ভোরবেলা ট্রেন পৌঁছল। এখান থেকে ষোল মাইল দূরে জাটখালি চা-বাগান। প্রতুল ডাক্তারী করে, বছর-খানেক এই চাকরিটাতে ঢুকেছে, ফ্রী কোয়ার্টার দিয়েছে চা-বাগান থেকে, জিনিসপত্র সস্তা, এক রকম চলে যাচ্ছে।

রজিয়ার নেমে আবার মোটর-বাস। বাগানের দু মাইল তফাৎ দিয়ে রাডাপাড়া রোড দিয়ে বাস চলে গেল। এইটুকু পথ একজন হুলির মাথায় স্মটকেসটা চাপিয়ে বেলা সাড়ে নটা আন্দাজ প্রতুল চা-বাগানে নিজের কোয়ার্টারে এসে উঠল।

বড় নির্জন জায়গা। দূরে অহুচ্চ নীল পাহাড় মেঘের মত দেখা যায়। একদিকে খুব বড় একটা জলা, নলখাগড়া বনে ঘেরা। হেমন্তের সকাল বেলা একটা আর্দ্র অগ্নীভিকর বাষ্প যেন উঠছে জলাটা থেকে। ম্যালেরিয়া ও কালাজরের জিপো এই চা-বাগানগুলো। প্রতুল নিজেরও করেকবার ম্যালেরিয়ার পড়েছে এখানে এসে পর্য্যন্ত।

ডাক্তারখানায় আসামী কম্পাউণ্ডার শিবনাথ ভট্টাচার্য্য একাধারে ডাক্তারখানার কম্পাউণ্ডার ও প্রভুলের পাচক। প্রতুল নিজে রাখতে জানেও না, ও-কাজ তার পোষায়ও না, সুতরাং শিবনাথকে খোরাকি দিয়েও রাখতে হয়েছে। ডাক্তারখানার চাকর ছুটে এসে ডাক্তারবাবুকে আসতে দেখে। প্রতুল তাকে জিজ্ঞেস করে জানলে, শিবনাথ তার বাড়ী গিয়েছে দু দিনের ছুটি নিয়ে, পরশু আসবে। শুধু বাবার তাড়াতাড়িতে আজ আসতে হোল প্রভুলের, নহতো পরশুই তো সে আসত।

ডাক্তারখানার চাকরকে বললে—ওরে ভীম, তুই জল তুলে দে আমার নাইবার আর রাহা করবার। এখন কষ্ট পেতে হবে দু দিন, তাড়াতাড়ি যা—। কোন কেস ছিল এ কদিন? ছিল না? চাবিটা নিয়ে গিয়ে ডাক্তারখানা ঝাঁট দিয়ে রাখ পে।

মানের পূর্বে স্মটকেস খুলতে গিয়ে সে দেখলে স্মটকেসের গায়ে অঙ্কিত কি একটা ভালো লাপানো, তার চাবি নেই ওর কাছে। আঃ কি বিপদ, এ টিক তার বোন কমলার কাজ। সে-ই কাল আসবার সময়ে বাস গুছিয়ে দিয়েছিল, কিসের ভালো কিসে লাগিয়ে বলে আছে!

অনেক কষ্ট করে লোহার সর সিক দিয়ে চাড় দিতেই তালুটা খুলে গেল।

স্ট্রটকেন্সের ডালুটা ভুলে নিজের ধুতি গামছা বার করতে গিয়ে কিন্তু সে বিশ্ময়ে কাঁঠ হয়ে
দাঁড়িয়ে রইল স্ট্রটকেন্সের ভিতরটাতে চেয়ে। এ কার জিনিসপত্র? শাড়ী কিসের?

বাক্সের ওপরের দিকে থাকে থাকে সাজানো রঙ-বেরঙের শাড়ী, তার নীচে ব্লাউজ গোটা
ছ-সাত, সাদা দুটি; এ ছাড়া পাউজারের কোটো, ক্রিম, আরও লম্বা ও গোল আকারের ছোট
বড় শূণ্ড কোটো, শিশি—সাবানের কেস, লেখার প্যাড, কাউন্টেন পেনের কালি—এক
তাড়া চিঠি, আরনা চিহ্ননি, আরও কত কি। সর্কনাশ!—কার বাক্স এটা?

প্রথমটা তার মনে হোল, তার বোন কমলার স্ট্রটকেন্সটা কি ভুলে গোলমাল হয়ে—? কিন্তু
না, তা নয়। এ রকম শৌখিন শাড়ী ও জিনিসপত্র কমলার নেই। তা ছাড়া এ তো কোন
জায়গার বাগড়ার প্রাকালে শুছিয়ে নেওয়া বাক্স; কমলা বাড়ী বসে আছে, তার বাক্স এমন
গোছালো থাকবার কথা নয়।

হতবুদ্ধি প্রতুল বাক্সের জিনিসগুলো ভুলে হাতে নিয়ে দেখতে লাগল। একটা মধ্যমুলের
বড় কোটোর মধ্যে লকেটওয়ালা একটা হার, একটি আংটি, দুটি বড় বড় কানের পাশা,
সোনার বড় সেকটিপিন একটা, গাছ-কয়েক সর সোনার চুড়ি; নতুন-গুঠা কাঁচের চুড়িও
দু গাছা, খুব বড় বড়, ঝকঝকে কাঁচ বসানো, কাজ-করা। একটা মনিব্যাগে চারখানা দশ
টাকার নোট, কিছু খুচরো। সম্পূর্ণ যেয়েলী স্ট্রটকেন্স। পুরুষের নাম-গন্ধ নেই স্ট্রটকেন্সের
কোন জিনিসে বা তার আবহাওয়ার।

প্রতুল দশ হাত মাটির তলার সোঁদিয়ে গেল সব ব্যাপারটা বুঝে দেখে। স্ট্রটকেন্স বদল
হয়েছে বেশ বোঝা গেল, কিন্তু কোথায় বদল হোল? ট্রেনে, না বালুরঘাট থেকে আসবার
পথে মোটর-বাসে? মোটর-বাসেই হওয়া সম্ভব, কারণ ট্রেনে তার কামরার কোনও মেয়ে
তো ছিল না; পার্কতীপুর থেকে সে ট্রেনের যে কামরায় উঠেছিল, তাতে হিন্দুস্থানী ও
মাড়োয়ারী যাত্রী বোকাই ছিল; তাদের মধ্যে এ স্ট্রটকেন্স কারও নয়। এ বাড়ানী মেয়ের
স্ট্রটকেন্স।

আচ্ছা, মোটর-বাসে যদি বদল হয়ে থাকে, তবে কোন মেয়েটির বাক্সের সঙ্গে হওয়া
সম্ভব?—তা ভেবেই বা কি মীমাংসা হবে, কারণ যে-কোনও মেয়ের স্ট্রটকেন্সের সঙ্গেই সম্ভব
হতে পারে, যখন সকলের বাক্স ছিল মোটর-বাসের ছাদে। যাক, সে কথা পরে ভাবা যাবে,
তার যথেষ্ট সময় আছে। এখন মুশকিল হয়েছে এই যে, যা পরনে আছে তা ছাড়া আর তার
ষিড়ী ধুতি নেই, গামছা নেই, সাবান নেই, স্কুর নেই, লুডি নেই—কিছু নেই। আর এই
বিজন চা-বাগানও বা, করাসী ইকোরেটোরিয়াল আফ্রিকাও তাই—কিছু মেলে না এখানে।
এখান থেকে সাত মাইল দূরে একটি ছোট বাজারে কেঁয়েদের দোকান আছে কাপড়ের, তবে
সেখানে বাড়ানী ভদ্রলোকের উপযুক্ত জামা-কাপড় পাওয়া যাবে না।

এখন আপাতত জান করে উঠে সে গারে দেখে কি? গায়ছা কোথায়? দাড়ি
কামর কিসে? শাশিত আছে বটে, কিন্তু তার সে কুলি-সুরে প্রতুল কখনও কামায়ে ন,

দাড়ি বেড়ে নারস মূনির মত হয়ে গেলেও না।

এমন বিশেষ সে জীবনে কখনও পড়েনি। কি এখন সে কি করে ?

নাঃ, উপায় নেই। অনেক ভেবে-চিন্তে সে দেখলে এই স্কটকেন বারই হোক, এর মধ্যের গাম্ভাখানি আর একখানি শাড়ী আপাতত তাকে ব্যবহার করতেই হবে—নিরুপায় !

শাড়ী বার করতে গিয়ে আরও বিপদ। সাদা শাড়ী বা আছে সব অরিপাড়। আর তাঁতের দামী শাড়ী শান্তিপূরী কি ফরাসভাড়া ; মোটা আটপৌরে গোছের শাড়ী বা আছে, তার সব রঙিন। দামী শাড়ী আছে এ ছাড়া। এখন একবার আপিসে যেতে হবে, কি পরে যাওয়া বার ? অরিপাড় শান্তিপূরী শাড়ী ? আর সাদা ব্লাউজ ?

নাঃ, ভেবে এর কুল-কিনারা নেই। একটা বা হোক করতেই হবে। রঙিন একখানা শাড়ী পরে স্নান সেরে, রেল ব্যবহৃত যে আধ-ময়লা জামা-কাপড় বর্তমানে গায়ে আছে তাই পরেই যেতে হবে আপিসে ম্যানেজারের সঙ্গে দেখা করতে। ম্যানেজার সাহেবকে সব কথা বলে বলে এর একটা পরামর্শ চাইতে হবে।

দাড়ি কামানো হোল না। রঙিন শাড়ী পরে স্নান সেরে সে রেলের জামাকাপড়ই সঙ্গে চাপিয়ে ম্যানেজারের সঙ্গে দেখা করতে গেল।

ম্যানেজার ইংরেজ, নাম সিমলন। সে দাড়িয়ে দাড়িয়ে চা-ঝোপের ছাঁটাই তদারক করছিল, প্রভুলকে দেখে পাইপ মুখ থেকে নামিয়ে বললে,—হালো ডক্টর, গুডমর্নিং, ইউ আর হিয়ার অলরেডি ! থট ইউ ওন্ট বি হিয়ার বিফোর টু-মরো।

প্রভুল বললে,—এসেছি বটে, কিন্তু আমার বড় বিপদ সার।

—ওয়েল, হোয়াট'জ অ্যামিস ?

সব স্তনে সাহেব হো হো করে হেসে উঠল।

—সে ডক্টর, ইউ আর এ গুগ আকটার উইমেন, হোয়াট, সে ইউ উইথ দি রোজ ! ইক আই ওয়্যার ইউ—

—না সার, হাসি নয়, মশকিলে পড়েছি ; একখানা কাপড় নেই, জামা নেই, দাড়ি কামাবার স্ক্র পর্ব্যন্ত নেই।

সাহেব হাসতে হাসতে বললে,—সে বন্দোবস্ত হয়ে যাবে। আমার স্কট একটা পাঠিয়ে দিচ্ছি। শেভিং সেট বাড়তি আছে, নিয়ে যাও। ইয়ংম্যান তোমরা, তোমাদের রোমানে সাহায্য করব না এমন বেরলিক নই আমি। তোমাদের বলসে—

—রোমান কোথায় সার, বিপদ খুব। সোনার গহনা, মনিব্যাগে টাকা—পুলিসে একটা খবর দেওয়া উচিত নয় কি ? শেষকালে—

—এখন থাক। আমার বললে তো, এতেই হোল। তোমার চোর বলে কেউ ধরতে পারবে না। আমার সায়নে-বাক্সের জিনিসের একটা লিষ্ট করা বাবে এখন ওবেলা। চল আমার বাগলোয়, জিনিসগুলো দিই তোমায়। দিব্যি রোমান্স বাধিয়ে কলে আছে—

—খুববাদ সার। আপনাকে কষ্ট দেওয়ার জন্তে আমি বড়ই—

—কিছু বলবার আবশ্যক নেই। চল।

নিজের কোয়ার্টারে এসে ধেয়ে-দেয়ে সুস্থ হয়ে প্রতুল একটা সিগারেট ধরালে। তার পর শুয়ে পড়ল ঘুমিয়ে নেবার জন্তে বটে, কিন্তু ঘুম আসে না কিছুতেই। এই অদ্ভুত ঘটনার কথা ভাবতে ভাবতে মাথা গরম হয়ে উঠল। প্রতুলের বয়স এই পঁচিশ। সবে ডাক্তারি পাশ করে চা-বাগানের চাকুরিটা পেয়েছে। বিবাহ হয়নি। বিশেষ ভাবে কোনও মেয়ের সম্পর্কে আসেনি। যাকে রোমান্স বলে, গল্পে উপস্থাসে কভই যা সে পড়েছে, তার নিজের জীবনে—না, কই, ঘটেনি। ডাক্তারী পড়বার সময় এক-মাধ্যমিক নার্সের সঙ্গে আলাপ হয়েছিল বটে, কিন্তু সে কিছু নয়। দিশি নার্স, তাদের দিকে তাকানো যায় না, তার রোমান্স।

কিন্তু তার জীবনে এমন ঘটনা কখনও ঘটেনি। আচ্ছা, কোন্ মেয়েটির সঙ্গে স্টুটকেন্স বদল হোল? বালুরঘাট থেকে যে মেয়েটি উঠল তার সঙ্গে, না ওই যে দুটি মেয়ে আগে থেকে বসে ছিল তাদের কারও সঙ্গে?

বালুরঘাটের মেয়েটি বেশ সুন্দর। কলেজের ছাত্রী বটে—ওর সেই বইখানা ‘এট্‌ ডিক্টোরিয়ান পোয়েটস্‌’ থেকে তা বোকা গিয়েছে। কি নাম? কি জাত? ব্রাহ্মণ না কার্ব না বৈষ্ণব?

ঠাণ্ড তার মনে পড়ল স্টুটকেন্সটার মধ্যে নীল কিতে দিয়ে বাঁধা একতড়া চিঠি ছিল বটে। মেয়েটির নাম নিশ্চয়ই তাতে পাওয়া যাবে। এতক্ষণ এ কথা মনে হওয়া উচিত ছিল তার।

উঠে সে স্টুটকেন্সটা খুলে ফেললে—শাড়ীর নীচে একপাশে চিঠির তড়াটা ছিল, সে সেটা হাতে করে বিছানার ওপর এসে বসল।

চিঠি খান-পনের। একজনেরই হাতের, বেশ শৌখিন নীল লিনেন পেপারের খামের ওপর ঠিকানা লেখা—অমিত্রা মজুমদার, O/o সি. আর. পাল, ২২৬ নীলমণি দস্তের লেন, বাগবাজার, কলিকাতা।

যাক, বাঁচা গেল, এই তো দিবা ঠিকানা পাওয়া গেল। আর ভাবনা নেই। কালই একখানা চিঠি লিখে দেওয়া যাবে। মেয়েটিরও নিশ্চয়ই ভীষণ অন্তরীকায় পড়তে হয়েছে। ঘোড়ারী একখানা শাড়ী নেই ব্লাউজ নেই, তার ওপর টাকা আর গহনা হারানোর দুশ্চিন্তা। মেয়েটি এতক্ষণ মাথায় হাত দিয়ে বসে পড়েছে।

তার ওপর যদি তারই স্টুটকেন্স মেয়েটি নিয়ে গিয়ে থাকে তবে তো স্টুটকেন্স খুলে মেয়েটি মুক্তি যাবে! দেশ থেকে এখানে খাবার জন্তে সে কিছু পাটমলি আর চিড়ে আনছিল ওই স্টুটকেন্সের মধ্যে। তা ছাড়া একটা ছোট মানকচু আছে, আর আছে—এক ছোড়া কুতো, নতুনও তেমন নয়। এ সব বাদে তার খুঁটি শাট পাল্লাবি প্রভৃতি তো আছেই।

ওর মধ্যকার একটি জিনিসও মেয়েটির কোন উপকারে আসবে না।

মজুমদার? মজুমদার? মজুমদার কি জাত? কার্ব না বৈষ্ণব না ব্রাহ্মণ? না অজ্ঞ কিছ?

চিঠিগুলো পড়ে দেখবার ইচ্ছে হল প্রতুলের, কে লিখেছে, মেয়ে না পুরুষ। শেষ পর্যন্ত সে ইচ্ছা সে দমন করলে। দরকার নেই পরের চিঠি পড়বার। শুটা, অস্তায়।

সারা দিনরাত কেটে গেল বটে, কিন্তু প্রতুলের মন থেকে মেয়েটির চিন্তা কিছুতেই যেতে চায় না। যত সে অস্তাদিকে মন দেবার চেষ্টা করে ততই সেই একই চিন্তা—সেই বালুবঘাটের মেয়ে, তার স্মৃটকেন।

পরদিন সে মেয়েটিকে একখানা চিঠি দিলে। ‘মাননীয়া’ পাঠ ব্যবহার করে সে স্মৃটকেন বদলের সব অবস্থা খুলে জানালে। স্মৃটকেনের মধ্যে যা যা ছিল, গহনা টাকা বস্তাদির একটা তালিকাও দিলে চিঠিতে। অনিচ্ছাকৃত ভ্রূটের ভ্রূট মার্কানাডিকাও বাদ গেল না। সে যে কি ভীষণ লজ্জিত ও ভূষিত হয়েছে এক্ষেত্রে, অস্তত তিনবার সে কথা লিখলে তিন জায়গায়। তার নিজের স্মৃটকেনটি কি ওখানে আছে?

চিঠি ডাকে দিয়ে দু তিন দিন দুঃ দুঃ বন্ধে উত্তরের প্রতীকার রইল প্রতুল। না জানি কি উত্তর আসে, খুব রাগ করে কি চিঠি লিখবে? পুলিশে খবর দেবার ভয়-টয় দেখিয়ে?

নয় দিনের দিন উত্তর এল।—

মান্তবরেয়ু,

মহাশয়ের পত্রে অবগত হইলাম, হিলি স্টেশনে মোটর হইতে নামিবার সময় আমার ভাগিনেরী শ্রীমতী অমিয়ার স্মৃটকেনটি ভ্রমক্রমে আপনার সহিত বদল হইয়া গিয়াছে। আপনার স্মৃটকেনটিও আমার ভাগিনেরীর সহিত আসিয়াছে। জিনিসপত্রাদির কথা বাহা উল্লেখ করিয়াছেন, স্মৃটকেনের মধ্যে উহার অতিরিক্ত কিছুই ছিল না। মহাশয় ভ্রলোক, আপনাকে এই অসুবিধার ফেলিবার নিমিত্ত আমার ভাগিনেরী যথেষ্ট লজ্জিতা, তাহার পক্ষ হইতে আমিও আপনার নিকট বার বার ভ্রূট স্বীকার করিতেছি। বাস্কটি ইনসিওর্ড আনপেড রেলওয়ে পাসার্লে পাঠাইয়া দিবেন। আপনার স্মৃটকেনটিও সেইভাবে পাঠাইব। রেলের রসিদটা উপরের ঠিকানা পাঠাইয়া বাধিত করিবেন।

বিনীত

শ্রীভবতারণ চক্রবর্তী

পত্র পেয়ে প্রতুলের যে কিছু আশা-ভ্রূ না হয়েছিল এমন নয়। প্রথম তো এ মেয়েটি যে কোন্টি, তা কিছুই বোকা গেল না। বালুবঘাটের সেই মেয়েটিই যে এই অমিয়া মজুমদার, তার কোন প্রমাণ নেই। চিঠি একখানা মেয়েটির কাছ থেকে আসবে এমন আশা করা নিজস্ব অলপেত ছিল না, কোথা থেকে আবার মেয়ের মামা শ্রীভবতারণ চক্রবর্তী এসে জুটল মাঝখানে। তবে মামা থাকতে একটা ব্যাপার খানিকটা পরিষ্কার হয়ে গেল, মেয়েটি ব্রাহ্মণ। সেও ব্রাহ্মণ। তাতে অবিক্তি এমন কিছু অবিধে যে কি, প্রতুল ভাল করে যখন ভাবলে, তখন বুকেই গেল না।

পরদিন শোক পাঠিয়ে সে স্ট্রটকেসটি রেল বুক করে দিলে এবং তার নিজের স্ট্রটকেসটিও সে-সম্প্রদায়ের শেষে একদিন অকৃত অবস্থার কুলির মাথার চেপে তার কোয়ার্টারে এসে পৌঁছল। জিনিসপত্র নাড়াচাড়া হয়েছে বটে, কিন্তু ঠিক আছে, এমন কি চিঁড়ে ও ভালের পাটালি পর্যন্ত।

ব্যাপারটা যেমাগুম মিটে গেল।

এর পর আর কি ঘটতে পারে? কিছুই না।

প্রভুল কিন্তু কিছুতেই মেয়েটির কথা একবারে ভুলতে পারলে না। তার ডরশ জীবনে এই প্রথম নারী-সংক্রান্ত ঘটনা। রোমান্স না হলেও রোমান্সের কল্পনা মনে জাগে বই কি! বিশেষত চা-বাগানের এই নির্জন জীবনে। তা ছাড়া, কোন্ মেয়ে ছিল এটি? সেই বালুরঘাটের?

মেয়েটির কাছ থেকে একখানা খন্তবাদ জানিয়ে চিঠি আসবে এ আশাও প্রভুলের ছিল। তা আসেনি।

পাঁচ মাস পরে প্রভুল আবার ছুটি নিয়ে বাড়ী রওনা হোল। অনেকদিন দেশে বারনি, মনটা ব্যাকুল ছিল আত্মীয়স্বজনকে দেখবার জন্যে। ওর বোন কমলাকে ও বড় ভালবাসে। কমলার বিবাহের কথাবার্তা চলছে, সামনের বৈশাখেই বোধ হয় বিয়ে হয়েও যাবে। তার আগে কমলাকে নিজেদের মধ্যে আপন ভাবে দিনকতক পেতে চায়। সেজন্তে আরও বিশেষ করে বাড়ী ষাওয়া দরকার।

ছিল স্টেশনে নেমে বসে থাকতে হোল। একখানি আপ ট্রেন এলে তারও যাত্রী নিয়ে তবে মোটর-বাস ছাড়বে।

প্র্যাটকর্মে কিছুকাল পারচারি করতে করতে কলকাতার ট্রেন এসে পৌঁছল। যাত্রীর ভিড় তেমন ছিল না, কয়েকটি মাত্র লোক ট্রেন থেকে নামল।

হঠাৎ প্রভুল থমকে দাঁড়াল—বালুরঘাটের সেই ডরশী কলেজের ছাত্রীটি একা ট্রেন থেকে নামছে। ওর হাতের দিকে চেয়ে কিন্তু সে চক্ষে অন্ধকার দেখলে কিছুক্ষণের জন্যে। ট্রেনের দরজা থেকে হুলি যে স্ট্রটকেসটাকে মাথার চাপিয়ে নিলে মেয়েটির—সেটি তার অভ্যস্ত পরিচিত সে স্ট্রটকেসটি নয়। সেটি ছিল টিনের, আর এটি চামড়ার বড় একটা স্ট্রটকেস।

মোটর-বাস ছাড়বার সময় নেই বেশি। প্র্যাটকর্মে নেমে মেয়েটি একবার চারিদিকে চেয়ে দেখলে, যেন একটু হতাশ হয়ে পড়ল।

মোটর-বাসে ওঠবার সময় প্রভুল শুনলে মেয়েটি কণ্ঠকটরকে বললে—বালুরঘাটের সাবডেপুটিবাবুর বাড়ী থেকে কোমপ লোক আসেনি?

কণ্ঠকটর বললে—ভিগুটি সাব? নেহি মাইজি। আপ উঠিরে, হরজ করা, বালুরঘাট মে উভার কেসা।

বাস চলেছে। মেয়েটির প্রতি ঔদাসীন্য এসে গিয়েছে প্রভুলের, সে অন্ধ দিকে চেয়ে আছে,

অল্প কথা ভাবছে। বাব্বের অমল-বদল হয়েছিল বলেই তার মন বালুরঘাটের মেয়েটির প্রতি আকর্ষণিত হয়ে উঠেছিল, মেয়েটি সুন্দরী বলে নয়, সুন্দরী যেহেতু সে অনেক দেখেছে।

এমন একটা ঘটনা ঘটেছিল যে মেয়ের সম্পর্কে, তার প্রতি মন আকৃষ্ট হওয়া খুবই স্বাভাবিক। প্রতুল কেন, সকলেরই হয়—আরও বেশি করে হয় এর ওপরেও যদি মেয়েটি সুন্দরীর পর্যায়ে পড়ে।

কিন্তু এ যখন সে-মেয়ে নয়, প্রতুল ওর স্টকেস দেখেই তা যখন বুঝলে, সেই মুহূর্তে প্রতুলের মন থেকে মেয়েটি একদম মুছে গিয়েছে। যাকে নিয়ে তার মন নিভৃত কত স্বপ্নজাল বুনেছিল এক সময় ভাটিখালি চা-বাগানের বনানীবেষিত নির্জন বাগানোতে—এ সে মেয়ে নয়।

বাজীদের ভিড় বেশি নেই। ডব্ললোকও নেই সে আর মেয়েটি ছাড়া। ড্রাইভারের ঠিক পিছনে, রেলিং দিয়ে অল্প বাজীদের বসবার জায়গা থেকে পৃথক করা রিজার্ভ সিটে মেয়েটি বসে আছে। প্রতুল তার ঠিক পিছনের লম্বালম্বি ভাবে পাতা বেকির প্রথমই বসেছে, রিজার্ভ সিটের পিছনের গরাদে ঠেস দিয়ে।

একটা ছোট বাজারে বাস দাঁড়াল। দু-একজন যাত্রী ওঠা-নামা করল। প্রতুল লক্ষ্য করলে মেয়েটি তার দিকে চেয়ে চেয়ে দেখলে, কি যেন বলবার আছে ওর, কিন্তু বলতে বাধা-বাধা ঠেকছে, ভাবটা এই রকম। কি বলবার থাকতে পারে মেয়েটির? সে কি এগিয়ে গিয়ে মেয়েটির সঙ্গে কথা কইবে?

মোটর-বাস ছাড়বার কিছুক্ষণ পূর্বে হঠাৎ মেয়েটি ওর দিকে ফিরে বললে,—আপনি কি বালুরঘাট যাচ্ছেন?

প্রতুল চমকে উঠে বললে, বালুরঘাট? হ্যাঁ—তা না—বালুরঘাট? কেন বলুন তো?

প্রতুলের উত্তর দেওয়ার ধরন ও অবস্থা দেখে তরুণীর সুন্দর মুখে হাসির অতি ক্ষীণ অম্পট রেখা ঈষৎ ফুটে উঠেই মিলিয়ে গেল। সে বললে,—দেখুন, আমি বড় মুশকিলে পড়ে গেছি। রাত হয়ে গেল, বালুরঘাটে আমার কাকা গভর্নমেন্ট অফিসার। বাসা থেকে লোক আসবার কথা আছে নর্থ বেঙ্গলের সময়, আমি একটা ট্রেন আগে এসে পড়েছি, কি করে বাসায় যাব? তা ছাড়া আপনি যদি আগে নেমে যান তবে গাড়ীতে আর দ্বিতীয় ডব্ললোক নেই, এই অসুকার রাত—এ পথে তল্লাত তো আছে জানি।

মেয়েটি যেন অসহায়ভাবে ওর মুখের দিকে চাইলে।

প্রতুল লাফিয়ে উঠল প্রায়। বললে,—কোন ভয় নেই—আমি আপনাকে পৌঁছে দেব বাড়ী, আমিও ওখানেই যাব—চলুন।

মেয়েটি যেন সাহস ও আশ্বাস পেয়ে মনের বল ফিরিয়ে গেল। কিন্তু মুখে বললে,—আপনাকে সে বড় কষ্ট দেওয়া হবে। আপনি বালুরঘাট নেমে দরজা করে আমাকে একখানা গাড়ীতে তুলে—

—কিন্তু না। আপনি সেজ্ঞে কিছু মনে করবেন না। কার বাসায় যাবেন আপনি?

—আমার কাঁকা ওখানকার সাবভেপুটি, সুখাংসুখুমার মজুমদার।

প্রতুলের বুকের মধ্যে হঠাৎ খেন দুলে উঠল—যে কথাটা ভুলে ছিল এতক্ষণ, সেটা আবার ওর মনে লাড়ো জাগাল।

—একটা কথা বলব? যদি কিছু মনে না করেন, আপনার নামটি কি জিজ্ঞেস করতে পারি কি?

—আজ্ঞে আমার নাম অমিয়া মজুমদার।

প্রতুলের মাথা ঘুরে উঠল। বাস, লোকজন, গাছপালা, পৃথিবী, আকাশ, বাতাস দুলে উঠল। যেন বিরাট একটা ভূমিকম্প।...অমিয়া মজুমদার! অমিয়া মজুমদার!

অতি কষ্টে নিজেকে সামলে বললে—আর একটা কথা বলব, কিছু যদি মনে না করেন। আপনার সঙ্গেই আমার স্ট্রটকেন্স বদল হয়েছিল গত পূজোর ছুটির সময়—আমারই নাম প্রতুল ভট্টাচার্য, আমিই ভাটিখালি চা-বাগানে থাকি—ডাক্তার—

মেরেটির ভাগর চোখে বিষয় ও কৌতূহলের দৃষ্টি ফুটে উঠল। অলঙ্কার চূপ করে ওর দিকে চেয়ে থেকে বললে, ও! আপনি প্রতুলবাবু! আপনাকে আমি চিনি।

—আমাকে? আমাকে চেনেন কি ভাবে?

—সেবারে বাসে আমার একখানা বই পড়ে যাওয়াতে আপনি আমার কুড়িয়ে দিয়েছিলেন—না?

প্রতুল হেসে বললে,—হ্যাঁ, ঠিক বটে। মনে পড়েছে। কিন্তু বাক্স-বদলের চেনাটা বড় বেশি রকম করে চেনা নয় কি? ওঃ কি কষ্ট দিয়েছিলুম আপনাকে, মনে থাকবে চিরকাল।

মেরেটি প্রতিবাদের সুরে হাসিমুখে বললে,—না না, তা আর কি, অমন ভুল তো হয়েই থাকে। আমারই দোষ—

—আপনার কি দোষ? আমার দোষ, যতই তাতাতি হোক, নিজের জিনিস দেখে নেওয়া উচিত ছিল। আপনি কোন্ কলেজে পড়েন?

—স্কটিশ চার্চ-এ।

—এবার দেবেন বুন্ডি বি-এ?

—বার্ড ইয়ার শেষ হবে এবার—সামনের বারে দেব।

—আপনার মামার নাম বুন্ডি ভবতারপবাবু? মামার বাড়ী থাকেন বুন্ডি?

—না, মামার বাড়ী ওটা নয়। মামা একা থাকেন, উনি জ্যোতিষী, কেউ নেই বাসাঘ, আমি রাঁধি, মামা আর আমি থাকি।

রাত্রি সাড়ে আটটার সময় বাসুরঘাটে বাস এল। প্রতুল মেরেটিকে বললে—আপনাদের বাসা কতদূর? একখানা গাড়ী করি?

মেরেটি বললে—গাড়ী করতে হবে না। কুলির মাথায় দিয়ে চলুন খাই, ওই মোড় ঘুরলে ভিন্স মিনিটের পথ।

এরা বাসায় পৌঁছুতেই একদল বালক-বালিকার উল্লাস-হুচক কলরবের মধ্যে ওদের অভ্যর্থনা হোল। মেয়েটির কাকা সুধাংশুবাবু প্রতুলকে যথেষ্ট আপ্যায়িত করলেন। প্রতুল তখনই চলে যেতে চাইলে—সে কথাতে তিনি কর্ণপাতও করলেন না; রাগে তিনি কোথাও তাকে যেতে দেবেন না, কাল সকালে সে পরামর্শ হবে কখন বাওয়া যায় না যায়। আপাতত হাতমুখ ধুয়ে বিশ্রাম করে একটু চা খেলে তিনি কৃতার্থ হবেন।

ইতিমধ্যে বাড়ীর মধ্যে মেয়েটির ছারাই রাষ্ট্র হয়ে গেল যে, এই সেই লোক, যার সঙ্গে তার বান্ধ-বহল হয়েছিল।

এতক্ষণ পর্য্যন্ত প্রতুল ছিল মাত্র জটনৈক সজ্জন পথিক ভ্রমালোক, যিনি তাদের অমিয়াকে একা আসতে দেখে দয়া করে তাকে বাসায় পৌঁছে দেবার কষ্ট স্বীকার করেছেন।

কিন্তু একথা প্রকাশ হবার পরে প্রতুল বাসাস্থল সকলের নতুনতর কৌতূহল ও প্রশংসার কেন্দ্র হয়ে উঠল। মেয়েটির কাকা বাড়ীর মধ্যে থেকে এ কথা শুনে এসে তাকে বললেন—
• আপনার সঙ্কে যে কণা সুনলম্ব অমির মুখে তাতে আপনাকে আর সাধারণ ভ্রমালোক বলে ভাবতে পারি নে তো। আপনি অতি মহৎ লোক। এভাবে যে আপনার সঙ্গে আলাপ হয়ে যাবে এ ধারণার অতীত। বেশি কিছু আমি আপনার সামনে আপনার সঙ্কে বলব না, তবে এইটুকু বলছি যে, আমরা বাসার সকলেই আপনাকে পরমাত্মীয় বলে গণ্য করি প্রতুলবাবু। আমিও বাড়ীর মধ্যে ওর কাকীমার কাছে বলছিল, আপনার সঙ্কে ওর যথেষ্ট উঁচু ধারণা।

প্রতুলের মুখ লজ্জায় ও সংকোচে লাল হয়ে উঠল, বিশেষ করে সুধাংশুবাবুর এই শেষের দিকের উক্তিতে।

একটু পরে চা ও খাবারের রেকাবি হাতে মেয়েটিই বাইরের ঘরে ঢুকে প্রতুলের সামনে টেবিলের ওপর সেগুলো রেখে বললে,—হাতমুখ ধুয়েছেন? একটু চা খেয়ে নিন।

সুধাংশুবাবুর হঠাৎ কি-একটা কাজের কথা মনে পড়ে যাওয়াতে তিনি বললেন—অমি, তুই এখানে বস একটু, ঠুকে আর এক পেয়ালা চা এনে দিস, আসছি আমি আধ-ঘণ্টার মধ্যে।

সুধাংশুবাবুকে আর বাইরের ঘরে দেখা গেল না।

প্রতুল ইতিমধ্যে মেয়েটির সঙ্কে অনেক কথা জেনে কেললে। ওর বাবা-মা নেই, অনেক দিন মারা গেছেন। কাকা যাঁহুৰ করছেন বহুদিন থেকে। আই-এ-তে 'মেয়েটি কুড়ি টাকা স্কলারশিপ পেয়েছিল, কলেজে ও ফাইন আর্টস সোসাইটির সেক্রেটারি। কলেজে গানের প্রতিযোগিতায় প্রথম হয়ে মেডেল পেয়েছে এ বৎসর। কলেজ মাগাজিনে ওর লেখা ছোট গল্প বেরিয়েছে। বি-এ পাশ করে ও নিশ্চয়ই এম-এ পড়বে, ইত্যাদি ইত্যাদি।

মেয়েটি সন্মাসরি ভাবে এসব সংবাদ প্রতুলকে বললি। প্রতুলের প্রস্নে, কতকটা নিজে থেকে ঘুরিয়ে ফিরিয়ে এমন ভাবে বলেছিল যে প্রতুলের তথ্যগুলি অজ্ঞাত রইল না আধ-ঘণ্টা সময় শেষ হবার পূর্বেই।

সুধাংশুবাবু পুনরায় বাইরের ঘরে ঢুকতেই অমির উঠে চলে গেল। পরদিন সকালে উঠে

প্রতুল বাবার উদ্ভোগ করতাই সুখাংশুবাবু ওকে জানালেন—বাড়ীর মধ্যে বলেছে এ-বেলা বাঙলা হবে না তার। ধেরে-দেয়ে ও-বেলা ঘীরে-সুখে গেলেই চলবে।

• প্রতুলে সফলকণ্ড সুখাংশুবাবু অনেক কথা জানলেন কথার কথা। সে এম. বি. পাশ করেছে আর বছর, চা-বাগানে চাকরি করে, এক-শ'টি টাকা মাইনে। ওরা রাষ্ট্রপ্রেমী ব্রাহ্মণ, বাবা-মা বেঁচে আছেন, দেশে জায়গা-জমি আছে, ইত্যাদি ইত্যাদি।

বাঙালীর সংসার, বাপ-মা-মরা বরহা মেয়ে কাকার ঘাড়ে, পাত্র হিসাবে প্রতুল ভালই, সম্মুখে শুভ বৈশাখ মাস। অতএব, এর পরে আর খুব বেশি কিছু বলবার নেই, থাকবার কথাও নয়।

ভাটিখালি চা-বাগানের সেই কোয়ার্টারে প্রতুল একদিন তার তরুণী পত্নীকে ঠাট্টার স্বরে বলেছিল—কি, আর বাস-বদল করবে? আমিরা কোথায় বাড়ি বৈকি উত্তর দিয়েছিল, ব'লো না! কি কষ্ট সেদিন আমার! কলেজে যাব—বাস্থ্য খুলে দেখি খুঁটি, গেলি, লুডি, শার্ট! মাগো, আমার চোখে জল এল! কি পরি তখন বুঝি নে। বাড়ীতে দ্বিতীয় মেয়েমাহুষ নেই, নেয়ে উঠে কি পরি তার নেই ঠিক। কি বিপদ গিয়েছে সেদিন আমার! আর বাস-বদল হোল নাকি একজন গৈয়ো লোকের সঙ্গে! বাজের মধ্যে আবার চিঁড়ে, গুড়, পুরনো তালি-দেওয়া জুতো—উঃ মাগো!

প্রতুল বললে—হায় হায়, বাস-বদল তো পদে আছে, সেই গৈয়ো লোকটার সঙ্গে একদিন মালা-বদল হয়ে যাবে তা কি আর তখন জানতে!

মুলো—র্যাডিশ—হর্স র্যাডিশ

নবীনবাবু ঘুম হইতে উঠিয়া কয়লা চাকরকে ডাকাডাকি করিতেছেন শুনিতে পাইয়াও আবার চান্দর মুড়ি দিয়া পাশ ফিরিয়া শুইয়া এবং তার একটু পরে বোধ হয় ঘুমাইয়াও পড়িয়াছি। জানালায় ঈশক দিয়া পাশের আভাগাছের ডাল যখন দেওয়ালের গায়ে অনেকখানি রোদের মধ্যে ছায়া সৃষ্টি করিয়াছে, তখন কয়লার ডাকে তথ্রা ভাঙিল।

—বাবুজি, চা তৈয়ার!

—চা? এখানে নিয়ে আর, বিছানায়।

নবীনবাবু বোধ হয় প্রাক্তরঙ্গ লারিয়া আমার ঘরের পাশের সরু কলিতোর দিয়া গটগট করিয়া চলিয়া গেলেন, আমার আলস্তের প্রতি কটাক করিয়াই বেশ জোরে জোরে পা কেলিয়া খেলেন। চা-পান বিছানায় বসিয়াই শেষ করিয়া উঠিব-উঠিব ভাবিতেছি, এমন সময় নবীনবাবু ডাকাডাকি আনিয়া আমার বিছানার পাশের দিকের জানালায় দাঁড়াইয়া বলিলেন—উঠুন যশাই, বোধপুরী মুলো এসেছে, র্যাডিশ।

আমি চটি পায়ের দিতে দিতে বলিলাম—হর্স র্যাডিশ? একা, না মিস সোরাবজিকে নিয়ে? নবীনবাবু রাগ করিয়া বলিলেন—আস্থন না, উঠেই আস্থন না। মিস সোরাবজির বাবা-

মার দায় পড়েছে ওর সঙ্গে মেয়েকে পাঠাতে সকাল বেলা। একাই এসেছে।

পরে পিছন ফিরিয়া বলিলেন—আচ্ছা, রোজ রোজ কেন সকালে এসে জোটে বলুন তো? কি কাজ এখানে বাপু তোর? বিরক্ত করলে! আর আপনিও মাষ্টার আগে বিছানা ছেড়ে উঠবেন না একদিনও—

বলিলাম—আপনার উক্তি দুটির মধ্যে পরস্পর সম্বন্ধটা কি ভাল বুঝলাম না নবীনবা—

—বুঝবেন বুঝবেন—শীগগিরই বুঝবেন। যদি সকালে সকালে বেরিয়ে যাই, তাহলে তো আর এ হাঙ্গামা এসে জোটে না সকালবেলা। এখন চা কর রে, খাওয়াও রে, ভাজ ভাজ করে বকো রে—

—নবীনবাবু, শিগগিরি ইউ ভোল্ট গ্রাজ ইন্ড গেস্ট এ কাপ অব টি।

—থাক থাক হয়েছে—গেস্ট। ভারি আমার গেস্ট রে।

যাহার অভ্যর্থনার আয়োজন এত হৃদয়তাপূর্ণ, সে বৈচাৰী নির্বিকার ভাবে হাসিমুখে বাংলার বারান্দায় দাঁড়াইয়া ছিল। আমার দেখিয়াই হাত বাড়াইয়া পরম বন্ধুত্বের সুরে বলিল—গুডমর্নিং মিষ্টার রায়।

আমি হাত কাঁকাইতে কাঁকাইতে পরিপূর্ণ অমায়িকতার সঙ্গে বলিলাম—গ্লাড ইউ হ্যাভ কাম মি: শুকরাম—গুডমর্নিং।

নবীনবাবু উদাসীনভাবে অতিথির করমর্দন করিয়া ইংরেজিতে বলিলেন, বসুন মি: শুকরাম। আমি একবার জেনারেল পোস্টাশিস থেকে একটা তার করে আসি, আপনি ততক্ষণ চা খান।

আমার দিকে চাহিয়া বাংলার বলিলেন—মূলোকে শীগগির ভাগাবার চেষ্টা করুন। আজ এখুনি আমাদের বেকতে হবে, কাজ আছে অনেক।

মূলো যাহাকে বলা হইয়াছে সে বাংলার একবর্ণও বোঝে না তাই রক্ষা। আমাদের মধ্যে কথাবার্তা ইংরেজিতেই হয়।

মূলো জাঁকিয়া বসিয়া আমার বলিল—বাঙালীদের মত লুচি কবে খাওয়াচ্ছেন মি: রায়? ও আমার বড় ভাল লাগে। আমি বাঙালীদের সঙ্গে একবার মিলেছিলাম—লুচি খাইরেছিল। সে এখনও তুলিনি।

তিনি মনে মনে বলিলাম—নবীনবার পিত্তি জলে খেত—যদি কথাটা শুনত। ভাগ্যিস নেই এখানে। যে অভ্যর্থনার ঘটনা তাঁর। কয়লা চাকরকে ডাকিয়া খানকতক লুচি ভাজিতে বলিতে গিয়া শুনিলাম বি ও ময়দা বাজার হইতে না আনিলে চলিবে না, ফুরাইয়া গিয়াছে। বলিলাম অতিথির অদৃষ্টে লুচি নাই। নবীনবাবু হৃদয়তা ইতিমধ্যে আসিয়া পড়িতে পারেন। নরকায় নাই সেসব হাঙ্গামায়। চা-ও টোস্ট খাওয়াইয়া দিলাম মূলোকে। মূলো তাহার স্বভাব-সিদ্ধভাবে বসিতে শুরু করিয়া দিল। বহুনি আর থামায় না, বেলা নটা বাজিয়া গেল, তবুও তাহার হাঁশ নাই। ইতিমধ্যে নবীনবাবু আসিয়া পড়িলেন, মূলোকে তখনও বসিয়া থাকিতে দেখিয়া বিরক্তির সহিত অঙ্গদিকে মুখ ফিরাইয়া আমার বলিলেন—মূলোটা এখনও বারনি? হর্ন ম্যাডিশটা?

—না গেলে তো ডাঙিরে দিতে পারি নে! ও বলছে আমাদের সঙ্গে খিন্‌সি লোক দেখতে যাবে।

—মাটি করেছে। সারলে দেখছি।

মূলো আমাদের কথাবার্তা বুঝিতে না পারিয়া বলিল—মিঃ রায় খিন্‌সি লোক সম্বন্ধে কি বলছেন?

নবীনবাবু তাহার দিকে ফিরিয়া বলিলেন, অবশ্য ইংরেজিতে—খিন্‌সি লোক সম্বন্ধে একটা পরামর্শ করছি ওর সঙ্গে। আপনি আসবেন নাকি আমাদের সঙ্গে?

—নিশ্চয় মিঃ বোস, খুব খুশীর সঙ্গে।

—বেশ বেশ। বড় আনন্দ হোল। বড় খুশী হোলাম।

আমি বলিলাম—মিঃ শুকরামের মত সঙ্গী পেলে খিন্‌সি তো খিন্‌সি, উত্তর মেরুতে গিয়েও জ্বব আছে।

নবীনবাবু ইংরেজিতে সারসংক্ষেপ কথা বলিয়া আমায় বাংলাতে বলিলেন—স্বর্গেও যদি যাও মূলোকে নিয়ে স্বর্গের হাওয়া পর্য্যন্ত তেতো হয়ে উঠবে, ওকে ভাগাবার চেষ্টা কর।

মূলো বলিল—তাহলে কখন রওনা হব আমরা, মিঃ বোস?

—রওনা? সে তো এখনও ঠিক হয়নি, দেখি—

—যদি বলেন আমার এক আনাতুনো গাড়ী আছে—পেট্রোলের খরচটা দিলেই রাবী হয়ে যাবে। বলব তাঁকে?

—বলুন না, বেশ বেশ!

আমরা সবাই বেশ উৎসুক হইয়া উঠিলাম।

পরদিন মূলোর চেষ্টাতে গাড়ীর বোঁগাড় হইক' গেল। আহা! সারিয়া আমরা তিনজনে শহর হইতে চল্লিশ মাইল দূরবর্তী খিন্‌সি হ্রদ দেখিতে রওনা হইলাম। নাগপুর জবলপুর রোডের যে স্থান হইতে খিন্‌সি হ্রদের রাস্তা বাহিব হইল, ঠিক সেই জায়গাটিতে পড়ে মান্দারের ম্যান্‌জানিজ খনি।

মূলো আমাদের সঙ্গে আসিতে পাইয়া বড়ই খুশী হইয়া উঠিয়াছে এবং ভীষণ বকুনি শুরু করিয়াছে। নবীনবাবু বাংলায় বলিলেন—মূলোটা তো বড় জালাচ্ছে হে! ওকে এই ম্যান্‌জানিজের মাইনে রেখে গেলে কেমন হয়?

মূলো জিজ্ঞাসা করিল—কি, মিঃ বোস?

তাহার সব বাংলা কথার মানে জানা চাই।

নবীনবাবু উত্তর দিলেন—এই ম্যান্‌জানিজ খনিটা ইণ্ডিয়ার মধ্যে একটা বড় খনি তাই বলছি।

নাগপুরে আমরা দুজনে আসিয়াছি বেড়াইতেও বটে, কিছু ইনসিগুরের আসারী বোঁগাড় করিতেও বটে। সিভিল লাইনে কোতোয়াল সাহেবের বাংলা ভাড়া লইয়া যেদিনটা

বারান্দার কানভালের আব্রাম-কেদারা পাতিয়া বসিয়া একটি সিগারেট ধরাইয়াছি—সেদিন এবং সেই মুহূর্তে এই লোকটি আসিয়া আমাদের সঙ্গে গায়ে পড়িয়া আলাপ করিয়াছে। একটি ভয়ঙ্কর মুহূর্তে বাড়ীর হাতায় ঢুকিতে দেখিয়া আমি চেয়ার ছাড়িয়া উঠিয়া আগাইয়া গেলাম এবং ইংরেজিতে জিজ্ঞাসা করিলাম—কাকে চান ?

যুবকটির চেহারা একহারা, দাঁত উচু, শ্রামবর্ণ, মুখে দুই একটা বলকের দাগ, ছোট ছোট চোখ, পরনে নির্ধৃত সাহেবী পোশাক। সে একগাল হাসিয়া বলিল—আপনারা এই বাসা ভাড়া নিয়েছেন ? বাড়ালী ? সে আমি দেখেই বুঝেছি। সেইজন্তেই এলাম—বাড়ালীর সঙ্গে আলাপ করার ইচ্ছে আমার অনেক দিন থেকে আছে।

বলিলাম—আম্নন বন্মন। এইখানেই বাড়ী বুঝি ?

যুবক পাশের চেয়ারে বসিয়া পড়িয়া বলিল—দেশ আমার যোধপুর। এখানে কলেজে পড়ি—কোর্থ ইয়ারে।

—বেশ বেশ। একটু কা খান—

সেই হইতে ইহার যাতায়াত শুরু। এমন একটি দিন যায় নাই, যেদিন ছোকরা দুবেলা আসে নাই এবং নানাপ্রকার আলোচনার অবতারণা করে নাই। দিন কয়েক পরেই নবীন-বাবু এবং আমি আবিষ্কার করিলাম যে ছোকরা কিছু স্থূলবুদ্ধি, ঠিক সকালে ও বিকেলে চা পানের আগে আসিয়া জুটিবে এবং ছপুর পর্যন্ত বসিয়া বসিয়া শুধু বকিবে—উষ্টিবার নামটি করিবে না। বাধ্য হইয়া প্রায়ই ছপুরে বা রাত্রে—কোন কোন দিন দুবেলাই তাহাকে খাইতে বলিতে হইয়াছে। সে খাইয়াছেও। এড়াইয়া চলিবার চেষ্টা করিলেও সে বুঝিতে পারে না।

হয়তো নবীনবাবু বলিলেন—মিঃ শুক্রাম (তাহার নাম রত্নাকর শুক্রাম জৈন), ওবেলা আমরা একটু হাইল্যাণ্ড ড্রাইভে বেড়াতে যাব, বিকেলটাতে থাকব না।

—বেশ বেশ, আমি সন্ধ্যার পর আসব।

—ও, তা বেশ। তবে বোধ হয় কিরতে একটু দেরিই হবে।

—না হয় আমি একটু রাত করেই আসব এখন। আপনারা অনেক উচু বিষয়ে কথাবার্তা বলেন—আমার শুনতে বড় ভাল লাগে। এই জন্তেই আমি বাড়ালীদের সঙ্গে মিশতে বড় ভালবাসি। তা এখানে বাড়ালী বেশি নেই—যারা আছেন, তারা বড় মেশেন না।

এই ধরনের নিবৃত্তিকার পরিচয় দেওয়ার দরুন আমরা তাহাকে ‘মূলো’ আখ্যা দিলাম এবং তাহার সাক্ষাতে পর্যন্ত নিজেদের মধ্যে বাংলার তাহাকে ‘মূলো’ বলিয়া উল্লেখ করিতাম। কখনও কখনও ‘মূলো’র ইংরেজি অনুবাদ করিয়া তাহার সামনেই তাহাকে ‘র্যাডিশ’, কখনও ‘হর্স র্যাডিশ’ বলিতাম। বেচারী আমাদের বাংলা কথার অর্থ একবর্ণও বুঝিত না। ‘মূলো’ কথার ইতিম্মগত অর্থই বা বুঝিবে কিরূপে। মাঝে মাঝে আমাদের মুখে ‘র্যাডিশ’, ‘হর্স র্যাডিশ’ শুনিয়াও কিছু না বুঝিয়া হয়তো ভাবিত—ইহারা এ তিনটা কথা এত ব্যবহার করে কেন ?

আমরা আর একটি জিনিস লক্ষ্য করিলাম। কোথ' ইরানের ছাত্র বটে, কিন্তু 'মূলো'র বিজ্ঞাবুদ্ধির দৌড় বিশেষ নয়, একজন ভাল বাঙালী ম্যাট্রিক ছাত্র তাহার অপেক্ষা অনেক কিছু জানে। বলা বাহুল্য অবাঙালী ছাত্রদের সম্বন্ধে আমাদের ধারণা স্বভাবত খুব উচ্চশ্রেণীর নয়। কলিকাতা বিশ্ববিদ্যালয় আর নাগপুর বিশ্ববিদ্যালয়? হামো:, এখানে মাছের আছে কে?

আমাদের এই মনোভাবের পটভূমিকায় আসিয়া উপস্থিত হইলে মূলোর ছাত্র একজন স্কলবুর্কি ছাত্রের যে দুর্দশা একদম দাঁড়াইবে আমাদের বিচারের মাপকাঠিতে ইহা আর বেশি কথা কি।

মজার ব্যাপার এই, যাঁহাকে লইয়া এই ব্যাপার সে কিছুই বৃত্তি'ত না। বরং ভাবিত, আমাদের মত অমায়িক বাঙালী ভদ্রলোকেদের সঙ্গে বর্নিষ্ঠ বন্ধুত্বসূত্রে আবদ্ধ হইয়া সে লাভবান হইয়াছে। একজ্ঞ সে মাঝে মাঝে গর্ব্বও করিত।

মূলোর মুখে শুনিয়াছিলাম ম্যান্‌জার খনির ম্যানেজারের সঙ্গে তার আলাপ আছে। গাড়ী জব্বলপুর রোডের উপর খনির সামনে দাঁড়াইতেই সে দোর খুলিয়া ছুটিয়া গেল ম্যানেজারকে ধর দিতে। যেন আমরা লাট সাহেব আসিয়াছি মান্দারের ম্যান্‌জার খনি দর্শন করিতে—এমনভাবে সে হস্তদস্ত অবস্থায় আমাদের সঙ্গে পরিচয় করাইয়া দিল। ইনি মিঃ বোস, ইনি মিঃ রায়—বাঙালী, খুব পণ্ডিত লোক এঁরা দুজনই। আমার বিশেষ বন্ধু।—কি মুশকিল! পাণ্ডিত্যের মধ্যে তো আমরা করি ইন্সিগুরেন্সের দালালি। অবশ্য আমাদের প্রাচীন কীর্ত্তি ও পুরাতত্ত্বের ওপর কিছু ঝোঁক আছে—কিন্তু সে ফটোগ্রাফির দিক হইতে, বিজ্ঞা বা পাণ্ডিত্যের দিক হইতে নয়।

মূলোর কাণ্ড দেখিয়া আমরা মনে মনে কৌতুক অল্পভব করিলাম।

ম্যানেজার নাগপুরের লোক, ছিন্দওয়ারা জেলার অধিবাসী, বেশ ইংরেজি বলে। জব্বলপুর রোডে গাড়ী দাঁড় করাইয়া আমরা প্রায় দু'শ ফুট চড়াই ভাঙিয়া খনির মুখে গিয়া পৌঁছিলাম। একটা ক্ষুদ্র ডুকি এজিনে খাদের জল তুলিয়া লখা রবার ও তারের নল দিয়া পাহাড়ের পাশ দিয়া কেলিয়া দেওরাতে ছোটখাটো একটা জলপ্রপাতের স্রষ্ট হইয়াছে—সেটা দেখিয়া আমরা সকলে খুশী হইলাম।

ম্যানেজার আমাদের চা পান করিতে বলিলে আমরা অস্বীকার করিয়া আবার নীচে নামিয়া আসিয়া মোটরে উঠিলাম। ম্যানেজারকে বখেটে খজবার দিলাম, কষ্ট করিয়া আমাদের সব দেখাইবার জন্ত। গাড়ী পুনরায় চলিল।

নবীনলা কহিলেন—মূলো বড় গণ্ডগোল করে। আমাদের নিজে এমন করছিল...।

মূলো জিজ্ঞাসা করিল—কি, মিঃ বোস?

তাঁহার আবার সকল কথায়ই মানে জানা চাই।

নবীনলা বলিলেন,—চমৎকার বনিটা, তাই বলছিলাম।

—ও, তা ব্যক্তিগত কথা কি বলছিলেন? এখানে তো ব্যক্তিগত পাণ্ডুরা ঘর না!

আমরা হুজনে হো হো করিয়া হাসিয়া উঠিলাম। নবীনদা বলিলেন,—ওটা একটা বাংলা ইঞ্জিন যি শুকরায। ভাল জিনিসকে বাংলায় আমরা মূলো বলি।

—তাই নাকি? হাউ ইন্টারেস্টিং!

আমি বাংলায় বলিলাম,—ভোমার মূগু—বোকারাম কোথাকার!

নবীনদা বলিলেন,—মূলো আর সাথে বলে! একেবারে হর্স ব্যাডিশ!

রামটেকের পাছাড় বাঁদিকে রাখিয়া কিছু দূর গিয়া রিজার্ভ কনস্টেটর নিবিড় ছান্ধাডরা বীথিপথে চড়াই-উৎরাই ভাঙিয়া মোটর অপেক্ষাকৃত ধীরে চলিতেছে। শরৎ-অপরাহ্নের অগুরু শোভা বনভলে। কোথায় যেন পাকা আতার গন্ধ, দু-একটা বনফুলের সুবাসের সঙ্গে যেন শেকালীর পরিচিত সুবাস ভাসিয়া আসিতেছে বাতাসের কাপ্টায়। এমন শোভার মধ্যে বসিয়া আমরা কিছুক্ষণের জন্ত ইন্সপিরেশনের দালালি বিশ্বস্ত হইয়া গেলাম।

খিনিসি হ্রদে উঠিবার সময় পাছাড়ের পাশে ঘুরিয়া ঘুরিয়া পথ। অনেক দূর উঠিয়া গেলে শৈলবস্তিত হ্রদের শান্ত জলরাশি দৃষ্টিগোচর হয়। চতুর্দিকের শৈলসাহু ঘন বনে সমাকীর্ণ, স্থানটা নিতান্ত নির্জন। একদিকে অপরাহ্নের ছায়া, অপর পারের পাছাড়ের গায়ে হলুদ রঙের রোদ। হ্রদের এপারের ডাকবাংলোয় গিয়া আমরা চৌকিদারকে ডাকিয়া চেয়ার বাহির করাইয়া বসিলাম। চৌকিদার আমাদের নির্দেশমত চায়ের জল চড়াইতে ছুটিল।

নবীনদা ও আমি হ্রদের জলে স্নান করিবার জন্ত নামিলাম। বনের মধ্যকার সরু পথ ধরিয়া ধরিয়া কতদূর নামিয়া গেলাম হুজনে। মূলো এসব ভালবাসে না, সে ডাকবাংলোর বারান্দাতে বসিয়াই রহিল। জলের উপরে বুনো শিউলি ফুলের রাশি সকালের রোদে ঝরিয়া পড়িয়াছে—হু তিন দিনের জমানো ফুলের রাশ। ‘আমরা জলে ডেউ দিয়া একপাশে সরাইয়া স্নান করিলাম।

নবীনদা বলিলেন,—বাঘ নেই তো? বড় জঙ্গল চারিদিকে—

—আশ্চর্য্য নয় কিছু।

—মূলোটাকে বাঘে না নিয়ে যায়। একা বসে আছে—

—ফেন, ড্রাইভার?

—ও চৌকিদারের সঙ্গে গিয়েছে। বলে গেল কিরিতে আধঘণ্টা ঘেরি হবে, দুখ আনতে গেল।—জরে জরে উপরে উঠিয়া দেখি মূলো নির্ঝিকারচিত্তে খবরের কাগজ পড়িতেছে। নাথপূর হইতে আনা বয়ে ক্রনিকল, আগের তারিখের। আমাদের ঘেরিয়া বলিল—আমেরাবাদের ছোটো মিলে ঈষ্টাইক হয়েছে বড় জোর—

নবীনদা আমার দিকে চাহিয়া বলিলেন,—মূলোর কাণ্ড শোন—এমন একটা জায়গায় এসে ওর এখন আমেরাবাদের মিলের কথা বড় দরকারী হোল।

কিছুক্ষণ থাকিতে ইচ্ছা ছিল কিন্তু ড্রাইভার তাড়াতাড়ি করিতে বলিল। পাছাড়ের পথ, তাহার গাড়ীর আলোটা ভাল নাই—আমরা ঘেরি করিলে শেষে মুশকিলে পড়িতে হইবে।

মূলো বলিল—চলুন যি: বোস। আজ যাওয়া যাক, আর কি দেখবেন, দেখা তো হয়ে গেল—

নবীনদা বলিলেন—তোর মুণ্ডু হোল—হতভাগা হস্‌ র্যাডিশ!

মূলো বলিল—কি?

—মানে, আমাদের এখন যাওয়াই দরকার তাই বলছি।

—হোরাট হাজ্‌ হস্‌ র্যাডিশ টু ডু উইথ ইট?

—বাংলা ইডিয়ম—ওর মানে মূলো খেতে যেমন ঝাল, অথচ দেখতে রান্ডা তেমনি এ জায়গা যতই ভাল হোক—মানে—এই গিয়ে—

আমি নবীনদার সাহায্যে অগ্রসর হইয়া বলিলাম—ঠাণ্ডা লাগতে পারে তাই তাড়াতাড়ি যাওয়া উচিত—বাংলা ইডিয়ম। মূলো হাসিতে লাগিল। বলিল—ফানি, ত্যাট র্যাডিশ ইজ অলওয়েজ মিক্সড্‌ উইথ ইওর বেঙ্গলি ইডিয়ম্‌।

খিন্‌সি ক্রমের পাহাড় হইতে নামিয়া রিজার্ভ ফরেস্টের কুসুমায়ুত পথে আমরা রামটেক পাহাড়ের ভলদেশে পৌঁছিলাম। নবীনদার আদেশে ড্রাইভার নাগপুরের রাস্তা ছাড়িয়া বস্ত্র আতাবুক শোভিত রামটেক পাহাড়ের ঘোরানো পথ ধরিল। মূলোর এ জিনিসটা মনঃপুত হইল না। সে দু একবার মুহু প্রতিনিবন্ধ করিল, বিশেষ কোনও বল হইল না। আসল কথাটা আমরা জানিতাম। মিস সোরাবজি নামে একটি পার্শী ওরুগীর সঙ্গে মূলো ভাব জমাইবার ব্যর্থ চেষ্টা করিতেছে আজ মাস ছ সাত ধরিয়া। মেয়েটির বাবা নাগপুরের ডাক্তার, তাহাদের বাড়ী সন্ধ্যাবেলাটা কাটানো মূলোর অনেক দিনের অভ্যাস, যদিও মেয়ের বাপ-মা তাহা যে খুব পছন্দ করে তাহা নয়। মূলোর মুখে শুনিয়াই বুঝিয়াছি তাহারা মূলোকে এমন ইজিতও করিয়াছেন যে, এত ঘন ঘন সে যেন তাহাদের বাড়ী না আসে। কিন্তু মূলোর বুদ্ধি ও বিবেচনা-শক্তির স্থূল আবরণ তাহারা ভেদ করিতে সমর্থ হন নাই।

পাহাড়ের নীচে গাড়ী রাখিয়া আমরা সিঁড়ি বাহিয়া উপরিবিত রামসীতার মন্দিরে উঠিতেছি।

মূলো বলিল,—যি: রায়, একদিন মিস সোরাবজি বলেছিল রামটেকের মন্দির দেখবে, বড় ভাল হোত যদি আজ আনতাম।

নবীনদা আমার গা টিপিলেন। আমার হাসি পাইতেছিল, অতি কষ্টে চাপিলাম।

পাথরে বাধানো অনেকগুলি সিঁড়ি ভাঙিয়া উপরে উঠিলাম। সিঁড়ির দু ধারে অসংখ্য বস্ত্র আভা, পড়াসি ও ভিন্দুক গাছের নিবিড় বন। ডান দিকে অনাবৃত পর্বতগার হেলিয়া থাকিয়া দৈত্যপুত্রী মাইলকৌনের মত দেখাইতেছে। 'সন্ধ্যার ধূসর ছায়ামাখা নিশ্চলতার' মধ্যে পেশোয়াদের নির্মিত এই শৈলমন্দির দুর্গটি ভারতের অতীত গৌরবের বাক্তা বহন করিয়া আনিয়া দিতেছিল আমাদের কানে কানে। শুধু সে গাভীরাম্যময় নিশ্চলতার তপোভঙ্গ হইতেছিল মূলোর অসন্তব বকুসি দ্বারা। উপরে উঠিয়া আমরা বিগ্ৰহ দর্শন করিলাম। সামান্য কিছু প্রসাদ ও চরণাশ্রুত পাইলাম। 'উর্' পাহাড়ের উপর মন্দির, অনেক নীচে একদিকে রামটেকের বাজার।

মূলোর প্রতি আমাদের শ্রদ্ধা হইত, যদি সে এখানে আসিয়া মিস মোরাবজি সম্বন্ধে কিছু বলিত—আমরা ভাবিতাম লোকটার প্রাণে তবুও কবিত্ব আছে। কিন্তু মন্দির-দুর্গের চণ্ডা প্রাচীরের উপর বলিয়া আমরা যখন দূরের জ্যোৎস্নালোকিত খিনিসি হ্রদের দিকে চাহিয়া আছি, মন্দিরে প্রাচীন মারাঠী পুরোহিত রামসীতার আরতি করিতেছেন, পেশোয়াদের আমলের প্রথাযুগীয় আরতির সময় গম্ভীর নিরোধে রণবাহু দামামা ও ডগর বাজিতেছে, ঐনিকে বহুদূরে কাশ্টি ক্যান্টনমেন্টের ক্ষীণ সারি, তখন যদি সে তাহার প্রণয়িনীর কথা তুলিত—আমরা ভাবিতাম এই রামসিরি আশ্রমে জনকজনয়ার স্নান হেতু পুণ্যোদকের স্পর্শে হর্শ র্যাডিশ বৃষ্টি কালিদাসের বিরহী যক্ষের দশা পাইয়া বসিল। কিন্তু তাহা হইবার নয়, সে মহাডব্বরে গল্প জুড়িয়া দিল—দেশের এক মিউনিসিপ্যাল কমিশনারকে সে কি করিয়া ভোট যোগাড় করিয়া দিয়াছিল। তাহা হইতে নামিল তাহাদের দেশে কি করিয়া ‘ফুটেরি’ তৈরি করে। আমরা কহিলাম—ফুটেরি কি?

মূলো হাত দিয়া গোলাকার জিনিস দেখাইবার ইচ্ছাতে বলিল—এই এত বড় বড়, আটার তৈরি, ভেতরে ছাতু। ফুটের আঙুনে সঁকে ঘি দিয়ে খায়, আলুর চোখা আর বেগুনের ভর্ত্তার সঙ্গে।

নবীনদা বলিলেন—মূলোর সঙ্গে নয়?

—নো, র্যাডিশ ইজ নট ইটন—

—আশ্চর্য্য!

—হোয়াই আশ্চর্য্য? র্যাডিশ ইজ মাচ রেলিশ্‌ড্‌ ইন বেঙ্গল ইট সিম্‌স্—বাট নট সো ইন আওয়ার কাষ্টি।

—বুঝলাম।

—আচ্ছা, এই দুর্গের পাঁচিলটা এত চণ্ডা কেন?

মূলোর স্থূল বুদ্ধিতে আর কতটুকু বোঝা সম্ভব? তাহাকে বুঝাইয়া দিলাম, পেশোয়াদের সময়ে এই মন্দিরটি দুর্গের মত করিয়াই তৈরি হয়—আসিবার পথে অতগুলি ফটক দেখিয়া তাহা সে নিশ্চয়ই কিছু আশ্চর্য্য করিয়াছে। পেশোয়া বালাজি বিশ্বনাথ এই মন্দির-দুর্গ নির্মাণ করিয়া এখানে একটি গুপ্ত ধনাগার স্থাপন করেন। আকস্মিক রাষ্ট্রবিপ্লবের দিনে নাগপুর হইতে বিশ-বাইশ ক্রোশ দূরবর্তী এই অরণ্যাবৃত পাহাড়ের চূড়ার রামসীতার মন্দিরে তাহার ধনভাণ্ডার অনেকটা নিরাপদ থাকিবার ভরসাভেই এটি নির্মিত হয়। বিশেষত তখনকার যুগে না ছিল রেল, না ছিল এখনকার দিনের মত চণ্ডা মোটর রোড। রামটেকের পাহাড় ছিল দুর্গম অরণ্যভূমির অন্তরালে—শত্রু সন্দেহ করিবে না যে জঙ্গলের মধ্যে কোথায় কোন্ পাহাড়ে রামসীতার মন্দির—সেখানে আবার ধনভাণ্ডার থাকিতে পারে। তবুও সাবধানের মার নাই ভাবিয়া বালাজি বিশ্বনাথ মন্দিরটিকে দুর্গের মত করিয়াই নির্মাণ করেন—মন্দিরকে মন্দির, দুর্গকে দুর্গ। আবশ্যক হইলে কিছুকাল ধরিয়া এখানে শত্রুর আক্রমণ প্রতিহত করাও চলিতে পারিত। জঙ্গলের অভাব দূর করিবার জন্য পাহাড়ের নীচে একটি পুষ্করিণী খনন করা হয়—আসিবার সময় যে

পুকুরটা ডান দিকে পড়িয়াছিল। মূলো আমার মুখে রামটেকের মন্দিরের ইতিহাস শুনিয়া কিছুক্ষণ চুপ করিয়া রহিল। পরে বলিল—আপনি এসব নিয়ে খুব নাড়াচাড়া করেছেন দেখছি, বহু পড়াশুনো করেছেন। এইজন্তেই তো বাঙালীদের আমি বড় ভালবাসি—বাঙালীর সঙ্গে আলাপ করলে আমার মন বড় খুশী হয়।

মন্দিরের আরতি ধামিয়াছিল। আমি বলিলাম—এখানে একটা অস্ত্রাগার আছে বইয়ে পড়েছি—চলুন সেটা দেখে আসি সবাই, এখনও আছে বলে জানি।

মন্দিরের পুরোহিত বুদ্ধ রংড়ে ব্রাহ্মণ, পূর্বেই পরিচয় পাইয়াছিলাম। তিনি প্রথমে যুদ্ধ আপত্তি তুলিলেন, রাজ্যে অস্ত্রাগার দেখানোর নিয়ম নাই—অবশেষে আমাদের নিতান্ত নাছোড়বান্দা দেখিয়া, বিগ্রহ বেখানে থাকেন তাহার পাশের একটা কুঠরি খুলিয়া দিলেন। আমরা টর্কের আলোয় সেখানে মারাঠী যোদ্ধাদের প্রকাণ্ড চণ্ডা ছুধার তলোয়ার, সাতহাত লম্বা বন্দুক, বিশাল ঢাল, লোহার জালের টুপি ও বর্ষ, নানা রকমের তীর, আরও কত কি অস্ত্রশস্ত্র দেখিলাম। যোদ্ধাজাতির যুদ্ধের উপকরণ পাঁচরকম থাকিবে—ইহার মধ্যে আশ্চর্য্য হইবার কিছু নাই। প্রশংসার ভাব মনে জাগিত হয়তো, যদি বর্গির হাকিমার কথা মনে না উঠিত।

মূলো বলিল—এ আর কি, যোধপুর ওল্ড কোর্টে একটা মিউজিয়াম আছে, সে এর চেয়ে অনেক বড়।

কোন কিছু দেখিয়া আশ্চর্য্য হইবার ক্ষমতা একটা বড় ক্ষমতা—এ ক্ষমতা সকলের থাকে না, মূলোর মধ্যে তাহা থাকিবার আশা করি নাই; সুতরাং বিস্মিত হইলাম না।

নবীনলা বলিলেন—আপনাদের দেশে যোধপুরে একবার নিয়ে যাবেন আমাদের? অস্ত্রাগার দেখে আসব।

—নিশ্চয়ই। ইন ফ্যাক্ট, আমাদের নিজ বাড়ীতেই একটি অস্ত্রাগার আছে, আমার পূর্ব-পুরুষের আমলের।

—বলেন কি মিঃ শুক্রাম!

—হাঁ। আমার অভিবৃদ্ধ প্রপিতামহ ছিলেন আওরঙ্গজেবের আমলের লোক। তাঁর নাম—আচ্ছা নোটবুক দেখে বলব। আমরা হলাম ডোগরা রাজপুত—ওয়ারিয়ার ক্লান ডোগরা রাজপুত জানেন তো? আমাদের সেই পূর্বপুরুষ, তিনি লড়েছিলেন জয়সিংহের সৈন্যদলে। এখনও অস্ত্রাগারের পূজো হয় আমাদের বাড়ী। হুপধুনো জালাতে হয়, সিঁদুর মাখাতে হয়—

নবীনলা বাংলায় বলিলেন—সাবাস মূলো! ডোগরা রাজপুত হয়ে মরতে এসেছে কেন ইউনিভার্সিটির ডিগ্রি নিতে? ও কি তোমার হবে?

আমিও বাংলায় জবাব দিলাম—বিব হারিয়ে চোঁড়া, মূলোর হুকুলই গিয়েছে। অস্ত্র ধরবার ক্ষমতা নেই, লেখাপড়ারও বুদ্ধি নেই—একে বলে হর্স র‍্যাডিশ।

মূলো বলিল—কি?

নবীননা বলিলেন—কি রকম বড় বংশে জন্ম আপনার তাই বলছি—ডোগরা রাজপুত্র বোকা জাত কিনা!

মূলো বলিল—যাক, মিঃ বোস, একটু চা খাওয়ার যোগাড় হয় না? চা না খেলে আর তো চলে না।

মন্দির হইতে নামিয়া রামটেকের বাজারে চায়ের দোকানে চা পান করিয়া নাগপুরে ফিরিলাম। এত ভাল ভাল জিনিস যে সারাদিন ধরিয়া দেখিলাম, মূলো সেসব সম্বন্ধে একটি কথাও বলিল না। তাহাব যতসব বাজে গল্প আর অনবরত বকুনির জন্ত আমরা নিজেদের মধ্যেও কিছু আলোচনা করিবার অবকাশ পাইলাম না।

পরদিন সকালবেলা মূলো আসিয়া হাসিমুখে বলিল—আপনাদের ওবেলা আমার সঙ্গে যেতে হবে।

জিজ্ঞাসা করিলাম—কেন?

—মিস সোরাবজির বাড়ীতে চায়ের নিমন্ত্রণ।

—আমরা কেন?

—আপনাদের নিয়ে যাবার জন্তে আমাকে অসুযোগ করেছেন শুধু বাবা।

আমরা বিকালে সাজগোজ করিয়া বসিয়া আছি, মূলো আর কিছুতেই আসে না। নবীনবাবু বলিলেন,—ওহে, মূলোটোর মতলব শুনে আমাদের হাইল্যাণ্ড ড্রাইভে বেড়াতে যাওয়া বন্ধ হয়ে গেল দেখছি। ও এল না।

এমন সময় মূলো আসিয়া হাজির হইল—সে নিখুঁত সাজপোশাক করিয়া কোটের বোতামে গোলাপ ফুল জুড়িয়া রুমালে এসেঙ্গ ঢালিয়া আসিয়াছে এবং বোকা গেল যে সে কিছু পূর্বে নাপিতের দোকান হইতে চুলও কাটিয়া আসিয়াছে।

মিস সোরাবজির পিতা এখানকার ডাক্তার। পূর্বে হইতেই তাঁহার সহিত আমাদের পরিচয় ছিল—বৃদ্ধ অতি অমায়িক লোক। দেখিলাম তিনি শুধু আমাদের তিনজনকে চা পাটিতে নিমন্ত্রণ করিয়াছেন তাহা নহে, শহরের আরও আট-দশটি ভদ্রলোককে বলিয়াছেন—তাঁহার পুত্রের জন্মতিথি উৎসব চা-পাটির আসল কারণ।

মিস সোরাবজি আঠার-উনিশ বছরের একহারা মেয়ে, আমরা তাহাকে অনেকবার দেখিয়াছি। খাড়ার মত উচু হুচাল নাকের জন্ত কোনদিনই মিস সোরাবজিকে বিশেষ সন্দেহী বলিয়া আমার মনে হয় নাই—যদিও রং বেশ করসা ও গলার স্তর কঠকত মেমসাহেবিয়ানার দোষমুক্ত না হইলেও মন্দ নয়। মেয়েটি নাকি লেখাপড়াতে ভাল।

একটা জিনিস লক্ষ্য করিলাম আমরা দুজনেই। মিস সোরাবজি মূলোর প্রতি বিশেষ আকৃষ্ট—অন্তত হাবভাবে আমাদের তাহাই মনে হইল। বাহিরের বারান্দার দুজনে নিঃস্বনে মাঝে মাঝে যাইয়া দাঁড়াইতে লাগিল। মূলোর এতটুকু ইচ্ছাও যেন মিস সোরাবজি তখনই পূর্ণ করিতে ব্যগ্র। অতিথির প্রতি যতটুকু কর্তব্য করা উচিত শেষ করিয়া মেয়েটি মূলোকে

লইয়া সব সময় ব্যস্ত রহিল।

চা-পাটি হইতে ফিরিবার পথে মুলো কি আমাদের ছাড়ে—সঙ্গে সঙ্গে আসিল!

কিন্তু তাহার যা স্বভাব,—মিস সোরাবজি সহজে একবারও একটি কথাও বলিল না।

চা-পাটির-কথাই যেন তাহার মন হইতে মুছিয়া গিয়াছে এটুকু সময়ের মধ্যে।

নবীনদা বাংলায় বলিলেন—বাঁদরের গলায় মুক্তোর মালা! কলেজের বেশ ভাল মেয়ে বলে শুনেছি—র্যাডিশটার মধ্যে কি পেলে খুঁজে!

দু দিন মুলো কি আনি কেন আমাদের বাংলাতে আসিল না। তৃতীয় দিন সকালবেলা একখানা মোটরগাড়ী বাসার সামনে দাঁড়াইতেই আমি আগাইয়া গেলাম—নবীনদা তখন বাসায় নাই। মোটর হইতে নামিলেন ডাঃ সোরাবজি। আমাকে ডাকিয়া বলিলেন—শুক্রায় কি এখানে এসেছিল? একটা জরুরী কথা আছে। আপনারা শুকে কতদিন জানেন?

—খুব বেশি দিন নয়। কেন বলুন তো?

—ও আমার কাছে কিছু বলে না। কিন্তু আমার মেয়ের কাছে বিবাহের প্রস্তাব করেছে। আমি শুকে বাড়ী ঢুকতে দেব না। শুকে আপনারা বারণ করে দেবেন।

মুলোর হইয়া ওকালতি করিবার ইচ্ছা হইল। বলিলাম—ওকে কি উপযুক্ত পাত্র বলে বিবেচনা করেন না?

ডাক্তার সোরাবজি রাগের সঙ্গে বলিলেন, ও একটা লোক—ওর সঙ্গে আমাদের মেয়ের বিয়ে হবে কেন? ওরা হল ভোগরা—আমি আর্মিতে ছিলাম, ওরা সেখানে সাধারণ সেপাই—এর কাজ করে। সুবাদার হতে কাউকে দেখিনি। কেন জানেন?

বলিলাম—কি?

—খুব সাহস আছে, যা বলবেন তাই করবে—কিন্তু—

বলিয়া ডাক্তার সোরাবজি আঙুল দিয়া নিজের মাথায় দু-তিনবার টোকা দিয়া ঘাড় নাড়িলেন।

—তাহলে বলে দেবেন দয়া করে।

—আজ্ঞে শুটা বলা আমাদের পক্ষে একটু শক্ত, বুঝতেই পারেন।

—আমি বললে একটু রূঢ় হয়ে যাবে।

—কিন্তু একটা কথা বলি যদি কিছু মনে না করেন—মিস সোরাবজির মনোভাব কেমন মিঃ শুক্রায়ের ওপর, সেটা একবার—

—সে বিষয়ে নিশ্চিন্ত থাকুন। ওর মত একটা বাজে অপদার্থ লোকের হাতে মেয়ে দেব? ও কোনওকালে বি-এ পাশ করতে পারবে? কোনদিন নয়। আমার মেয়ে অনার্স ক্লাসের ছাত্রী, সকলের চেয়ে ভাল ছাত্রী—ওর সঙ্গে তার বিয়ে! হাসির কথা।

পরদিন সকালে মুলো আমার কাছে আসিয়া গোপনে বলিল, মিঃ দায়, সব ঠিক হয়ে গেল।

—কি ঠিক হয়ে গেল মিঃ শুকরাম ?

—জালুর সঙ্গে বিয়ের। অবিশ্টি ওর সঙ্গেই কথা হোল—ওর বাবা এখনও জানেন না।

—খুব খুশী হলাম শুনে। তবে ডাক্তার সোরাবজিকে একবার বলুন।

—সে হয়ে যাবে। তা—বললেও হয়।

নবীনলা শুনিয়া বলিলেন—বাদরের গলায় মজোর হার—মুলোর সঙ্গে অমন একটি চমৎকার মেয়ের বিয়ে !

ইতিমধ্যে মুলোর পরীক্ষা পড়িল—সে বি-এ পরীক্ষা দিয়া কিছুদিনের জল দেশে গেল। আমাদের বার বার অহরোধ করিয়া গেল, আমরা যেন তাহাকে না ভুলি—চিঠি দিলে যেন উত্তর দিই।

ছুই মাস কাটিয়া গেল।

• হঠাৎ একদিন আমাদের অত্যন্ত আশ্চর্য্য করিয়া দিয়া ডাক্তার সোরাবজি তাঁহার কস্তার বিবাহে আমাদের নিমন্ত্রণ করিয়া গেলেন। শুনলাম পাত্র পুণার মেডিকেল অফিসার, আই এম এস পদবীর লোক। মোটা বেতন পান।

আমরা বন্ধুর প্রতি কর্তব্য স্বরণ করিয়া বলিলাম,—ও, আমরা জানতাম মিঃ শুকরাম—

• বৃদ্ধ ডাক্তার রাগত-ভাবে বলিলেন, সে একটা লোকের, আগেই বলেছি। গেজেটটা দেখেছেন ! তার নাম খুঁজে দেখবেন কোথাও নেই। আর আমার মেয়ে কার্ট'ক্লাস অনাস' পেয়েছে।

আমরা সভ্যই দুঃখিত হইলাম মুলোর জন্ত।

এত কথার পর বিকালে যখন মুলো আন্সিলা জানাইল মিস সোরাবজি ও আমাদের লইয়া সে পরদিন পিকনিকে যাইবে, তখন একটু আশ্চর্য্য হইয়া গেলাম। নবীনলা হাঙ্গামায় পড়ার জয়ে প্রথমটা যাইতে চাহিলেন না—কিন্তু শেষে যখন মুলোব মুখে শুনলাম, মিস সোরাবজির ভাইও এই সঙ্গে যোগ দিবে তখন আমাদের যাইতে কোন আপত্তি রহিল না।

গোরে ওয়াডা হ্রদের ধারে পিকনিক ঠিক হইয়াছিল। পরদিন সকালে দল বাদিয়া'স্থান মোটরে হ্রদের ধারে গিয়া পৌছিলাম। নাগপুরের পাহাড়ের মধ্যে যতগুলি হ্রদ আছে, এটি সর্বাপেক্ষা বড়, দৃশ্যও চমৎকার। আমরা উত্তর পাড ধরিয়া হ্রদের ওপারে অল্পচ পাহাড়ের তলায় বড় বড় তিম্বুক গাছের ছায়াতে আমাদের বনভোজনেব স্থান নির্দেশ করিলাম। মিস সোরাবজির ভাইটির বয়স চোদ্দ-পনের বৈশি নয়, বালক মাত্র—তাহার মনে দেখিলাম খুব 'সুখি', হ্রদের জলে সাঁতার কাটিবার জন্ত সে ঘানের পোশাক পর্য্যন্ত সঙ্গে করিয়া আনিয়াছে।

মিস সোরাবজি মেয়েটিকে ঠিক বোকা কঠিন। এদিনও দেখিলাম মুলোর প্রতি তাহার যথেষ্ট আকর্ষণ, তাহার এতটুকু সুখ-সুবিধার জন্ত মেয়েটির কি উৎসেগ। অবশ্য আমাদের দুজনেরও সঙ্গে সে ভাল ভাবেই মিশিল। এতটুকু অহংকার নাই, বাঙালী মেয়ের মতনই সরলতা, পবের সুখ-সুবিধা দেখার অভ্যাস, নিজের হাতে সেবা করিবার ঝোঁক। সে যে বি-এ

ক্লাসের ভাল ছাত্রী, তাহার কথাবার্তা হইতে এতটুকু তাহা বুঝিবার উপায় নাই।

আমাকে বলিল—মিঃ রায়, একটা বাংলা গান করুন না ?

আমি গান গাহিতে ভালই পারিতাম। এখন চর্চার অভাবে গলায় সুর নাই—সে আপত্তি বলা বাহুল্য টিকিল না, পর পর তিনটি রবীন্দ্রনাথের গান গাহিতে হইল। বাঙালী-সলাজ নয়, বিশেষত কলিকাতা হইতে বহুদূরে, কাজেই ভুল ধরিবার কেহ নাই—বেপরোয়া হইয়া গাহিলাম। প্রশংসাও অর্জন করিলাম মূলো ও মিস সোরাবজির কাছে।

মূলো বলিল—ওয়াণ্ডারফুল। এমন গান যে আপনি গাইতে পারেন, তা জানতাম না বাস্তবিক।

মিস সোরাবজি বলিল—টাগোরের কবিতা মুখস্থ আছে।

—হু-একটা—

—আবৃত্তি করুন না ! আমাদের কলেজে মিঃ সেনের মেয়ে একবার করেছিল, বড় ভাল লেগেছিল আমার।

‘জীবনদেবতা’ কবিতাটি মুখস্থ ছিল ভাল, আমার মুখে শুনিয়া মিস সোরাবজি উজ্জ্বলিত সুরে বলিল—ভারি সুন্দর।

তাহার পর সে তাহাব শুভ্র গ্রীবাটি ঢুলাইয়া আবদারের সুরে বলিল—মিঃ রায়, আর একটা আবৃত্তি করবেন দয়া করে ?

—আগে আপনি একটা ইংরেজি আবৃত্তি করুন !

—করবেন তাহলে ?

মিস সোরাবজির খড়্গার মত হৃদয় ও উগ্র নাসিকাকে ক্ষমা করিলাম, মেয়েটি অত্যন্ত চাল-বিহীন ও অমারিক, তখনই সে ব্রাউনিডের ‘বৈয়াকরণের শব্দাবলী’ নামে বিখ্যাত কবিতাটি সুন্দরভাবে আবৃত্তি করিয়া আমাদের মুগ্ধ করিল।

পুনরায় আমাকে একটা রবীন্দ্রনাথের কবিতা আবৃত্তি কবিতে হইল। এবার হাত-মুখ নাড়িয়া শিশির ভাদ্রীর অশুকরণে ‘বন্দীবীর’ আবৃত্তি করিয়া ইংরেজিতে ভাবার্থ বুঝাইয়া দিলাম। পূর্বের কবিতাটি অপেক্ষা এইটিই মিস সোরাবজির বেশি ভাল লাগিয়াছে, তাহা তাহার কথার সুরে ও চোখ-মুখের ভাবে আমার বৃত্তিতে দেরি হইল না। আমায় বলিল—দেখুন রায়, টাগোরের কবিতার ইংরিজি অমুবাদ পড়েছি কিন্তু বাংলা ভাষাব ধনি আর ঝংকারের মধ্য দিবে যে শুভব কবিতা এমন চমৎকার শোনায়, তা আমি আজ এই প্রথম জানলাম। এর আগে একবার বাংলা আবৃত্তি শুনেছিলাম কলেজে, সে তেমন কিছু নয়। আমার বাংলা শেখার বড় ইচ্ছে, কি করে শেখা যায় বলতে পারেন ?

মূলো দেখিলাম খুব খুশী হইয়াছে—কবিতা শুনিয়া নয়, কারণ সে হৃদয় রসবোধ তাহার ছিল না—বাংলা কবিতা ও প্রকারান্তরে বাঙালীর প্রশংসা করা হইতেছে, এইজন্ত। লোকটা অন্ধ বাঙালীভক্ত।

বলিল—জাপুঁ, তুমি মিঃ রায়ের কাছে কেন বাংলা শেখ না ? বেশ ভাল হবে—

মিস সোরাবজি পুনরায় আবদারের ভঙ্গিতে তাহার স্রষ্টাম স্তম্ভ গ্রীবাটি দুলাইয়া বলিল—
শেখাবেন আমাকে মিঃ রায় ? আমি রোজ আপনার বাসার আসব এক ঘণ্টা করে ?

মুলো পরম উৎসাহের সুরে বলিল—হ্যাঁ হ্যাঁ বেশ, বেশ !

নবীনদা বাংলায় বলিলেন—ওর তাহলে বড় সুবিধে হয়, দু বেলা দেখা হয় কিনা। মুলোর
কাণ্ড দেখ—সাধে কি বলে হর্স রাডিশ !

মুলো মিস সোরাবজির সঙ্গে কথা কহিতে অসুমনস্ক ছিল, নবীনদার বাংলা কথা শুনিতে
পাইল না—নতুবা বলিত, হোয়াট ? কি বললে বাংলাতে ?

আমি ভদ্রতা বজায় রাখিয়া বলিলাম—শেখালে তো বেশ হোত—কিন্তু আমাদের সময়
নেই কিনা ! দুজনকে টো টো করে সারাদিন নিজের কাজে বেড়াতে হয়, নইলে এ তো বড়
আনন্দের কথা।

আমরা গোরেওয়ারায় জলে নামিয়া সবাই স্নান করিলাম, মিস সোরাবজি পর্য্যন্ত। দুপুর
ঘুরিয়া গিয়া একদিকে ছায়া পড়িয়াছে—এখনও সেদিনকার সেই দিনটি চোখের সামনে যেন
ভাসিতেছে—একদিকে অল্পচ কালো পাথরের পাহাড়, অন্যদিকে শিউলি ও তিন্দুক গাছের
সারি, দু-দশটা বড় বড় শালও আছে। আকাশে খর রোজ, দুপুরের রোদে ঝক-ঝক-করা
চোখ-টিকরানো ছোট ছোট টেউএর সারি হ্রদের বুকে, অথচ এপারে অনেকখানি ছায়াসিক্ত—
আঁটসাঁট স্নানের পোশাকে স্তম্ভদেহ কুশাদী ভেনাসের মত পার্শী তরুণী জালু শৈলবেষ্টিত হ্রদের
নীল জল হইতে উঠিতেছে—দূরে ওপারে গোরেওয়ারায় উঁচু পাড়ের উপর একটা বাংলা ধরনের
বাড়ী, বোধ হয় এক ডাকবাংলো।

আমরা রান্না করিয়া রাখিয়া স্নান করিতে গিয়াছিলাম, মিস সোরাবজির নিজের হাতের
রান্না ভাত ও ডাল, কিছু মাংস, দু একটা ভাজা। পার্শী ধরনের স্নান দিয়া রান্না ভাত ও
মশলাবিহীন মাংস রঙের মাংসের স্টু ও বেশনে টোমাটো ভাজা—সবগুলিই আমার মুখে সমান
অখাদ্য। ভাগ্যে বুদ্ধি করিয়া নবীনদা কিছু আচার আনিয়াছিলেন—তাই দিয়া গ্রাস-কয়েক
ভাত খাওয়া গেল। মুলো পোষা কুকুরটির মত মিস সোরাবজির পিছনে পিছনে ঘুরিতে লাগিল
এবং তাহার রান্নার প্রশংসায় পঞ্চমুখ হইয়া উঠিল।

একটা জিনিস লক্ষ্য করিবার মত বটে—দেখিলাম তাহার বাঙালী-প্রীতি তাহার গুণঘিনির
প্রতি ভালবাসা অপেক্ষা কম নয়। বাঙালীর সব-কিছুর সে আজ ভক্ত, অম্মাদের কত কি
ব্যাপারের প্রশংসা সে শতমুখে যদি বলিতে পারিত তাহার গুণঘিনির নিকট—তবে যেন তাহার
তৃপ্তি হইত। বলিল, জান জালু, ওঁরা বাংলাতে মুলো কথার বড় ব্যবহার করেন, প্রায়ই ওঁরা
“বলেন র্যাডিশ—আমি শিখে নিরেছি, একটা বাংলা ইডিয়ম, মানে ‘খুব ভাল’।

নবীনদা অল্পচ স্ববে বলিলেন, মরেছে হতভাগা !

মিস সোরাবজি আমাদের দিকে চাহিয়া কৌতূহলের সুরে বলিল—ও হাউ ইন্টারেস্টিং !
সত্যি মিঃ রায়—আপনারা বৃষ্টি—ইত্যাদি।

যেয়েটিকে যা তা বুঝাইয়া ও অন্য কথা পাড়িয়া চাপা দিলাম জিনিসটা।

বেলা তিনটার সময় আমাদের মোটর নাগপুর হইতে কিরিয়া গোরেওয়ার ওপারে আসিয়া ভেঁপু দিল। সকালে পৌছাইয়া দিয়া গাড়ী জুখানা চলিয়া গিয়াছিল। আমরা বাওয়ার উদ্ভোগ করিতে মিস সোরাবজি বলিল—স্বৰ্ঘ্যাস্তটা দেখে যাবেন না ?

—ওদিকে দেরি হয়ে যাবে কিরিতে—আপনার বাবা কি ব্যস্ত হয়ে উঠবেন না ?

—কিছু না মিঃ রায়, ভাববেন না। আমি বলে এসেছি—আমি ওই পাথরের ওপার থেকে দেখব স্বৰ্ঘ্যাস্তটা। তুমি এস না শুকরায়।

—যেমন ইচ্ছে আপনার। শীগগির আসবেন।

অন্তত স্বৰ্ঘ্যাস্ত। এখানে আসিয়া অবধি হাইল্যাণ্ড ড্রাইভ হইতে শাতপুরা শৈলমালায় দিকে প্রায়ই দেখিতেছি। সন্ধ্যার ছায়া নামে, আমি সামান্য শৈত্যের জন্ত গরম আলোয়ান ভাল করিয়া গায়ে টানিয়া দিই, হাইল্যাণ্ড ড্রাইভে সাহেব মেমদের মোটরের ভিড় বাড়ে, আশ্বাসি লেকে পার্কে দলে দলে স্রসজ্জিতা নরনারীরা বেড়াইতে আসিতে আরম্ভ করে, আমি বড় একটা শাল গাছের তলায় নির্জনে প্রস্তরখণ্ডে বসিয়া দেখি ধীরে ধীরে শাতপুরা শৈলশ্রেণীর আড়ালে লাল স্বৰ্ঘ্যটা নামিয়া পড়িতেছে। আজও দেখিলাম। গোরেওয়ারা হ্রদের বিস্তীর্ণ জলরাশি যেন আদীর-গোলা টকটকে লাল। যেমন স্বৰ্ঘ্য অস্ত গেল, অমনি চারিধারে ঘনছায়া নামিল, মোটর জুখানা অদীর ভাবে ভেঁপু বাজাইতে লাগিল, বাজুড়ের দল পাহাড়ের দিকে ফিরিতে লাগিল, ক্রমে ছায়া ঘন হইয়া অন্ধকার নামিল।

নবীনদা বলিলেন,—কই, মিস সোরাবজি কোথায় ?

—এই তো ছিল, স্বৰ্ঘ্যাস্ত ভাল দেখা যাবে বলে পাথরটার ওপারে গিয়াছে বোধ হয়।

এমন সময় মুলার সঙ্গে মিস সোরাবজি পাথরের ওপাশের ঘাট থেকে উঠিয়া আসিল। উভয়েই শ্রান করিয়া আলিল এই অবেলায়, দেখিয়া আশ্চর্য্য হইলাম।

মুলো কৈফিয়তের সুরে বলিল—বড় গরম, তাই জালু বললে, বেশ শ্রান করা গেল।

নবীনদা বাংলায় বললেন—তার পর তোমার জালুর নিউমোনিয়া হলে তার বাবা দেখে নেবে তোমাকে—মুলোগিরি খাটবে না তখন—

মুলো বললেন—কি ?

আমি উত্তর দিলাম, জালু নামটা বড় চমৎকার! মিঃ বোসের মতে। অবশ্য আমারও সেই মত।

মিস সোরাবজি সলজ্জ হাসিয়া মেমসাহেবী সুরে বলিল—ও, ইউ হরিড ক্রিচার্ভাস!

আমরা গাড়ীতে উঠিয়া চলিলাম।

সাউথ টাইগার গ্যাস রোডের কিছু পূর্বে পাহাড়ী ঢালুতে অনেক বনশিউলি ফুল ফুটিয়া আছে দেখিয়া মেয়েটি বলিল—ও মিঃ রায়, কি চমৎকার ফুল ফুটেছে! শেফালি—না ?

মোটর থামাইয়া মুলো গোটা কয়েক ডাল ভাঙিয়া আনিল। তখন সন্ধ্যা হইয়াছে, জ্যোৎস্নার ক্লীপ লেশ ঘাটির বৃকে। সাউথ টাইগার গ্যাস রোডের এদিকটা নির্জন, এ সময় খুব বেশি লোকজন নাই। হঠাৎ মেয়েটি বলিল—চলুন, আশ্বাসি লেক দেখে আসি।

এ জ্যোৎস্নার বেশ লাগবে।

আমরা সকলেই হতবুদ্ধি। আশ্বাসিরির দিকে ঝাইতে হইলে আবার পাহাড়ে উঠিতে হইবে। বিপদে ফেলিল দেখিতেছি খেরালী পার্শী মেয়েটা। কি করা যায়, সুলন্দরী তরুণীরা আবদার উপেক্ষা করিবার সাধ্য নাই আমাদের—মোটর ঘুরাইয়া আবার সবাই পাহাড়ে উঠিয়া আশ্বাসিরির দিকে ছুটিলাম। সেখানে লেকের ধারে পার্কে বিভিন্ন বেষ্টিতে তখনও কেহ কেহ বসিয়া আছে। ক্রমে সুলন্দর জ্যোৎস্না উঠিয়া হ্রদের জলে পড়িয়া সেদিনকার থিন্‌সি লেকের স্মৃতি মনের মধ্যে আনিয়া দিল। পাহাড়ের উপর হু হু ঠাণ্ডা বাতাসে সমস্ত শরীরে কাঁপুনি ধরিল। জনবিরল হ্রদ-তীরের পার্শ্বটিতে দূরে দূরে দু-একটি নরনারী বেড়াইতেছে। ঠাণ্ডা লাগার ভয়ে সবাই নামিয়া চলিয়া গিয়াছে বলিয়াই আরও চমৎকার লাগিতেছিল, নতুবা সাধারণত আশ্বাসিরিতে বিকালের দিকে বড় ভিড় থাকে।

মিস সোরাবজিকে বলিলাম—কেমন লাগছে?

সে মেমসাহেবী স্ত্রে সুরু মিষ্টি গলায় টানিয়া বলিল—ও, ইট'জ কাই-ন।

‘কা’ হইতে ‘ন’ পর্যন্ত টানিয়া স্ত্রের নামটা ওঠা করিয়া উচ্চারণ করিতে প্রায় পাঁচ সেকেণ্ড সময় লইয়া মধুর ধরনে গ্রীবা বাঁকাইয়া মুহু হাসির সঙ্গে কথাটা বলিল। এই তো কলেজের ছাত্রী, কতই বা বয়স, কুড়ি-একুশের বেশি নয়—এ সব শিপিল কোথা হইতে কে জানে। নবীনদা অন্তর্দিকে মুখ ফিরাইয়া বাংলায় বলিল—মেয়েটার আবার ভাবন দেখছ?

আমিও বাংলায় বলিলাম—আমেরিকান ফিল্ম থেকে হলিউডের অ্যাক্ট্রেসদের সুর নকল করেছে কষ্ট করে। গলা মিষ্টি বলে মানিয়েছে।

মূল্যের মনে কোনও কবিত্ব নাই। সে দেখিলাম মেয়েটির সহিত স্ত্রতা ও চরকা-কাটা সম্পর্কে কি কথা বলিতেছে। মিস সোরাবজি আমার কাছে আসিয়া বলিল,—একটা কবিতা বলতে হবে—বলুন। এমন জায়গায় টাগোরের কবিতা একটি শুনব!

আবৃত্তি করিলাম—কি আর করি। মেয়েটির প্রাণে দেখিলাম সত্যই কবিত্ব আছে। সে উচ্ছ্বসিত হইয়া উঠিল প্রশংসায়। কিছু না বুঝিলেও ভাষার ধ্বনিতে ও ঝংকারে তাহার মন মাতিয়া উঠিয়াছে। সে আমাদের অনুরোধের অপেক্ষা না করিয়া সম্পূর্ণ নিজের ইচ্ছায় শেলির একটি কবিতা আবৃত্তি করিল।

বলিলাম—গান করুন না একটা!

মিস সোরাবজি হাসিয়া বলিল—ইংরিজি গান জানি, আপনাদের পছন্দ হবে না।

—ভারতীয় মেয়ে, দিশি গান শেখেননি কেন?

—আমাদের কমিউনিটির সাহেবিয়ানা এজেন্টে দায়ী মিঃ রায়। বাবা গভর্নমেন্ট রেবে ছেলে-বেলায় পড়িয়েছেন, গান শিখিয়েছেন—তারা যে পথে নিয়ে গিয়েছে, সেই পথে যেতে হয়েছে আমায়। এখন জ্ঞান হয়ে সব বুঝতে পারি। এখন আমি গান্ধীবাদী তা জানেন? বন্ধর পরি অনেক সময়, যা পরতে দেন না—এই হোল কথা। ইচ্ছে হয় আমি শিবি ভারতীয় গান—খুব ভাল লাগে আমায়।

নবীনদা হাসিয়া মনের আনন্দে একটা ডাটিরালি গান বেসুরে গাহিয়া ফেলিলেন। মিস সোরাবজিকে ইরিত্তিতে তাহার অর্থও বুঝাইয়া দেওয়া হইল। গানে, গল্পে, কবিতা-আবৃত্তিতে হাসিখুশিতে সারাদিনটা কাটাইয়া রাজে যখন বাড়ী আসিয়া শুইয়া পড়িলাম—তখন যেন মাথার মধ্যে উগ্র মদের নেশা। নবীনদাবও তাই, কারণ—তিনি আসিয়া পর্য্যন্ত গুন গুন করিয়া গান করিতেছিলেন।

মিস সোরাবজির বিবাহের অল্পদিন পরেই আমরা দুই বন্ধু নাগপুর হইতে চলিয়া গেলাম। বছরখানেক পরে আবার একবার বিশেষ কাজে নাগপুরে আসি।

সংবাদ লইয়া শুনিলাম বৃদ্ধ ডাক্তার সোরাবজি ইতিমধ্যে মারা গিয়াছেন। তাহার পরিবার-বর্গ কেহই এখানে নাই—বৃদ্ধের মৃত্যুর পরে তাহারা বোম্বাই চলিয়া গিয়াছে।

মূলোর খবর জানিবার বিশেষ ইচ্ছা সত্ত্বেও আমরা কাহাকে তার কথা জিজ্ঞাসা করিব বুঝিতে পারিলাম না। ডাক্তার সোরাবজি শহরের বিশিষ্ট নাগরিক হিসাবে সকলের নিকটই পরিচিত ছিলেন। কিন্তু মূলো জটনৈক বিদেশী তরুণ ছাত্র—অমন ছাত্র নাগপুরে বহু আছে—কে কাহার খবর রাখে! আমরা ছাড়া আর সে কাহার সঙ্গে যিশিত জানি না, সুতরাং মূলোর খোঁজ লইবার ইচ্ছা থাকা সত্ত্বেও উপায় হইল না।

কিন্তু আশ্চর্যের বিষয়, সপ্তাহখানেকের মধ্যে একদিন অপ্রত্যাশিতভাবে গোরেওয়ারা হুদে বেড়াইতে গিয়া মূলোর দেখা পাইলাম। নবীনদা তাহাকে প্রথম দেখেন। একখানা পাথরে ঠেস দিয়া কে একজন নির্ঝঞ্জে বসিয়া আছে দেখিয়া নবীনদাই বলিলেন—ওখানে কে দেখ তো হে!

গোরেওয়ারা শহর হইতে বহুদূরে, এত দূরে কেহ বেড়াইতে আসে না সাধারণত—স্থানটাও নির্জন পাহাড়-জঙ্গলের মধ্যে। আমি একটু কাছে গিয়া দেখি—মূলো! নিখুঁত সাহেবী পোশাক পরা সেই রকমই, তবে দাড়ি কামায় নাই, মাথায় চুল ছোট করিয়া ছাঁটা।

ভাল করিয়া লক্ষ্য করিয়া দেখিলাম—মূলো একখানা খাতাতে কি লিখিতেছে। এত নিবিষ্টমনে লিখিতেছে যে, আমার পদশব্দ সে শুনিতে পাইল না। কবি হইয়া গেল নাকি ছোকরা?

তাহার পর আমাদের সঙ্গে সে নাগপুরে ফিরিল। শুনিলাম সে এবারও পরীক্ষায় পাশ করিতে পারে নাই। আমাদের পাইয়া মূলো ছেলেমানুষের মত খুসী। চাপেবার দুইমন্দিরে লইয়া গিয়া আমাদের মিষ্টান্ন শরবত খাওয়াইয়া দিল। শুনিলাম দেশে তাহার মা মারা গিয়াছেন এই বৎসরেই।

বলিল—বড় একলা একলা বোধ করি এখানে। মিশব কার সঙ্গে? এখানে মেশবার লোক নেই। বাঙালীদের সঙ্গে মিশে আরাম। গোরেওয়ারা লেকে মাঝে মাঝে গিয়ে বসে থাকি। বেশ লাগে। একদিন ওখানে বেশ কেটেছিল। মনে আছে সেই আমাদের শিকনিক? ওরী কোথায় যে তা তো জানি নে।

দেখিলাম মূলের চোখের সামনে ভাসিয়া উঠিল একটা ছবি—কয়েক শত বৎসর পূর্বের রাজপুতানায় বিশাল মরুভূমির মধ্যে উটের পিঠে চড়িয়া ইহার সেই বীর পূর্বপুরুষ চলিয়াছে জয়সিংহের সৈন্যদলের সহিত দেওধার যুদ্ধে, সেলিমগড়ের যুদ্ধে—চণ্ডা গালপাট্টাওয়ালা রক্ষা দর্শন মুখাবয়ব, দীর্ঘ দেহ, পাশে খোলা দীর্ঘ ছখার তলোয়াব, হাতে সাত হাত লম্বা বন্দুক—মুহূর্তা নাট, ডয় নাই—কবাতের মত বিশাল বন্ধে জলন্ত দুঃসাহস—কাহার সাধ্য ছিল তাহার মনোনীত কল্ভাকে স্পর্শ করে। সে ছিনাইয়া আনিত তাহার প্রণয়িনীকে যে কোন লোকের হাত হইতে। লড়িত, খুন করিত।

আধুনিক যুগের আবহাওয়ায় জয়সিংহের সৈন্যদলের সেই বীর নাগকের বংশধর এই সাহেবী পোশাক পরা, নিখুঁত টাই বাধা, বাড় চাঁচা, স্কিন শেভড, হাতে রিস্টওয়াচ বাধা ছোকরা নিতান্ত নিরুপায়। কবিতা লেখা বা চোখের জল ফেলা ছাড়া সে হারানো প্রণয়িনীর জন্ত কি করিতে পারে? বিশেষত যখন দুইবার ইউনিভার্সিটির ডিগ্রী না পাইয়া সে আরও দমিয়া গিয়াছে।

ছোকরার জন্ত এই সর্বপ্রথম দুঃখ হ'ল।

সুলোচনার কাহিনী

১

সন্ধ্যা হইয়াছে, স্কিয়া স্ট্রিট দিয়া যাইতেছি। ডাক্তারখানা খুলিতে দেরি হইয়া গিয়াছে, সময় হইয়া আসিল, স্তবরাং হন হন করিয়াই চুলিয়াছি—এমন সময়ে বাড়ীঘরের থামের ছায়ার আলো-আধারির মধ্যে একটি স্ত্রীলোককে দেখিয়াই আমি থমকিয়া দাঁড়াইয়া গেলাম।

এ যেন সেই সুলোচনার মা না? অবিকল সেই রকম দেখিতে, যদিও বহুকাল দেখি নাই। কিন্তু তাও কি সম্ভব? এতকাল পরে সুলোচনার মা বাঁচিয়া থাকিবে এবং কলিকাতা শহরেই থাকিবে?

একটু জোরগলায় ডাক দিলাম—শুনছেন? শুনছেন? বলি শুনছেন—এই যে! যে বৃদ্ধাটি কিরিতা দাঁড়াইল আমার ডাক শুনিয়া এবং হয়তো বা তাহাকেই কেহ ডাকিতেছে মনে করিয়া—বিশ্বয়ের সহিত দেখিলাম সে সুলোচনার মা-ই বটে।

সুলোচনার মা কাছে আসিল। প্রথমে চিনিতে পারিল না, পরে পরিচয় দিতেই দস্তাহীন মুখে এক গাল হাসিয়া বলিল—ও তুমি বহু! আহা কতকাল দেখিনি তোমাদের!—ইত্যাদি বা ঐ ধরনের কোন উক্তি।

আমার চক্ষুর সম্মুখ হইতে ছাঞ্চিশ-সাতাশ বছরের যবনিকা হঠাৎ সরিয়া গেল। গত মহাযুদ্ধেরও কয়েক বৎসর পূর্বের কলিকাতা...ষোড়ার ট্রাম সবে মাত্র বন্ধ হইয়াছে...তখনকার আমলের অতি সুন্দরী আধুনিকাদের মধ্যে যে আমার চোখে সর্বপ্রধান সুন্দরী এবং সবচেয়ে

আধুনিক ছিল, কিছুকাল পরে যাহাকে জীবনের জনসমুদ্রে একদম হারাইয়া ফেলি, এ সেই মেয়েটির মা ।

তখনকার মেয়েদের চুল বাধিবার রীতি বা কাপড়-চোপড় পরিবার ধরন একালের মত ছিল না বটে, কিন্তু সত্যিকার সুলন্দরী যে হয়, তাহাকে যে-কোন সাজে, যে-কোন ঢঙে, যে-কোন ভঙ্গিতে মানায়, এবং সুলোচনা ছিল সেই ধরনের সুলন্দরী মেয়ে । তাহার সেই দীর্ঘ ঋজু চম্পকগৌর যৌবনদীপ্ত দেহ, লম্বা টানা কালো কালো ডাগর চোখ, কালো কৌকড়া চুলের রাশি, নিটোল সুগঠিত বাহু দুটি, সুলন্দরী মুখশ্রী কলিকাতার পথেঘাটে, গলির আড়ালে আবড়ালে, পথের বাকের হঠাৎ কিরিয়াই, কিংবা কোন নির্জন পার্কে পাদচারণরত অবস্থায় কত দিন কল্পনানৈবেদ্যে দেখিতাম ; দেশে কিরিয় কত বর্ষণমুখর আবণ বা ভাস্কর রজনীতে এক-ঘুম ভাঙিয়া উঠিয়া প্রথম-যৌবনের রঙিন নেশায় যাহার মুখ কত বার মনে পড়িত—সেই সুলোচনার কোন খবর পাই নাই আজ এত বছর, ধীরে ধীরে কবে সে বিশ্বস্তির অন্ধকারে ডুবিয়া গিয়াছিল...আবার পুরানো যুগের সেই মেয়েটি ১২৩০ সালের কলিকাতার কোথা হইতে কিরিয় আসিল ।

একটি প্রেমের কাহিনী । তবে সে-প্রেমের নায়ক আমি নই, গোড়াতেই কথাটা বলিয়া রাখা ভাল । সব যুগেই মেয়েরা যেমন ভালবাসে, ভালবাসিয়া কষ্ট পায়, মুখ বুজিয়া সহ্য করে, ভিলে ভিলে নির্বোধের মত নিজের দেহ ক্ষয় করে দুশ্চিন্তায়, হুর্ভাবনায়...অত রূপ লইয়াও সুলোচনা সে-দুঃখের হাত হইতে অব্যাহতি পায় নাই জানিতাম, তাই পরবর্ত্তী সময়ে মেয়েদের যখন ভাল করিয়া জানিয়াছিলাম ও বুঝিয়াছিলাম তখন সেকালের তরুণী প্রেমিকা সুলোচনার জন্ত মাঝে মাঝে মনটা কেমন করিয়া উঠিত ।

যাক এখন সে-সব কথা । বর্ত্তমানের কথাই আবার বলি ।

সুলোচনার মা অত্যন্ত বৃদ্ধা হইয়া পড়িয়াছে, আজ দেখিয়াই বুঝিলাম । কিন্তু সুলোচনার মা ভিক্ষা করিতেছে কেন ? সুলোচনা কোথায় ? কারণ ভিক্ষাই সে করিতেছিল । থামের পাশে দাঁড়াইয়া রাস্তার লোকের কাছে দু-একটি পয়সা চাহিতেছিল আমি লক্ষ্য করিয়াছি ।

আমাকে পূর্বপরিচিত বলিয়া বুঝিতে পারিয়া বৃদ্ধা একটু সংকুচিত হইয়া পড়িল । তাহার সে-জাবটা কাটাইয়া দিবার জন্ত বলিলাম—এখানেই কোথায় বাসা বুঝি ? দোকানে জিনিস কিনতে এসেছিলেন ?—ভাল আছেন ?

—আর বাবা, ভাল আর মন্দ ! তুমিও যেমন !

কথাটা ভাল লাগিল না, সুতরাং যে প্রশ্নটি এতক্ষণ করিতে বাধ-বাধ ঠেকিতেছিল, সেটা করিয়া কেলিলাম । ভাবিয়া দেখিলাম সুলোচনার বয়স এখন হিসাবমত প্রায় চল্লিশ-বিরাল্লিশ—সুতরাং তাহার কথা জিজ্ঞাসা করিতে সংকোচের কারণ কি আছে ? সে এখন আর জীড়ানতা সুলন্দরী কিশোরী প্রশয়িনী নয় কারও ।

—ইরে,—গিয়ে—সু—আপনার মেয়ে কোথায় ?

—তাই তো বলছি বাবা, সে কি আর আছে? সে থাকলে আমার আঙ্গ এই...বুঝা কাদিয়া কেলিল।

আমি এ উত্তরের জন্ত আদৌ প্রস্তুত ছিলাম না। অপ্রতিভের মত বলিলাম—ও!...

দু-জনেই কিছুক্ষণ চুপচাপ। পরে আমিই বলিলাম—আজকাল আছেন কোথায়?

—রাস্তায়—গবর্নমেন্টের রাস্তায়।

সবই বুঝিলাম। বড় কষ্ট হইল একথা বলিলে ঠিক কথা বলা হইবে না। কষ্ট হইলেও বুড়ীর জন্ত হয় নাই। বুড়ীকে কিছু পরস্য দিয়া বিদায় করিয়া দিব ভাবিতেছি এমন সময়ে সে বলিল—তোমার সঙ্গে দেখা হোল বড় ভাল হোল বাবা। আমার ঘাড়ে সব ফেলে দিয়ে হস্ত-ভাগী তো পালাল, এখন তার ছুটি ছেলে, একটির বয়েস ষোল আর একটি চোদ্দ, এদের নিয়ে আমার কি দুর্দশা ভাব দিকি এ বয়সে! একটা ঘবে আছি—এখনই ভাড়া দিতে না পারলে তাড়িয়ে দেবে বলেছে। তাই বলছি রাস্তা ছাড়া এখন যাব কোথায়?

—স্লোচনা কত দিন মারা গিয়েছে?

—এই চোদ্দ বছর। ঐ কোলেব ছেলেটি যখন দু-মাসেব—সেই থেকে মাহুয কবছি।

আমার হঠাৎ একটি কথা মনে হইল। স্লোচনাকে আমি জানিতাম বটে, কিন্তু তার আসল ইতিহাস আমার কাছে রহস্তাবৃত ছিল। আমি খানিকটা বুঝিতাম, খানিকটা বুঝিতাম না—তাহার আর একটা কারণ, আমার বয়সও তখন কম ছিল। রূপসী স্লোচনা আমার কাছে চিরদিন নারীত্বের গহন রহস্যের প্রতীক হইয়া আছে। এই উত্তম সুযোগ। বড় কৌতূহল হইল উহার মাসের মুখে তাহার ইতিহাস সব শুনিব।

বুঝাকে বলিলাম—আপনি শ্রদ্ধানন্দ পার্কে বসে থাকবেন কাল বিকেল পাঁচটার সময়—আমি আসব। বাড়ীভাড়ার ব্যবস্থা যা হয় করা যাবে।

বুড়ী ছাড়িল না, তাহার বাসা দেখিতে হইবে এখনই। অগত্যা গেলাম। বাসা দেখিয়া মনে হইল, তেমন ঘরে মাহুয থাকিতে পারে না, গরু থাকিলেও কষ্ট পায়। একতলায় ছোট অন্ধকূপের মত ঘর, একটি মাত্র দোর, যেটা দিয়া ঢুকিতে হয়—দ্বিতীয় দরজা বা জানালা নাই। এই পচা ভাদ্রে কি ভীষণ গুমট ঘরের মধ্যে।

স্লোচনার ছেলেরা একটু পরে আসিল। বড় সুন্দর ছেলে দুটি। স্লোচনার মুখচোখ ভুলিয়া গিয়েছিলাম; ইহাদের—বিশেষ করিয়া ছোট ছেলেটিকে দেখিয়া আবার স্লোচনাকে স্পষ্ট মনে পড়িল। জিজ্ঞাসা করিয়া জানিলাম যাত্রাদলে কৃষ্ণ সাজে একটি, অপরটি গান গায়।

হার অভাগী স্লোচনা!...

তখনকার কালের শৌখিন মেয়ে, তখনকার কালের আধুনিকা স্মার্ট মেয়ে স্লোচনার মা ও ছেলেরের এ কি গৃহ, এ কি গৃহসজ্জা! ছেঁড়া চটের বিছানা, চটের মধ্যে বিচুলির কুচিপোরা বালিশ, ভাঙা কলাইচটা এক-আধখানা সানকি, একটা মাটির কলসী আর দড়ির আলনায অতি মলিন খান দুই-তিন কাপড় ও জামা। একখানা কেওড়া কাঠের হাত-দুই চওড়া তক্তপোশ আছে—ছেলেদুটি তাতে শোয়, বুড়ী শোয় মেঝেতে। তাও এই ঘরে

আশ্রয় মিলিতেছে কই ? এই আশ্রাবল হইতেও বাড়ীওয়াল নাকি ইহাদের ডাড়াইয়া দিবে বলিতেছে ।

এই কাহিনীটি আর বেশিদূর অগ্রসর করিয়া লইয়া যাইবার পূর্বে সুলোচনা কে ছিল, তাহার সহিত আমার কি ভাবে আলাপ—ইহা বলিব । নতুবা গল্পের অংশও তদানক ধাপছাড়া ঠেকিবে ।

২

১৯০৬ সালে দেশের ইঞ্চল হইতে এণ্ট্রান্স পাশ করিয়া কলিকাতার কলেজে পড়িতে আসিয়াছি । বেচু চাট্‌জের স্ট্রীটে আমারই স্বগ্রামস্থ এক বন্ধুর বাবা ছেলেপুলে লইয়া বাসা করিয়া থাকিতেন, সেইখানেই উঠিয়াছি । আমার বন্ধুটির দাদা তখন বি. এ. পড়েন এবং তাঁহারই সঙ্গে দেখা করিতে প্রকাশচন্দ্র বসু নামে তাঁহারই এক বন্ধু বাসার ঘন ঘন যাতায়াত করিতেন । এই প্রকাশবাবু বড় অভূত লোক । বঙ্গভঙ্গ আন্দোলনে মনেপ্রাণে যোগ দেওয়ার ফলে পুলিশের হাতে গুরুতর প্রহার খাইয়া নাকি কিছুদিন হাসপাতালে এবং কিছুদিন জেলে ছিলেন । তিনি নিজের হাতে কাহাকেও বোমা মারিয়াছিলেন বলিয়া শুনি নাই—কিন্তু আলিপুর বোমার মামলার সময় পুলিশ দিনকতক তাঁহার পিছু পিছু ঘুরিয়াছিল । খুব বলিষ্ঠ, দীর্ঘ চেহারা, মুখের ভাবে বুদ্ধিমত্তা ও মননশীলতার ছাপ অতি সুস্পষ্ট । প্রেসিডেন্সি কলেজের বি.এ. ক্লাসের ছাত্র, ছাত্র হিলাবেও যথেষ্ট মেধাবী ।

আমরা প্রকাশদাকে যথেষ্ট খাতির করিয়া চলিতাম । তিনি বাড়ীতে আসিলে বাড়ীর মেয়েরা পর্যন্ত খুশী হইয়া উঠিতেন । প্রকাশের জন্ত এ-খাবার করা, প্রকাশের জন্ত ও-খাবার করা ; চা কোথায়, চেয়ারের উপর পাতিবার কুশন কোথায় ; মিনি তাহার হাতের উলের কাজ দেখাইতে ছুটিতেছে ; ডলি পড়া বলিয়া লইবার ছুতা করিয়া প্রকাশদার সঙ্গে ছুটি কথা বলিবার সুযোগ খুঁজিতেছে—প্রকাশদার কাছে যেন বাড়ীস্থল লোকের মন বাধা পড়িয়া গিয়াছে । তাঁহার বিরুদ্ধে একটি কথাও বলিবার অধিকার ছিল না বাড়ীতে, তাহা হইলে সকলেই একসঙ্গে তুমুল প্রতিবাদ তুলিবে ।

প্রকাশদার সঙ্গে মাঝে মাঝে সতীশ রায় বলিয়া তাঁহার এক বন্ধু আসিতেন, মেজিকেল কলেজের ছাত্র, খুব বড় বড় চোখ, শ্রামবর্ণ দোহারা চেহারা । ইহারা সবাই খুব ক্ষুণ্ণবাজ আমদে ধরনের লোক—আসিবার সঙ্গে সঙ্গে বাড়ী মাতাইয়া তুলিতেন হাসি গল্পে গানে । মাঝে মাঝে আবার কয় বন্ধুতে ঘরে খিল দিয়া কিসের পরামর্শ করিতেন—তখন আমাদের জানালা দিয়া উকিঝুঁকি মারাও নিষেধ ছিল ।

কোতুহল চাপিতে না পারিয়া একদিন বন্ধু শরৎকে জিজ্ঞাসা করিলাম—ওরা ঘরে দোর দিয়ে কি করে রে ?

শরৎ চুপিচুপি বলিল—কাউকে বলিস নি ভাই, ওরা সব আনার্কিস্ট ।

—তোমার দাদাও ?

—হ্যাঁ। ওরা দাদাকে দলে নিয়েছে।

শুনিয়া মনের মধ্যে একটা কোতুহল ও উত্তেজনা অনুভব করিলাম। অ্যানাকিস্টদের সঙ্গে এক বাসায় আছি ভাবিয়া উদ্ভব হইল।

এইখানে একদিন প্রথম দেখিলাম সুলোচনার মাকে। নিজের ঘরটিতে বসিয়া পড়িতেছি, একটি প্রোটা বিধবা স্ত্রীলোক ঘরে ঢুকিয়া আমার সিজ্ঞাসা করিল—প্রকাশ এখানে কবে এসেছিল? আজ আসবার কথা আছে?

দেখিলাম স্ত্রীলোকটির পরনে সাদা খান, বয়স পঁয়ত্রিশ-ছত্রিশের বেশি নয়, গায়ের রং খুব ধপধপে করসা, বয়স হইলেও মুখশ্রী দেখিতে ভাল। আমার মুখে প্রকাশবাবুর আসিবার সম্ভাবনা আছে শুনিয়া আমারই ঘরে সে বসিল। আমার বলিল—তুমি কি কর ছেলে?

—পড়ি কাস্ট ইয়াবে।

—এটা তোমাদের বাড়ী?

—আমার বন্ধুর বাড়ী, আমি এখানে থাকি। বাড়ীতে মেয়েরা আছেন—চলুন না বাড়ীর মধ্যে, এখানে কেন বসে থাকবেন?

এই ভাবে সুলোচনার মার সঙ্গে বাড়ীর মেয়েদেরও আলাপ হইয়া গেল। সুলোচনার মা কিন্তু প্রকাশদার সঙ্গে সাক্ষাৎ করা ছাড়া অন্য কার্যে কখনও আসে না, একদিন আমার একথা মনে হইল। বাড়ীর মধ্যে মেয়েরাও একথা বলিতে শুরু করিল। স্ত্রীলোকটি যে প্রকাশবাবুর কাছে টাকা লইতে আসে, তাহাও সকলে জানিয়া গেল। ক্রমে আমাদের সামনেই সে প্রকাশবাবুকে বলিত—ও প্রকাশ, বাবা এ-মাসে আর দশটা টাকা না দিলে মেয়ের বই হবে না। ক্লাসে থাকে বকে, বই না কিনে ইচ্ছুক যাবে কি করে?

আমার বন্ধুকে একদিন বলিলাম—ওঁর মেয়ে আছে তা তো এতদিন শুনিনি। ওঁরা প্রকাশদার কেউ হন? প্রকাশদা টাকা দেন কেন ওঁদের?

বন্ধু বলিল—জানি ওঁর এক মেয়ে এখানে স্থলে পড়ে। আমি শুনেছি মেয়েটি সধবা, কিন্তু তার স্বামীর কাছে থাকে না। মা ও মেয়ে কোথায় যেন বাসা কবে থাকে, প্রকাশদা আর সতীশদা দুজনে খরচ দেন। দাদা এ-সব গল্প সেদিন মার কাছে করেছিল।

—তা প্রকাশদা আর সতীশদা টাকা দেন কেন?

—ওঁরা অ্যানাকিস্ট কিনা, দেশের আর দেশের সেবা ওঁদের কাজ, বিশেষ করে প্রকাশদার। দাদা বলে, প্রকাশদা বাড়ী থেকে যে টাকা পান, তার বেশির ভাগ ওঁদের দিয়ে দেন, নিজে অনেক সময় টাকা ধার করতে আসেন দাদার কাছে। ছুটো টিউশনি করেন, সে-টাকাও ওঁদের দিয়ে দেন।

আমার ক্রমে মনে হইল বুড়ী প্রকাশদার কাছে নানা রকম কলি ও ছুতার টাকা আদায় করিতে আসে। আর সব সময়েই মেয়ের অজুহাতে। আজ আমার মেয়ের এ নাই, আজ আমার মেয়ের তা নাই, একটা না একটা ছুতা বুড়ীর লাগিয়াই আছে। প্রকাশদাও যেন কল্পতরু, ‘না’ বলিতে শুনিলাম না কোনদিন। বুড়ীর উপর হাড়ে হাড়ে চটিয়া গেলাম।

বুড়ী বলিলাম বটে কিন্তু সুলোচনার মা সে-যুগে বুড়ী ছিল না।

কতবার ভাবিতাম প্রকাশদাকে বলি, উহার ফাঁকি দিয়া আপনার কাছে টাকা লইজেছে, আপনি যখনই মা চায় তা দেন কেন? কিন্তু প্রকাশদাকে শ্রদ্ধা-সম্মান করিতাম, কখনও সাহস করিয়া কথাটা বলিতে পারি নাই।

৩

এখানে একদিন সুলোচনা আসিল তাহার মায়ের সঙ্গে।

দেখিয়া অবাক হইয়া গেলাম। রূপসী বটে। পাড়ার হইতে, কয়েক মাস মাত্র আসিয়াছি, এমন রূপ কখনও দেখি নাই। বছর ষোল কি সতের বয়স, পিঠে দীর্ঘ কালো চুলের বিহুনি দোলানো, যেমন চোখ তেমন ধপধপে গায়ে রং, তেমনই নিটোল স্বাস্থ্য, অনিন্দ্যসুন্দর মুখশ্রী।

বাড়ীর মেয়েদের সঙ্গে স্বভাবতই তার যথেষ্ট ভাব হইয়া গেল। তার পর প্রায়ই আসিতে লাগিল। বিশেষ করিয়া প্রকাশদার আসিবার সময়টাতেই আসে এবং বেশির ভাগ কথাবার্তা বলে প্রকাশদার সঙ্গেই। প্রকাশদা উপস্থিত থাকিলে সেই যে তাহার চেয়ারের পিছনটি ধরিয়া দাঁড়ায়, তিনি যতক্ষণ এ বাড়ীতে থাকেন, বড় একটা অন্ত কোথাও নড়িতে দেখি নাই।

প্রকাশদা উঠিয়া চলিয়া গেলে সুলোচনা আমাদের বড় বিরক্ত করিত। হয়তো বা আমাদের সে মাহুধ বলিয়াই মনে করিত না, কে জানে। টেবিলে বসিয়া পড়িতেছি, সুলোচনা হঠাৎ আসিয়া বইখানা টানিয়া লইয়া গেল, নয়তো পিছন হইতে আসিয়া দুই হাত দিয়া চোখ চাপিয়া ধরিল, নহতো ছুতের গল্প শুনিবার আবদার ধরিয়া বসিল। পড়িতে দিবে না কিছুতেই; পড়া থাক, তাহার সঙ্গে ছাদে কে যাইবে? ডলির পুতুলের শুভ-বিবাহ এখনই ছাদে অলুপ্তিত হইবে তাহার পুতুলের সহিত—ইত্যাদি। এক-এক দিন এক-এক রকমের ব্যাপার।

কিন্তু প্রকাশদা থাকিলে সুলোচনা এ রকম করিত না। তখন তার অন্ত মূর্তি। দীর, স্থির, বেশি হাসিত না, বেশি বকিত না, কেমন যেন সলজ্জ, সফুর্ন্ত চোখমুখের ভাব, কতদিন দেখিয়াছি।

প্রকাশদা সুলোচনাকে ‘সু’ বলিয়া ডাকিতেন বলিয়া আমরাও সবাই তাকে ‘সু’ বলিতাম। একদিন সুলোচনা তাহাতে আপত্তি করিল। শরৎকে বলিল—প্রকাশদা বা বলেন, ‘তোমরাও তাই বলবে কেন? ও নামে ডেকো না, কানে ভাল লাগে না।... আমার বড় রাগ হইল। সুলোচনার চাল-দেওয়া ধরনের কথাবার্তা আমার সহ্য হইত না—আমার মনে হইত মেয়েটি অভ্যস্ত গর্বিতা ও চালবাজ। রাগের ঝোঁকে বলিলাম—তাহলে তুমিও আমাদের সঙ্গে মিশতে এসো না। সুলোচনার সহিত আমাদের এ ধরনের খুনসুটি ঝগড়া প্রায়ই চলিত। তবে সে যে সব সময়ে আমাদের বাসায় আসিত তা নয়, মাসের মধ্যে দশ-বারো দিনের বেশি না। প্রকাশদা এখানে যে-যে দিন আসিবেন, এমন দিন ছাড়া সুলোচনার

এখানে আসা কেহ কল্পনাও করিতে পারিত না।

আর একটা জিনিস লক্ষ্য করিতাম। সতীশদার প্রতি সুলোচনা যেন তেমন সন্তুষ্ট নয়, অথচ সতীশদা সুলোচনা বলিতে অজ্ঞান ছিলেন। আমার বন্ধু শরৎ বলিত সুলোচনাদের কলিকাতার বাসাভাড়া ও বাসার সমস্ত খরচ নাকি সতীশদা দিতেন। কিন্তু সুলোচনা সতীশদাকে কেন যে দেখিতে পারিত না তাহা কি করিয়া বলিব ?

একদিনের কথা বলি। সেদিন সতীশদা আসিবার কিছু পরে সুলোচনা তাহার মায়ের সঙ্গে আসিয়া হাজির। সুলোচনার মা বলিল—সতীশ, আমাকে দক্ষিণেশ্বরে ঘুরিয়ে আনবে বাবা ? সুলোচনাও বলিল—হ্যাঁ মামা (সতীশবাবুকে সুলোচনা মামা বলিয়াই ডাকিত), চল আমিও যাব।

সতীশদা হাতে যেন স্বর্ণ পাইয়াছেন, তাহার চোখমুখের খুশির ভাব দেখিয়া তাহাই মনে হইল। উৎসাহের সহিত বলিলেন—হ্যাঁ হ্যাঁ। বরং চল দক্ষিণেশ্বর থেকে আমরা বরানগরে স্বামী অবদুতানন্দেব আশ্রম দেখে আসব—সেও বড় চমৎকার জায়গা গঙ্গার ধারে।

সুলোচনার মা বলিলেন—তাহলে অমনি পেনেটির ছাদশ শিবের মন্দিরও দেখে আসি চল না ?

সুলোচনাও বলিল—বড় মজা হয় মামা। একখানা গাড়ী ডাক। সতীশদা গাড়ী ডাকিতে গিয়াছেন, এমন সময় প্রকাশদা আসিয়া পড়িলেন। সুলোচনা তাঁহাকে অনেক অনুরোধ করিল তাহাদের সঙ্গে যাইবার জন্ত। তিনি কেন যাইতে চাহিলেন না তাহা আমি জানি না, সঙ্গে সঙ্গে সুলোচনাও তাহার মাকে বলিল—সে কোথাও যাইবে না, মায়ের ঠিক্কা থাকিলে তিনি একাই যাইতে পারেন। সতীশদা ইতিমধ্যে গাড়ী আনিয়া উপস্থিত করিলেন কিন্তু ঘটনার নূতন পরিস্থিতি দেখিয়া বড় নিরুৎসাহ হইয়া পড়িলেন। প্রকাশদাও সুলোচনাকে যাইবার জন্ত যথেষ্ট বলিলেন, এমন কি শেষে রাগও করিলেন, সুলোচনা কিন্তু কিছুতেই গেল না। অবশেষে বেচারী সতীশদার শুধু সুলোচনার মাকে লইয়াই যাইতে হইল। অবশ্য আমার বন্ধুর বাড়ীর মেয়েরা কেউ কেউ সঙ্গে গেলেন—এতগুলি মেয়ে গেল, তবুও সুলোচনা এক পাও নড়িতে চাহিল না।

বছর দুই এইভাবে নানা সুখদুঃখের ঘটনার মধ্য দিয়া কাটিয়া পরে ১৯০৮ সালে আমাদের বাসা উঠিয়া গেল। আমি কলেজের হোস্টেলে আশ্রয় লইলাম। সুলোচনাদের সহিত সম্পর্ক ঘুচিয়া গেল। আমার ছাত্রজীবনের বাকি বৎসবগুলির মধ্যে সুলোচনা বা তাহার মায়ের সঙ্গে চোখের দেখাও নাই একদিনের জন্ত। সতীশদাকেও আর কখনও দেখি নাই। ইহাদের না দেখিবার কারণও যথেষ্ট ছিল, পুলিশের চাপেই বাসা উঠাইতে হইয়াছিল।

তবে প্রকাশদার সঙ্গে বিশেষ ঘটনা এই যে আমার ছাত্রজীবনের তৃতীয় বৎসরে প্রকাশদা অদ্ভুত ভাবে নিরুদ্দেশ হইয়া গেলেন। আর কেহ কোনদিন তাঁহাকে দেখে নাই; পূর্ববঙ্গের কোথায় স্বদেশী ডাকাতি করিতে গিয়া পুলিশের গুলিতে মারা পড়িয়াছেন, কয়েক বছর পরে বিশ্বসংস্কারে একথা শুনিয়াছিলাম।

বছর পাঁচ-ছয় গয়ের কথা। কলেজ হইতে বাহির হইয়া কলিকাতার বাহিরে চাকুরি করি। কি একটা ছুটি উপলক্ষে হাওড়া স্টেশনে নামিয়া শেরালদহ দিয়া বাড়ী ফিরিতেছি। তখনকার আমলে শেরালদহ নর্থ স্টেশন হয় নাই—যেখানে আজকাল নর্থ স্টেশনের সম্মুখে ভাড়াটে গাড়ীর আড্ডা, ওখানে অনেক চা পান শরবত ইত্যাদির দোকান ছিল। একটি দোকানে শরবত খাইতে গিয়াছি, দেখিলাম একটি ছোকরা এবং তাহার সহিত একটি সুবেশা তরুণী সেখানে দাঁড়াইয়া ভাঁড়ে করিয়া শরবত খাইতেছে। দু-একবার গোপনে মেয়েটির দিকে চাহিয়া দেখিলাম—বয়স বাইশ-তেইশ হইবে—চোখ যেন কিরানো যায় না তাহার দিক হইতে। না, অপূর্ণ রূপসী বটে মেয়েটি!...আমিই শুধু চাহিয়া নাই, আশপাশের অনেকেই দেখিলাম আমার দশা।

ঠাণ্ডা আমাকে ভীষণ চমকিত ও আশ্চর্য্য করিয়া দিয়া তরুণী আমার একেবারে সামনে আসিয়া হাসিমুখে বলিল—আরে যত্না যে!

বলিয়াই সে আমার পায়ে ধুলা লইয়া প্রণাম করিল। চিনিতে অবশ্য বিলম্ব হইল না, বলিলাম—সুলোচনা যে! কোথা থেকে? তোমার মা কোথায়? কি করছ এখন?

সুলোচনা এ-সব কথার কোন উত্তর না দিয়া সর্বপ্রথম আমায় প্রশ্ন করিল—প্রকাশদার কোন থবর পেয়েছ?

প্রকাশদার মৃত্যুসংবাদ তখন আমি শুনিয়াছি, কিন্তু সেকথা বলিলাম না।

সুলোচনা আমার ছাড়িতে চায় না, তখনকার পরিচিতদের মধ্যে এ কেমন আছে, ও কেমন আছে, আমার বন্ধু শরৎ এখন কোথায়, তাহার দাদা বিনোদ কি করে, তাহাদের বিবাহ হইয়াছে কিনা—নানা মেয়েলি প্রশ্ন। আমার হাত ধরিয়া টানিতে টানিতে বলিল—অনেকদিন পরে দেখা, খাওয়াও দেখি, চল তো রায় মশায়ের হোটেল!

সেই পূর্বানো দিনের মতই নিঃসংকোচ ব্যবহার সুলোচনার; মেয়েমানুষ হইয়াও ছেলের মত ব্যবহার, ধরন-ধারণ, সেই সবই বজায় আছে অবিকল। তবে তাহার পরনে চওড়া জরিপাড় কিকে নীল-শাড়ি ও ব্লাউজের বাহার, গলায় চিকচিকে সফ্র চেন ও পেন্ডেন্ট, পায়ে রূপালি ব্রোকেডের জুতা, সুগঠিত পেলব সুগোর হাতে সোনার চুড়ির সঙ্গে সফ্র-কিতা বাঁধা হাতঘড়ি প্রভৃতি দেখিয়া মনে হইল সুলোচনার অবস্থা ফিরিয়াছে। সুলোচনার শৌখিনতার প্রতি সন্দেহ হইল—এমন সন্দরী মেয়েরা বেশভূষা না করিবে, শেণ্ট-পাউডার না মাখিবে—তবে সেসব সৃষ্টি হইয়াছে কাহাদের জন্ত? সুলোচনার সঙ্গে শাড়ী ব্লাউজ অলংকার উঠিয়া নিজেরাই ধুল হইয়া যায় নাই কি?

আমি বলিলাম—আরে ছাড় ছাড়, হাত ধরে ওরকম টানাটানি ক'রো না—রায়মশায় কেন, চল ট্রায়ে ক্রাশনাল হোটেল বাই কলেজ স্ট্রিটের মোড়ে। কিন্তু সঙ্গে ছোকরাটি বাদ নাখিল, নতুবা সুলোচনাকে লইয়া যাওয়া কষ্টকর হইত না।

ঘড়ি দেখিয়া বলিয়া বলিল—ট্রেনের দেরি নেই, কোথায় যাবে এখন বৌদি? এস, চল

—বাঃ— ! এমন কি, মনে হইল যে ছোকরা যেন স্লোচনার উপর জোর খাটাইতেছে। রাগ হইল—কোথা হইতে উড়িয়া আসিয়া জুড়িয়া বসিরাছ বাপু ! স্লোচনাকে আমরা ছেলেবেলা হইতে জানি, তুমি তখন জন্মাও নাই। আজ আসিয়াছ আমাদের সামনে স্লোচনাকে ঘড়ি দেখিয়া টাইম বলিয়া দিতে ! স্লোচনা যে খুব ভাল মেয়ে নয়, এ ধারণা আমার পূর্ব হইতেই ছিল, এখন সে-ধারণা আরও বদ্ধমূল হইল। বেচারী প্রকাশদা ! মেয়েদের ভালবাসার এই তো মূল্য। অন্তত স্লোচনার মত মেয়েদের। মনটা অশ্রদ্ধার পূর্ণ হইয়া গেল। স্লোচনাকে লইয়া ছোকরা স্টেশনের দিকে চলিয়া গেল।

স্লোচনা ঘাইতে ঘাইতে আমার দিকে কিরিয়া বলিল—দমদমায় বাসা আজকাল। যেও একদিন—মা আছেন বাসায়। বিষ্ণুটের কারখানার পিছনে নরেশ পালের বাগানবাড়ী—

বলা বাহুল্য, দমদমার নবেশ পালের বাগানবাড়ী খুঁজিয়া সেখানে বাইবার সুবিধা ও সময় আমার হইয়া উঠে নাই।

বহুখানেক পবে ইউরোপীয় মহাযুদ্ধ আরম্ভ হইবার পূর্ব বৎসর ১৯১৩ সালে আমি সন্ধ্যার দিকে এন্ট্র্যান্ডের মোড়ে ট্রাম ধরিবার জন্ত অপেক্ষা করিতেছি, এমন সময় একখানি ট্রাম আমার সামনে আসিয়া দাঁড়াইল। হঠাৎ দেখিলাম প্রথম শ্রেণীর কামরায় একখানি বেকিতে স্লোচনা একা বসিয়া আছে। আমি তখনই বিন্দুমাত্র না ভাবিয়া ট্রামখানাতে উঠিয়া তাহার পাশে বসিয়া পড়িলাম। স্লোচনা প্রথমটা চমকিয়া উঠিয়াছিল, পরে আমাকে দেখিয়া ও চিনিতে পারিয়া ভারি খুশী হইল। বলিল—উঃ, যা ভয় দেখিয়ে দিয়েছিলে ! আমি বলি কে এসে ঝুপ কবে পাশে বসে পড়ল রে বাবা।—ভাল ? কতদিন দেখা হয়নি—সেই শেরালদা স্টেশনে সেবার—দাঁড়াও, প্রশ্নমটা করি।

কথাবার্তা বলিতে বলিতে চাঁদনির মোড়ে ট্রাম আসিল। স্লোচনা বলিল—নাম এখানে যদ্-দা, কুকুশ কাটা কিনব আর ছেলেটার জন্তে হালিক কিনব। আমি উহার মুখের দিকে আশ্চর্য হইয়া চাহিয়া আছি দেখিয়া স্লোচনা সলজ্জমুখে বলিল—আজকাল আমার স্বামী এসেছেন যে, আজ প্রায় বছরখানেক। এখন যে রোজগার করছি দু-পয়সা, আসবে বৈকি। এতদিন কেউ খোঁজও নেয়নি।

—আজকাল কি কর ?

—বা রে, আজকাল তো ক্যাষেলে নার্সগিরি করি। এতদিন নার্সদের হোস্টেলে ছিলাম—এখন স্বামী ফিরে আসতে বাসা কবেছি দমদমাতে। সেই আর বছর যখন তোমার সঙ্গে দেখা তখন থেকে দমদমায় বাসা। এস না আজ, চল—আমার থোকাকে দেখে আসবে এখন—

—না, আজ থাক, আর এক দিন হবে। চল—চা খাবে স্লোচনা ?

—শোন বলি। তুমি হলে গিয়ে থোকার মামা, শুধু হাতে যেন বেও না। ওকে একটা হার কেন দাও না ?

আমার বড় রাগ হইল। দম দিয়া টাকা আদায় করিয়া লইতে স্থলোচনা মায়ের মতই পটু হইয়া উঠিয়াছে। আপন মামা হইলেও আজকালকার বাজারে শুধু টাকা দিয়া মুখ-দেখা সারে, আর আমি কোথাকার কে, হার কেন দিতে বাইব? বলিলাম—এখন যাব না তোমার বাসার। বড় ব্যস্ত আছি।

ট্রাম হইতে নামিয়া আমরা একটা গ্যাসপোস্টের তলায় দাঁড়াইয়াছি, গ্যাসের আলোয় স্থলোচনাকে দেখিয়া সত্যি মুগ্ধ হইয়া গেলাম। এ রকম রূপসী মেয়েকে লইয়া কোন চায়ের দোকানে ঢুকিতে সংকোচ মনে হয়—বিশেষত মনে রাখিবেন, ১৯১০ সালের কলিকাতা, তখনকার দিনে মেয়েরা পথেঘাটে খুব কমই বাহির হইত। হইলও তাই, চায়ের দোকানস্থল লোক হাঁ করিয়া একদৃষ্টে স্থলোচনার দিকে চাহিয়া রহিল। তাহার উপর স্থলোচনার মুখে খই ফুটিতেছে কথার। সে চুপ করিয়া থাকিতে জানে না, আমি বড় অস্বস্তি বোধ করিতে লাগিলাম।

আমার বলিল—যাবে না বই কি, ইং! ভাগ্নের মুখ দেখনি, দেওয়ার ভয়ে বোনের বড়ী যাবে না—গজ্ঞা করে না বলতে? যেতেই হবে, আমি নেমস্তন্ন করছি সামনের শনিবারে যাবে, ওর সঙ্গে আলাপ করিয়ে দেব।

ইহার সব ব্যাপারই রহস্তাবৃত; কোথায় এতদিন ইহার স্বামী ছিল, কোথা হইতে বা আবার আসিল, এসকল কথা জিজ্ঞাসা করিতে ইচ্ছা হইলেও চাপিয়া গেলাম। তবে স্থলোচনা কখনও মিথ্যা বলে না ইহা আমি জানিতাম। পূর্বেও দেখিয়াছি এমন সব অবস্থায় সত্য কথা বলিত যেখানে সত্য বলিলে তাহার নিজেরই ক্ষতির সম্ভাবনা। কাজেই স্থলোচনার কথায় আমার অবিশ্বাস হয় নাই।

চা খাওয়া ও উলবোনার কাঁটা কেনার পরে আমি তাহাকে গাড়ীতে উঠাইয়া দিতে আসিলাম। গাড়ীর কামরায় বসিয়া সে তাহার পাশে বসিতে হাত চাপড়াইয়া বলিল—এস, ব'স যত্ন-দা!

বলিলাম—আজ নয় স্থলোচনা—মাপ কর। কাজ আছে।

স্থলোচনা অভিমানের সুরে বলিল—না, থাক্ কাজ। এস—আসতেই হবে। কত কথা আছে তোমার সঙ্গে—রাস্তায় দেখা, কি কথাই বা হোল! পুরোনো দিনের কথা আর কার সঙ্গে কইব?

পক্ষ হঠাৎ আগ্রহের সুরে জিজ্ঞাসা করিল—আচ্ছা, প্রকাশদার আর কোনও খবর পাওনি?

বলিলাম—নাঃ, কই আর। মনে মনে ভাবিলাম—সে-কথা জেনে তোমার লাভই বা কি এখন।

—বেঁচে নিশ্চয়ই আছেন. তবে পুলিশের ভয়ে লুকিয়ে আছেন বলে মনে হয়। তাঁর কথা যে কইব, এমন আর লোক কই এক তুমি ছাড়া?

—কেন, সতীশদা কোথায়?

—মামা ? মামা বিয়েথা করে দেশে দিবি সংসারী হয়ে বসেছে । তার মত মানুষে আর এর বেশি কি করবে । প্রকাশদার মত কি সবাই ?

গাড়ী ছাড়বার ঘণ্টা দিল । স্লোচনা বিন্ময়ের সুরে বলিল—সত্যি, আসবে না নাকি যত্ন-না ? এস বস ।

বলিয়া আমার হাত ধরিতে গেল ।

কিন্তু আমার যাওয়া হইল না । যাইবার প্রবৃত্তি হইল না । তা ছাড়া সেই রাতেই আমাকে কর্মস্থানে ফিরিতে হইবে—স্লোচনার সঙ্গে গেলে টেন ফেল করি । চাকরি বজায় রাখিয়া তবে অস্ত্র কথা ।

তখন কি জানি স্লোচনার সহিত এই শেষ দেখা !

সতের-আঠার বৎসর পূর্বের কথা এ-সব ।

৪

স্লোচনার মা পার্কে আসিল ।

তাহাকে বাড়ীভাড়ার টাকা মিটাইয়া দিয়া বলিলাম—এখন বলুন তো, আমি অনেক কথাই জানতাম না আপনাদের স্বপক্ষে । যা জানি, ভাসা-ভাসা ভাবে জানি । সবটা বলুন ।

বেলা পড়িয়া আসিয়াছিল । পার্কে ছেলেমেয়েরা দোলনায় দুলিতেছে, চৌচামেটি করিতেছে, ঘুগনি চানচুর কিনিতেছে ।

স্লোচনার মায়ের নিকট হইতে নানারূপ জেরা করিয়া যে তথ্যটি উদ্ধার করিয়াছিলাম সেদিন, তাহা যেমন করুণ, জীবনের গভীর অন্তর্ভূতির দিক হইতেও তেমনই অপূর্ব । কিন্তু বৃদ্ধার কথায় বলিলে ঠিকমত শুছাইয়া বলা হইবে না । তাই নিজে খানিকটা শুছাইয়া বলিবার চেষ্টা করিলাম ।—

ওদের বাড়ী বর্দ্ধমান জেলায় । স্লোচনার যখন আট বছর বয়স, তখন ওর বিবাহ হয় পাশের গ্রামে । স্বামীর বয়স তখন ত্রিশ-বত্রিশ, স্বামীর চেহারা ভাল ছিল না বলিয়া ছেলে-মানুষ মেয়ে তার কাছে বড় একটা যাইতে চাহিত না । স্বামী ছিল মূৰ্খ ও গোঁয়ার প্রকৃতির লোক, আট বছরের স্ত্রীর উপর মারধোর ও নানা রকম অত্যাচার শুরু করে । ফলে ওর মা দেশের জায়গা জমি বিক্রয় করিয়া মেয়ের হাত ধরিয়া কলিকাতায় আসিল—তখন স্লোচনার বয়স দশ বৎসর । উদ্দেশ্য, যেয়েকে লেখাপড়া শিখাইয়া স্বাধীন ভাবে থাকিবার কোন সুবিধা করিয়া দিবে ।

কিন্তু তখনকার কালে যেয়েদের লেখাপড়া শেখা বা স্বাধীন জীবিকা উপার্জন প্রভৃতিকে লোকে ভাল চোখে দেখিত না । মা মেয়ের হাত ধরিয়া নানা জায়গায় বেড়াইল । হাতের পরসী সম্পূর্ণ নিঃশেষ হইয়া গেল—কিন্তু বিশেষ কোন সুবিধা হইল না । এদিকে আরও নূতন উপসর্গ, যেয়ে অপূর্ব রূপসী, দশ বছরের হইলে কি হয়, তাহাকে দেখায় তের-চৌদ্দ বছরের

হত—দুই লোকের চোখ পড়িল মেয়ের উপর।

একদিন সন্ধ্যাবেলা বাড়ী কিরিয়া মা মেয়েকে বলিল—চল আক গলার ডুবে মরব দুজনে—
এখানে আর কোনও সুবিধে নেই—এবার মান যাবে। গরিবের কেউ নেই।

মেয়ে শুৎকপাৎ রাজী হইল।

রাত নটার সময় মেয়ে বলিল—কখন আমরা ডুবে যাই? অল্পপূর্ণার ঘাটে চল যাই।

মা বলিল—এখনও সব ঘাটে লোক। এখন না, দেরি কর—

রাত দশটার সময় মা মেয়ের হাত ধরিয়া বাগবাজারের অল্পপূর্ণার ঘাটে সিঁড়ি দিয়া নামিতে নামিতে চুপিচুপি জিজ্ঞাসা করিতেছে—হ্যাঁ রে, পারবি তো? বল আগে থেকে, পারবি তো?

মেয়ে এতটুকু ভয় খায় নাই। সে দৃঢ়কণ্ঠে বলিল—তুমি সঙ্গে থাকলে মা ঠিক পারব।

সেই সময় যামিনী ঘোষ বলিয়া একটি ছোকরা, আপিসের কেরানী, ঘাটের কাছেই কোথায় বসিয়া হাওয়া খাইতেছিল। সে আসিয়া জিজ্ঞাসা করিল—আপনারা এত রাত্রে এখানে কেন? আর ব্যাপারই বা কি? কি বলাবলি করছেন আপনারা? বাসা কোথায় আপনাদের?

যামিনী ঘোষের প্রশ্নের স্বরে বালিকা থতমত খাইয়া কাদিয়া কেলিল। মা সব খুলিয়া বলাতে সে-রাত্রে যামিনী মা ও মেয়েকে নিজের বাসায় লইয়া গেল।

দিন পনের কাটিল মল্ল নয়। যামিনী ছেলেটি খুব ভাল, কিন্তু ইহার এক বন্ধু সম্ভবত যামিনীর মুখে ইহাদের ইতিহাস শুনিয়া একবার দেখিতে আসিল। সেই যে আসিল, আর সে বাড়ী ছাড়িতে চায় না। তার আসা নিত্যনৈমিত্তিক ব্যাপারের মধ্যে পাড়াইয়া গেল। সুলোচনাও সকলের সামনে চিরকাল বাহির হয়, তখন তো আরও ছেলেমাছুষ।

ছোকরা মাথার পিছন দিকে চুল কিরাইত বলিয়া সুলোচনা আড়ালে মার কাছে তাহার নাম রাখিয়াছিল—কাকাতুয়া। একদিন মেয়ে মাকে বলিল—মা, কাকাতুয়া ভারি দুষ্টু। আমাকে গহনার বাস্তু দেখিয়ে বলে কিনা—আমার সঙ্গে যাবি? তোকে এঁই সব গহনা দেব—আমি ওর সামনে আর বেরব না।

মা বলিল,—হতচ্ছাড়া মেয়ে, তুই বা যাস কেন সকলের সামনে? বাড়ীর মধ্যে থাকবি, যার-তার সামনে বেরনো, গল্প করা কি ভাল? আমরা গরিব লোক, আমাদের কত বিপদ জানিস?

যামিনীর আর এক বন্ধু ছিল, সতীশ রায়। সতীশ মা ও মেয়ের দুঃখ শুনিয়া তাহাদের নিজের বাসায় লইয়া আশ্রয় দিল বটে কিন্তু দিনকতক পরে সেখানেও গোলযোগ বাধিল। সতীশ সুলোচনাকে দেখিয়া পাগল হইল। এমন কি, সতীশের মা সুলোচনা বিবাহিতা জানিয়াও ছেলের সহিত তাহার বিবাহের প্রস্তাব করিলেন; সুলোচনার মায়েরও অনিচ্ছা ছিল না, কিন্তু সুলোচনা একেবারে ঝিকিয়া বসিল। মাকে বলিল—মেয়েমাছুষের ক-বার বিয়ে হয়? তোমাদের সর্ব মাথা ধরাপ হয়ে গিয়েছে—আমায় আর লেখাপড়া পেখাতে

হবে না তোমার—তুমি আমাকে আমার স্বত্তরবাড়ী রেখে এস, সেখানে বাঁচি আর মরি। চের হয়েছো।

এখানে এই সময় একদিন আসিলেন প্রকাশদা।

প্রকাশদা সতীশের বন্ধু এবং ছাত্রমহলে নাম-করা স্বদেশী। অ্যানার্কিস্ট বলিয়া খ্যাতিও তাঁহার যথেষ্ট রটিয়াছে তখন পুলিশের কুপায়। প্রকাশদা স্থলোচনাব ইতিহাস সব শুনিলেন এবং প্রধানত তাঁহারই চেষ্টায় স্থলোচনা বেথুন স্থলে ভর্তি হইল। প্রকাশদা মাঝে মাঝে তাঁহার পড়াশুনার তত্ত্বাবধান করিতে আসিতেন।

এদিকে সতীশ বড় বিবস্ত্র করিয়া তুলিল। একই বাড়ীতে থাকা, সর্বদা দেখা সাক্ষাৎ, সামনে না আসিয়া উপায় নাই। নানারকম দামী জিনিসপত্র কিনিয়া দিতে আরম্ভ করিল—সেট, সাবান, কাপড়-জামা ইত্যাদি। স্থলোচনা বলিল—যামা, এসব কেন দিল? তুই বড় স্বার্থপর। এসব আমি নেব না।

• মাঝে বলিত—মা, অনেক মানুষ দেখলাম এ বয়সে, প্রকাশদাব মত মানুষ এ পর্য্যন্ত আর দেখি নি। অল্প ধাতব একবারে। উনি মানুষ না দেবতা ভাই ভাবি।

সতীশ দিত দামী দামী কাপড়, একবার পুজায় একখানা ভাল বেনারসী শাড়ী দিল। প্রকাশদা দিলেন একজোড়া মোটা স্বদেশী তাঁতের শাড়ী। স্থলোচনার কি আহ্লাদ প্রকাশদাব দেওয়া সেট মোটা শাড়ী পরিয়া। সতীশদাব দেওয়া ভাল শাড়ী সে কদাচিত ব্যবহার করিত, কিন্তু মোটা তাঁতের শাড়ী ছুঁনা পরিয়া রোজ স্থলে যাইত।

একদিন সে প্রকাশদাকে সতীশের ব্যবহার সব খুলিয়া বলিল। প্রকাশদা বলিলেন—এখানে তোমাদের আর থাকা উচিত না। তোমার লেখাপড়া এখানে থাকলে কিছু হবে না, অল্প জাবগায় বাসা কর, খরচ যা হয় আমি তার ব্যবস্থা করব।

স্থলোচনার এক দূরসম্পর্কের ভদ্রপতি কানাই ধরেব গলিতে সস্ত্রীক বাসা কবিয়া থাকিত। স্থলোচনারা সেই বাসায় উঠিয়া আসিল। আসিবাব সময় স্থলোচনা প্রকাশদার দেওয়া মোটা শাড়ী পরিয়া, সতীশের দেওয়া দামী কাপড় জামা সেখানেই রাখিয়া আসিল। সতীশ এই ব্যাপারে দিনকতক নিজেকে অত্যন্ত অপমানিত বিবেচনা কবিয়া প্রকাশদাব সঙ্গে পর্য্যন্ত দেখা-সাক্ষাৎ ছাড়িয়া দিল। মা মেয়েকে বলিল—কেন সতীশকে অমন কবে চটিয়ে দিলি? ওর মনে কষ্ট দেওয়া হল না?

স্থলোচনা বলিল—কষ্ট না পেলে আমার জ্ঞান হবে না যা। তা ছাড়া, দেখছ না, আমাদের জন্তে ও সর্বস্বান্ত হতে বসেছিল, ওর দেওয়া জিনিস আর নেব না।

তা সত্ত্বেও সতীশ ওদের নূতন বাসায় যাতায়াত করিত, জিনিসপত্রও দিতে ছাড়িত না। স্থলোচনা বলিত—যামা, আবার কেন আসিস? তুই বড় স্বার্থপর—স্বার্থের জন্তে সব করিস বলে আমার ভাল লাগে না। দেখ দিকি প্রকাশদাকে?

একদিন সতীশ বলিল—আচ্ছা, আমি কি করলে তুই খুলী হবি স্থলোচনা? বল, আমি তাই করব।

সুলোচনা বলিল—তুই বিয়ে কর মায়া। খুব খুলী হব তাহলে। আমার যদি সন্তুষ্ট করবার তোর ইচ্ছে থাকে, খুব লীগ গির একটি ডাল মেয়ে দেখে বিয়ে করে ফেল।

‘ নূতন বাসায় প্রকাশনা কিন্তু বেশি আসিতেন না এবং আসিতেন না বলিয়াই আমাদের বাসায় যেদিন প্রকাশনার আসিবার কথা থাকিত, সেদিন সুলোচনা এখানেই তাঁর সঙ্গে দেখা করিত।

এই সময় আলিপুর বোমার মাংসা আরম্ভ হইল। কি করিয়া প্রকাশনা ইহার মধ্যে জড়াইয়া পড়েন সে কথা সুলোচনার মা আমার বলিতে পারে নাই। প্রকাশনা দীর্ঘদিন অসুস্থ পড়িয়াছিলেন। সুলোচনা বড় ব্যস্ত হইয়া ছটকট করিত বলিয়া তাহার মা একদিন কলোজে খোঁজ করিতে গিয়া জানিল কলোজেও প্রকাশনা বহুদিন যাবৎ অসুস্থ পড়িয়া।

ছ মাস পরে প্রকাশনা হঠাৎ একদিন এক হাড়ি রসগোল্লা হাতে ওদের বাসায় আসিয়া হাজির। সুলোচনা তো খবর পাইয়াই ছুটিতে ছুটিতে বাহিরের ঘরে আসিল। বলিল—কোথায় ছিলে প্রকাশনা এতদিন? চেহারা এমন হয়েছে কেন তোমার।

প্রকাশনা বলিলেন—সে কথা জিজ্ঞেস করিস কেন সু। তা ছাড়া, এই শেষ। আমি স্বদেশীর আসামী, পুলিশ পেছনে ঘুরছে—আর আসতে হয়তো পারব না। যাবার সময় একটা কথা জিজ্ঞেস করে যাই—হয়তো আর দেখাই হবে না—সু, তুই আমার কখনও ঘণা করবি নে বল?

সুলোচনা বলিল—তোমাকে অনেক ভালবাসি প্রকাশনা। যদি স্বামী না থাকত, তবে তোমার আরও নিকটে আসতুম। পা ছুঁয়ে বলছি—তা না হলে তোমার এই বিপদের সময়ে তোমার সঙ্গে চলে যেতুম।—একলা যেতে দিতুম না।

বলিয়াই সে কাঁদিয়া ফেলিল।

সুলোচনার মা আমার বলিল—যেহে আমার কখনও কাঁদত না। এই অনেকদিন পরে কাঁদল। যাবার সময় প্রকাশকে কড়ার করিয়ে নিলে বিপদ উদ্ধার হলেই আবার কিরে এসে সকলের আগে ওর সঙ্গে দেখা করবে। কিন্তু প্রকাশ সেই যে গেল, আর কখনও কিরে আসে নি।

আমি বলিলাম—তার পর? আপনাদের কি হল?

—তার পর প্রকাশ তো চলে গেল। শোন সব কথা, বিশ্বাস করবে না হয়তো। এই কলকাতা শহরে সেই পোড়ারমুখী মেয়ের আগুনের মত রূপ নিয়ে সে কি কষ্ট, কি বিপদ গিয়েছে আমাদের! দেখেছিলে তো তাকে?

দেখিয়াছিলাম বই কি। আবার এই প্রায় কুড়ি-বাইশ বছর পরে প্রজ্ঞানন্দ পার্কে অপরাহ্নের বৃহৎ স্তম্ভিত রৌদ্রালোকে সুলোচনার সেই অপূর্বসুন্দর কিশোরীমূর্ত্তি স্পষ্ট মনের চোখে ফুটিয়া উঠিল। তার সেই ভাগর ভাগর চোখ, ঘন-কালো চুলের রাশি...কথার সেই ভক্তি...চমৎকার মুখের হাসি...সর্বোপরি তার অনিন্দ্য মুখশ্রী...

তখন সুলোচনাকে বুঝি নাই, চিনি নাই—অভিজ্ঞতার অভাবের দরুন সুলোচনাকে সে

সময় চরিত্রহীন, উচ্ছ্বল প্রকৃতির মেয়ে বলিয়া ভাবিয়াছি। শুধু আমি নই, আমার বন্ধুর বাসায় মেয়েরা সুলোচনা সম্বন্ধে এই মন্তব্যই হৃদয়ঙ্গম করিত। আমিও বিশ্বাস করিতাম। মনে মনে পরলোকবাসিনীর নিকট কমা প্রার্থনা করিতাম।

সুলোচনার মা বলিল—মেয়ে রোজ কাঁদে প্রকাশ চলে যাওয়ার পরে। জানলা খুলে চেয়ে থাকে। সতীশকে দু-চোখে দেখতে পারে না। এদিকে যে বাসায় আমরা ছিলাম, ভারী ঠিকমত টাকা দিতে না পারাতে আমাদের রাখতে চাইলে না। কালীঘাটে আমরা উঠে গিয়ে ছোট্ট একটি খোলার ঘরে আশ্রম নিলাম। একদিন সেখানে এল কোথাকার রাজার ম্যানেজার—দশ হাজার টাকার লোভ দেখালে। মেয়ের গা সোনার মুড়ে দেবে। মেয়ে বললে—মা, চুলগুলো কেটে ফেলি, নয়তো আর পারি নে। আমি বাড়ী নেই, গুণ্ডার দল বাড়ী ঘিরে ফেলেছে—বললে বিশ্বাস করবে না—এই কালীঘাটে, ইংরেজ-রাজত্বের মধ্যে! মেয়ে মাথায় কেরোসিন তেল ঢেলেছে—চুলে আগুন জ্বলে মরবে। এমন সময় আমি গিয়ে পড়লাম—লোক-ডাকাডাকি করলাম, গুণ্ডার দল পালাল।

• আমি জিজ্ঞাসা করিলাম—সতীশনা যেত না বাসায়?

—যেত, টাকা দিয়ে আসত আমার হাতে মেয়েকে লুকিয়ে। মেয়েও বড্ড নিষ্ঠুর ব্যবহার করেছে সতীশের সঙ্গে। একটা মুখের ভাল কথাও ইদানীং বলত না। আগে আগে গুর চিঠির এক-আধখানার উত্তর দিত—শেষে তাও বন্ধ করে দিলে। আমায় বলত—না মা ওকে আসতে দিও না। ও যে সর্বস্বাস্ত হল আমাদের দিয়ে। কুকুরের মত আমরা গুর টাকা খাচ্ছি কেন? ও বিয়ে-থাওয়া করবে না আমাদের না ছাড়লে।

এই সময় পাড়ার এক লহরয় প্রৌঢ় ডাক্তার নিজে চেষ্টা করিয়া সুলোচনাকে মেডিকেল কলেজে নার্সের কাজ শিখিবার জন্ত ভর্তি করিয়া দিলেন—পাশ করিয়া প্রথমত সেই ডাক্তারের ডাক্তারখানাতেই কাজ পায়। কিছুদিন সেখানে কাজ করিবার পরে একদিন মাকে আসিয়া বলিল—মা, এ জগতে সব সমান। ওখানে আর আমার কাজ করা চলবে না। ছেড়ে দিয়ে এলুম।

মাস-দুই পরে ক্যাথল হাসপাতালে কাজ জুটিল। তখন ওদের পটলডাঙার বাসা। মা ক্যাথলের গেট থেকে রোজ রাত এগারটার সময় মেয়েকে বাসায় আনে সঙ্গে করিয়া। তাহার মধ্যেও বহু বিপদ গেল। ক্যাথলের নার্স সুলোচনার রূপের খ্যাতি তখন চারিদিকে ছড়াইয়াছে, ছাত্রমণ্ডলীর অনেকের বাসন্তী প্রেমের-বশত সে—কত প্রলোভন তাহাকে যে প্রতিদিন এড়াইয়া চলিতে হইত! গুণ্ডার হাতে পড়িতে পড়িতে কতদিন বাঁচিয়া গিয়াছে। একদিন মাকে বলিল—প্রকাশনা দিয়ে এসে এ রকম দেখে খুশী হবে না। সে দেখে অসন্তুষ্ট হয় এমন কাজ কখনও করব না। তুমি আলাদা ছোট বাসা কর—আমি ক্যাথলে নার্সদের হোস্টেলে যাই।

তাহাই হইল। হোস্টেলে দুজনের নাম দিল ঘরা দেখা করিতে পারিবে—স্বামীর ও প্রকাশদার—আশা ছিল প্রকাশনা একদিন হঠাৎ আসিয়া পড়িবেই।

স্লোচনার মাঝে জিজ্ঞাসা করিলাম—আচ্ছা, কখনও এর পরে প্রকাশনার পত্র-ট্রু আসত না ?

বুড়ী দীর্ঘনিশ্বাস ফেলিয়া বলিল—কখনও না। মেয়ে প্রকাশনা বলতে অজ্ঞান। ভাবত, প্রকাশ আসবে কিরে। আমার কতদিন বলেছে এ-কথা। প্রকাশ দেখে খুশী হবে বলেই তো দমদমার অতিথিশালা খোলা হল ওর স্বামীকে নিয়ে এসে।

আমি অবাক হইয়া বলিলাম—অতিথিশালা! সে কি রকম ?

—মেয়ের খেয়াল! এদিকে প্রকাশের নাম ক্যাষেলের হোস্টেলে লেখানো, ওদিকে দমদমার অতিথিশালা খোলা প্রকাশকে খুশী করবার জন্তে—প্রকাশ তখন মরে ভূত হয়ে গিয়েছে।

—ওর স্বামীকে আনলেন বুঝি আবার ?

—আমরা আনি নি বাবা। ক্যাষেলে একজন রুগী এসেছিল স্লোচনার ষষ্ঠরবাড়ীর গাঁ থেকে। সে গিয়ে থবর দিলে। স্বামী এসে পড়ল, মাপ চাইলে—আমরাও জায়গা দিলাম এই ভেবে যে স্বামী ভিন্ন বাইবে পদে পদে বিপদ। স্বাধীন হয়েও রূপ নিয়ে সর্বদা সশক্তিত। কেউ মিত্র নেই, সবাই শত্রু। আজ যে বন্ধু, কাল সে শত্রু। ওর স্বামীকে নিয়ে দমদমায় বাসা করা গেল। যে যায় সেই খায়, তাই নাম হল অতিথিশালা।

আমার সঙ্গে এই সময়েই স্লোচনার দেখা হইয়াছিল। সে-কথাও আমি বুদ্ধাকে বলিলাম।

বুদ্ধা বলিল—তোমার কথা বলেছিল এখন আমার মনে হচ্ছে বাবা। তার পর ও চাকরি ছেড়ে দিয়ে প্র্যাক্টিস করতে লাগল। বেশ দু-পয়সা আয় হল। ছুটি ছেলে হল। জামাইয়ের এক কাঁড়ি দেনা ছিল দেশে, সব ও শোধ দিলে। সেই সময় একদিন কে এসে বললে দমদমার বাসায়—প্রকাশ মারা গিয়েছে। শুনেই মূচ্ছা হয়ে পড়ে গেল—সেই থেকে বৃকের রোগ। তাতেই শেষে মারা গেল। শবরটা শোনার পর মোটে ছটি মাস বেঁচে ছিল।

দুজনেই অনেকক্ষণ চুপ করিয়া বসিয়া রহিলাম।

বুদ্ধা অল্পমনস্কভাবে বলিল—সন্ধ্যা হলে যাব বলে আপন বিদেয় করবার জন্তে আট বছর বয়েসে মেয়ের বিয়ে দিয়েছিলাম। সে কোথায় চলে গিয়েছে আজ, আমি এই পঁয়ষট্টি বছর বয়েসে এখনও ভুগছি বন্ধনে। সে স্বামীকে ভাল করলে, তাকে মদ ছাড়াই, মাহুত করলে—করে মরে গেল। জামাইও মারা গিয়েছেন। এখন আমি যদি মরে যাই ছেলে দুটো নিরুপায়। কোথায় পাড়াবে। রাস্তায়—গবর্নমেন্টের রাস্তায়।

আমার নিকে চাহিয়া বলিল—ইদানীং আমাদের বড় সুখ হয়েছিল। সে তুমি দেখ নি। খাট, আলমারী, বাসন,—স্লোচনা প্র্যাক্টিসে বেশ রাজগার করত—টাকা জমিয়ে এ-সব করেছিল। শৌখিন ছিল খুব, সে তুমিও তো দেখেছ। ময়লা কি কুশী জিনিস দু-চোখে দেখতে পারত না। হ্যাঁ, ভাল কথা মনে পড়ল—জামাইয়ের হাতে অনেক টাকা পড়ল মেয়ে মারা যাওয়ার পরে। জামাই তেজস্বিত্য করতে গিয়ে হাওড়ায় জমি বন্ধক রেখে দু'হাজার

টাকা ধার দিয়েছিল—তার পরে সেও তো মরে গেল। হাওনোটবানা এখনও আছে, ই্যা বাবা, তাতে কিছু হয় ?

বুড়ীকে বলিলাম, চোদ্দ বছর পরে সে হাওনোটে আর কিছু হইবে না। রাখিয়া ঘরের জঞ্জাল বুদ্ধি ছাড়া অন্য কোন সার্থকতা তার নাই।

হঠাৎ আমার একটা কথা মনে পড়িল। বলিলাম—আচ্ছা, ওর সঙ্গে একটা ছোকরাকে বেড়াতে দেখেছিলাম। সে কে জানেন ?

বুড়ী বলিল—শ্রামবর্ণ একহারা চেহারা তো ? বছর বাইশ বয়েস ? ও তো তার দেওর। পুত্রর জ্যাঠভূত ভাই—দমদমার বাসায় থেকে পড়ত।

আমার কতদিনের ভুল ভাঙিয়া গেল। কি অবিচার করিয়াছি স্মলোচনার প্রতি !

স্মলোচনা যে-যুগে বাহিরে চলাকেরা করিত, সে যুগে মেয়েদের অমন ভাব কেহ পছন্দ করিত না বলিয়াই তাহার নামে নানা কথা উঠিয়াছিল। সেই তরুণীর সচেতন অন্তরাত্মা যাহাকে ভালবাসিয়াছিল, তাহারই একনিষ্ঠ ধ্যানে সে দিনের পর দিন বৃথা অপেক্ষা করিয়া মরিত আশার কুহকে।

ক্যাষেলের সামনে দিয়া ট্রামে যাতায়াত করিবার সময় অভাগী স্মলোচনার কথা আজকাল বড় মনে পড়ে।

বেচারী

কলিকাতায় বোমার হাঙ্গামা উপলক্ষে বহুদিনের কলিকাতা-বাস ত্যাগ করিয়া সপরিবারে গিয়া ভগ্নীপতির বাড়ী আশ্রয় লইয়াছি।

একবারে অজ পাড়ারগাঁ। রেল স্টেশন হইতে সাত ক্রোশ রাস্তা হাটিয়া অথবা গরুর গাড়ীতে গেল গ্রামে পৌছানো যায়। ভগ্নীপতিদের মেটে বাড়ী, তাহাদেরই স্থান সঙ্কুলান হয় না; তবে বিপদের দিনে, আপাতত বোমার মরিতে বলিয়াছি দেখিয়া তাহারা নিজেদের অসুবিধা করিয়াও বাহিরের ঘরখানি আমাদের জন্য ছাড়িয়া দিল। আমরা গরুর গাড়ী হইতে নামিতেই দেখি বাহিরের ঘর হইতে তিনটি তোরঙ্গ, একটি বড় বিছানা, গোটা দুই পুঁটুলি স্থানান্তরিত হইতেছে। জিজ্ঞাসা করিয়া জানিলাম আমার ভগ্নীপতির মেজভাইয়ের শ্রানীপতি-ভ্রাতাও সপরিবারে ইছাপুর না দমদম হইতে সপ্তাহ খানেক পূর্বে আসিয়া এখানে আশ্রয় লইয়াছেন এবং বাহিরের ঘরে তাঁহারাই ছিলেন। বাড়ীর মধ্যে রান্নাঘরের পাশে যে নাতিজুড় ভাঁড়ার ঘর আছে, আপাতত সেখানাত্তেই তাঁহাদের থাকিবার ব্যবস্থা করা হইল।

বহুদিন কলিকাতার বাসা করিয়া আছি, বাড়ী করিবার সঙ্গতি অবশ্য নাই। সঙ্গতি ছিল না একজন্ম ঈশ্বরকে ধন্যবাদ দিলাম, আপানী বোমার ষায়ে সে বাড়ী কতক্ষণ টিকিত ? আমার যে-সব বন্ধুবান্ধবকে কলিকাতায় বাড়ী করিবার জন্য এতদিন হিংসা করিতাম, আজ তাহাদের

প্রতি সে হিসাব ভাব করণা ও সহানুভূতিতে পরিণত হইয়াছে। বেচারীদের পরিস্থিতি অনর্থক নষ্ট হইল।

তু একদিন কুটিয়া গেল।

চারিদিকে চাহিয়া দেখি গ্রামের মধ্যে ভীষণ জঙ্গল, খানা ভোবা বাঁশবন। শীতের শেষ, শ্রী একদিন আমার আসিয়া বলিলেন, গুগো, কত চালতে পড়ে আছে বনের মধ্যে, দেখবে এস— আমার শ্রী শহরের মেয়ে। পাড়াগাঁয়ের বনে বাগানে পাকা চালতে শীতকালে পড়িয়া থাকা বিশেষ আশ্চর্যের কথা নয়, তাহা না বলিয়া তাহার আনন্দটাকে আরো ঘনীভূত হইবার অবকাশ দিবার জন্ত দুজনে বনের দিকে ছুটিয়া গেলাম।

—ওই দেখ এসে, ঢোক এই বনের মধ্যে।

—ওঃ তাই তো! এ যে অনেক দেখছি!

—এক একটা চালতের দাম কলকাতায় তু পরস—আর দেখ এখানে কিনতে হয় না। কুড়িয়ে নেব—হ্যাগো, কেউ কিছু বলবে না তো?

—কে আবার কি বলবে। বাগানে চালতে পড়ে আছে, কুড়িয়ে নেবে তা কে কি বলবে এসব পাড়াগাঁয়ে।

এমন সময় আমার শ্রী বলিলেন—ও কে গো?

চাহিয়া দেখি একটি বাইশ-তেইশ বছরের যুবক একটা ঝুড়ি হাতে ওদিক হইতে বন তৈলিয়া গাছতলায় সম্ভবত চলিতে কুড়াইতে আসিতেছে। আমাদের দুজনকে দেখিয়া সে একটু সমীহ করিয়া থমকিয়া পড়িল। আমি তাহাকে আশ্বাস দিবার জন্ত বলিলাম—চালতে গাছ কি তোমাদের? তুটো চালতে কুড়ুছি কিন্তু—

যুবক হাসিয়া বলিল—ইউ মে টেক, নট মাই টি।

তাই তো, এ দেখিতেছি ইংরেজি-জানা লোক, নিতান্ত গ্রাম্য লোক নয় তাহা হইলে। যদিও আমার সঙ্গে ইংরেজি বলার সার্থকতা কি তাহা বুঝিলাম না।

বলিলাম—আপনার বাড়ী এখানেই বুঝি?

—নো, আই ওয়াজ এ ক্লার্ক গ্যাট ক্যালকাটা, নাউ আই র‍্যাম হিয়ার।

—বেশ বেশ, তাহলে আমাদের মতই অবস্থা দেখছি। জাপানী বোমার ভয়?

যুবক হাসিয়া চুপ করিয়া রহিল, ই। না কিছুই বলিল না।

বৈকালের দিকে ছোকরার সঙ্গে ভাল করিয়া আলাপ হইল। জানিলাম, তাহার নাম সুরেশ। আমার ভগ্নপতির বাড়ীর পাশে যে মুখুজ্যেবাড়ী, সে সেই বাড়ীর রাস্তা মুখুজ্যের শ্রালক। মুখুজ্যেবাড়ীর অন্ত্রান্ত লোকে কলিকাতার ও কলিকাতার বাহিরে বিভিন্ন স্থানে চাকরি করে, কখনও বাড়ীঘরে না আসার দরুন পৈতৃক স্মৃৎসং সোতলা বাড়ী ভাঙিয়া যাইবার উপক্রম হইয়াছিল, বর্তমানে সেই বাড়ীর রাস্তা মুখুজ্যেই গবর্নমেন্টের 'দপ্তরখানায়' কেরানীগিরি হইতে অবসর গ্রহণ করিয়া বাড়ী আসিয়া তিন বৎসর বাবৎ বাস করিতেছেন। গোটা

পকাশেক টাকা পেনশন পান বলিয়া দেনে আছেন, নতুবা কলিকাতায় বাসা করিতেন।

বলিলাম—তুমি কি এই তিন বছরই এখানে আছ ?

—হ্যাঁ দাদা। হোয়ার স্থান আই গো ? এখন চাকরি নেই কিনা। তবে শীগগিরই হবে।

—বেশ বেশ, খুব ভাল। তোমাদের দেশ কোথায় ?

—দেশ ছিল ক্যালকাটার পাশেই—ইয়ে রাজবল্লভপুর, টালিগঞ্জের ওমিকে। এখন লেখানে কেউ নেই। মা এখানেই থাকেন, দিদি আছেন। আমিও এখানেই এখন আছি, তবে আই হোপ, এই মার্চ মাসেই আই উইল সিকিওর এ সার্ভিস। আই অ্যাম এ ম্যাট্রিক পাসড্।

—বাঃ, খুব ভাল।

ছোকরার সঙ্গে কথাবার্তা বলিতে বেশ একটু কৌতুক বোধ করিতে লাগিলাম। বেশ চেহারা, মাথায় চেরা সিঁথিটি যত্নে তৈরি করা, পরনে আধময়লা ধুতি, গায়ে গেঞ্জি, বোধ হয় কিছুক্ষণ আগে বিড়ি টানিতেছিল, আমার দেখিয়া কেলিয়া দিয়াছে, কারণ বিভিন্ন ধোয়ার গন্ধ বাতাসে।

—আপনি বুঝি সায়, ক্যালকাটাতেই—

—হ্যাঁ, আমার কর্মস্থান কলকাতাতেই ছিল, জুলে মাষ্টারি করতাম। এখন জুগ সব বন্ধ, তাই এখানে—

—আপনি কি পাশ সার ?

—এম এ পাশ করেছিলাম।

ছোকরা বিনয়ে সম্মুখে কাঁচুমাচু হইয়া বলিল—দেন্ ইউ আর এ কালচার্ড ম্যান সার—ভারি খুশী হলাম আপনার সঙ্গে আলাপ হয়ে। আই অ্যাম ওন্লি ম্যাট্রিক পাসড্—কিন্তু দেখুন সার, লেখাপড়া আমি বড় ভালবাসি।

—সে তো খুব আনন্দের কথা। ভদ্রলোকের ছেলে, হবারই তো কথা।

—প্রেস্টিস সাহেব দাদাবাবুদের বড়সাহেব। একদিন দাদাবাবুদের আপিসে গিয়ে চূপ করে বসে আছি, প্রেস্টিস সাহেব যাচ্ছে বারান্দা দিয়ে। জানেন তো সার, প্রেস্টিস সাহেব, চিক সেক্রেটারি টু দি গভর্নমেন্ট অব বেঙ্গল—কি চেহারা ! গটমট করে যাচ্ছে কি—সাহেব বাচ্চা ! দাদাবাবুর ঘরের সামনে দিয়ে গেল একেবারে। দেখেছেন প্রেস্টিস সাহেবকে দাদা ?

—না।

—মজলোক প্রেস্টিস সাহেব। দেখুন, কত বড় বড় লোকের সঙ্গে মিশে এসেছি, এখন এই পাড়াগাঁয়ে যত সব আনকালচার্ড লোকের সঙ্গে মেশা—আই ডু নট লাইক ইট।

যদিও বুঝিলাম না সে প্রেস্টিস সাহেবের সঙ্গে মেলামেশা কি ভাবে এবং কখন করিল, তবুও ষাড় নাড়িয়া সায় দিয়া বলিলাম, ঠিক কথা, ঠিক কথা।

বাড়ীতে আসিয়া স্ত্রীর কাছে সব বলিলাম। স্ত্রী বলিলেন—আহা, ছোকরাটি ভাল, এখানে ভদ্রীপতির বাড়ী পড়ে আছে কেন ? অল্প বয়স—চাকরি করে না কেন ?

বি. র.—৮ (২)—৪

—বেকারের সংখ্যা তো জান না দেশের! কত বি এ, এম এ, ক্যা-ক্যা করছে এ বাজারে
—ও তো সামান্য ম্যাট্রিক, ওকে চাকরি দিচ্ছে কে।

দিনকতক কাটিয়া গেল। একটি জিনিস খুব কৌতূহলের সহিত লক্ষ্য করিলাম, পাড়াগাঁয়ে লোকে সময় কি করিয়া কাটায়। এসব নির্জন পল্লীগ্রামে সময় কাটানো যে রকম কষ্টকর তা বাহার অভিজ্ঞতা নাই তিনি বুঝিবেন না। কলিকাতা হইতে আসিয়া নিতান্তই কষ্টে পড়িয়াছিলাম, অথচ দেখিলাম পেনশন-প্রাপ্ত রাস্ত্র মুখুজ্যে সকালে উঠিয়া একথানা ন-হাতি কাপড় পরিয়া চণ্ডীমণ্ডপের সম্মুখস্থ জঙ্গল পরিষ্কার করিতেছেন, মানকচুর চারা এখান হইতে ওখানে পুঁতিতেছেন, মাঝে মাঝে তামাক খাইজেছেন।

আমাকে দেখিয়া বলিলেন—নিতুবাবু যে? কোথায় চললে?

—যাব আর কোথায়! আপনাদের গ্রামে মোটে তিনঘর ভক্তলোক, কার বাড়ী গিয়েই বা বসি?

—এস এস, আমার এখানে একটু বস। তামাক খাও?

—আজ্ঞে না।

তিনি আমার পাশে আসিয়া বসিলেন এবং কি করিয়া বাড়ীর পিছনের জমিতে আর-বছর কুমড়া লাগাইয়াছিলেন, এবার মানকচু কি রকম পুঁতিয়াছেন—এই সকল গল্প কিছুক্ষণ করিয়া আমার বলিলেন—চা খাবে? ও সুরেশ—

রাস্ত্র মুখুজ্যের ঞ্চালক আসিয়া দাঁড়াইল। তাঁহাকে দুজনের জন্ত চা আনিতে বলিয়া আমার বলিলেন—এই গ্রামে ধর পঁচিশ বছর পরে এসে আজ তিন বছর বাস করছি—তা আছি বেশ। বাক্সটি নেই—খাঁটি ছুধটুকু বাড়ীর গরুর—

পল্লীগ্রামের সুখ-সুবিধার নানারূপ গল্প করিতে করিতে চা আসিয়া গেল।

ছোকরা চা দিয়া বলিল—গুড় আর চিনি নেই, দিদি বলে দিলে।

রাস্ত্র মুখুজ্যে কর্কশকণ্ঠে বলিলেন—নেই তা নিরে এস গে না বাজার থেকে...আমার বলতে এসেছেন চিনি নেই! যাও, বাজার থেকে এনে রাখ। তোমার দিদির কাছ থেকে পরসাদ নাও গে যাও—কুড়ুমি আমি একেবারে দেখতে পারি নে।

ছোকরা মুখ কাঁচুমাচু করিয়া চলিয়া গেল এবং অল্পক্ষণ পরেই দুইটি ভেলের ভাঁড় আর একটা ছোট থলের প্যাকেট লইয়া আমাদের সামনে দিয়াই, বোধ হয় বাজারেই চলিল। বেলা প্রায় দশটা বাজে, নেউলের বাজার এখান হইতে বাতায়িতে সাত মাইল পথ—রাস্ত্র মুখুজ্যে যে তাঁহার ঞ্চালকটির উপর যথেষ্ট স্নেহবশীল নছেন, তাহা এই ব্যাপার হইতেই বুঝিতে পারিলাম।

লক্ষ্যাবলা দু'ধারে জঙ্গলাবৃত্ত সড় পথে একটু পাশ্চাতি করিতেছি, রাস্ত্র মুখুজ্যের ঞ্চালক লিঙ্কন হইতে বলিল—সার?

—এই যে সুরেশ ! ধবর কি ?

—ভাল লাগে না সার একটুও এখানে। আসুন কোথাও বসে গল্প করা যাক। আসুন আমার সঙ্গে।

কিছুদূর গিয়া একটা চারিদিক খোলা চালাঘর।

ছোকরা বলিল—এই হল গাঁয়ের বারোয়ারী ঘর, অর্থাৎ টাউন হল।

—ও

—দেখুন তো যত সব চাষার কাণ্ড ! এমন গাঁয়ে ভক্তলোক থাকে ?

—তা তো হল, এখানে বসবে নাকি ? কি পেতে বসবে এখানে ?

—দাঁড়ান, নবীনের বাভী থেকে ছুটো বিচুলি নিয়ে আসি। তা ছাড়া আর কি পাতি বলুন।

কিছুক্ষণ পরে ছোকরা বিচুলি হাতে কিরিয়া বলিল, একটু চাষের বন্দোবস্ত করে এলাম। নবীনের বাভী বলে এলাম—এখনি করে দিয়ে যাবে। ওরা জাতে কাপালী। আপনি যেন দাদাবাবুকে বলবেন না গিয়ে। দাদাবাবু বড় বকে! আচার-বিচের খুব কিনা? বড় গৌড়া—ভেরি অর্থোডক্স।

বলিলাম—ও।

ছোকরা কিছুক্ষণ চুপ করিয়া বসিয়া হঠাৎ কোনও কথা মনে পড়িবার ধরনে বলিল—আমি আজ পাড়াগাঁয়ে আছি বটে, কিন্তু দাদা বড় বড় লোকের সঙ্গে—আচ্ছা আপনি ল্যাঙ্কে সাহেবকে চিনতেন? আমি তাঁকে ক্যালকাটা পুলিশ ক্লাবে দেখেছি সাত হাতের মধ্যে। জে. সি. ল্যাঙ্কে, ইন্টেলিজেন্স ব্রাঞ্চার স্পেশাল অফিসার ছিলেন, ইমানীং ডি আই জির পার্সোনাল স্যাসিস্ট্যান্ট হয়েছিলেন—সাত সাত টাকা মাইনে।

সবিস্ময়ে বলিলাম—বল কি! সাত হাতের মধ্যে? পুলিশ ক্লাবে কি জন্মে গিয়েছিলে?

অতীত গৌরবের দিনের স্মৃতি মনে পড়াতে মাস্তকের মুখে যে আনন্দের রেখা ফুটিয়া ওঠে, ছোকরার সারা মুখমণ্ডলে তাহা পরিস্ফুট হইতে দেখিলাম। সে অল্পভরা চোখ জ্বালালের দিকে তুলিয়া বলিল—কুণ্ডু রায়ও সঙ্গ কেটারার ছিল পুলিশ ক্লাবের স্যাহুয়েল স্যাদারিংএ; কুণ্ডুদের বড় ছেলে হরিচরণ আমার বুজ্জু ফ্রেণ্ড কিনা! তারা একখানা করে কার্ড দিত, এতবড় কার্ড, সোনার অলে নাম লেখা। আমি দু'বার গিয়েছি। গ্র্যাণ্ড হোটলে স্যাদারিং হত। আমি প্লেটে কেক দিতে গেলাম, আমার হিউজেন্স বললে—নো মোর, থ্যাঙ্ক ইউ!

—হিউজেন্স সাহেব আবার কে?

—জোসেফ হিউজেন্স, ম্যাক-আর্থার কোম্পানির বড়সাহেব—ওই যে ক্লাইভ স্ট্রীটে পাচতলা মস্ত বড় বিল্ডিং—সাত শ ক্লাক ষাটে তার আঙারে। এই গৌর, চোখ দুটো দেখলে ভয় করে, বাঘের জাত। সে কিন্তু কেমন হেসে বললে—নো মোর, থ্যাঙ্ক ইউ। আচ্ছা, ওরা এখনি খুব ভক্তলোক, কি বলেন?

—নিশ্চয় নিশ্চয়, বাঃ—

ছোকরার কিন্তু আমার উত্তরের দিকে আদৌ মন ছিল না, সে অশ্রুমনস্কভাবে পূর্ববৎ স্বপ্নময় চোখে বলিয়া চলিয়াছে। একবার রামনগরের মহারাজা কাউন্সিল হাউস হইতে বাহির হইতেছেন, সে কোন বারান্দার ছায়ায় দাঁড়াইয়া ছিল, একেবারে তাহার গা ঘেঁষিয়া মহারাজা চলিয়া যাইতেছেন, হঠাৎ মহারাজের হাতের সোনা-বাধানো বেতের গুঁতা তাহার গায়ে সামান্য ভাবে লাগিতেই খোদ মহারাজা স্বয়ং তাহার দিকে ক্রিয়া চাহিয়া বলিলেন—ও, আই র‍্যাম সো গরি!—আজও তাহার কানে কথাগুলি লাগিয়া আছে।

জিজ্ঞাসা করিলাম—সেখানে কি জন্তে গিয়েছিলে?

—বা রে, দাদাবাবু তো সেখানেই টাইপিষ্ট ছিলেন, দেখা করতে গিয়েছিলাম যে গুঁর সঙ্গে।

বলিলাম—বাঃ, তুমি তাহলে তো অনেক বড় বড় লোক দেখেছ!

ছোকরা উৎসাহের সুরে বলিল—তা আপনার আলীকর্বাদে সার, অনেক দেখেছি। আজই গড়ে আছি এই অজ পাড়াগায়ে। আই ছাভ সীন যেনি মেনি বিগ পিপল্—সেই জন্তে আমার ভাল লাগে না এসব জায়গা।

এই সময় একটি বিধবা স্ত্রীলোক একখানা কাঁসার থালায় দু পেয়ালা চা সাজাইয়া আনিয়া আমাকে দেখিয়া একটু সঙ্কোচবোধ করিয়া দূরে দাঁড়াইয়া রহিল।

ছোকরা বলিল—এস না, দিয়ে যাও। ইনি পশুপতিবাবুর আত্মীয়। লজ্জা নেই, নিয়ে এস।

তবুও মেয়েটি না নড়াতে আমি বলিলাম—তুমি গিয়ে নিয়ে এস।

চা খাইতে খাইতে সুরেশ বলিল—আমার একটু ভাল লোকের সঙ্গে কথা বলবার বৌঁক আছে চিরকাল। তা এই সব জায়গায় আপনি কোথায় পাবেন বলুন। সব মুখা, নো গুয়ান ইজ ইভন্ ম্যাট্রিক পাস্‌ড্। দুটো ভাল কথা বলি এমন মানুষ নেই। মন যেন কেমন হাঁপিয়ে উঠেছে।

—সময় কাটাও কি করে?

—বাড়ীর কাজ করি। বাজারে যাই, নবীনদের বাড়ী এসে মাঝে মাঝে বসি। তা নবীন বরং ভাল, দুটো ভাল কথা শুনতে চায়। ওকে সেদিন বললাম, তোরা এখানে কেমন করে থাকিস? আমি দেখেছি কলকাতার বড় বড় লোকের বাড়ী আলাদা নাইবার ঘর আছে, তাকে বাথ-রুম বলে। গরম জল, ঠাণ্ডা জল। মেদিনীপুরের জমিদারের রডন স্ট্রীটে যে বড় বাড়ী আছে দেখেছেন? একবার আমি তাঁদের বাড়ী গিয়েছিলাম আমার এক বন্ধুর সঙ্গে। দোতলার বাথ-রুম। বাড়ীখানা কি! বাথ-রুমে একখানা আগুন আছে, সমস্ত শরীর একসঙ্গে দেখা যায়। মেঝেতে আপনি কেন মুখ দেখুন না, এমনিই স্বন্দর করে পালিশ করা। সকালবেলা গিয়েছিলুম, বাবুর জন্তে খাবার গেল—চেয়ে চেয়ে দেখলাম, ডিম সেদ্ধ, টোস্ট আর দুটি রসগোল্লা, দুটো কলা। আমাদের একমুঠো চাল ভাজা, তাও সবদিন জোটে না সকালে উঠে। তাই নবীনকে বললাম—তোরা বেঁচে আছিস তুতের মত।

মাছুবে এমন করে বাস করে না। মাছুবের মত বাস করতে হলে কলকাতায় গিয়ে দেখে আর।—আপনি কি বলেন দাদা ?

কথাটা হাড়ে হাড়ে বুঝিতেছি, সুতরাং বলিলাম—সে কথা খুবই ঠিক। এসব জায়গায় বর্ষাকালে থাকা অসম্ভব। যেমন কাদা তেমনি মশা। চাহিয়া দেখিরা বেশ আমোদবোধ করিলাম, বেশ জায়গাতে বসিয়া চা পান করিতেছি বটে। গ্রাম্য শেওড়া ভাট শিউলি গাছেব জঙ্গলে ঘেরা একখানা চালাঘরে মাটির মেঝেতে বিচুলি বিছাইয়া আংটা-ভাড়া পেয়ালায় কাপালীদের বাড়ীর তৈরি চা খাইতে খাইতে হুজনে কলিকাতার সুখ-সুবিধার কথা আলোচনা করিতেছি।

ছোকরাও বোধ হয় একই কথা ভাবিতেছিল। কারণ সে এই সময় হঠাৎ বলিল—কতদিন কলকাতায় যে যাই নি! ঐ যেদিন, বললাম না কুতুয়াও সন্দেহ, পুলিশক্লাবে যারা খাবার সাপ্লাই করেছিল—গ্রাম কেক, স্ট্রাউটাইচ, বিস্কুট, আরও সব মেলা কি কি—ওদের দোকান হল হগ মার্কেটে, কুতুদের বড় ছেলের সঙ্গে আমার ভাব—তা ওদের দোকানে সকালে বসে আছি, এমন সময় একজন মোটা মত ভদ্রলোক, দিবি চেহারা—দোকানে এসে কি চাইলে। কুতুদের ছেলে বললে—ইনি কে জান? আমি বললাম, না। বললে, মহারাজা অব নাটাগোড়। আমি তো অবাক! বলব কি আপনাকে, আমার গা শিউরে উঠল। কত নাম, কত টাকাকড়ি, খবরের কাগজে কত ছবি বার হয়—এই সেই মহারাজা অব নাটাগোড়, দেখি মহারাজার আরদালি জিনিস নিয়ে গিয়ে, ইয়া বড় মটর দাঁড়িয়ে আছে, তাতে তুললে। সেসব এক দিন গিয়েছে! এই আমি আর ওই মহারাজা! এখন এখানে বসে বাগদি-ভুলে বাড়ী বেড়িয়ে বেড়াচ্ছি। আজ আপনি এসেছেন, তাই আপনার সঙ্গে দুটো ভাল কথা বলছি, নইলে এতক্ষণ নবীন কাপালীর বাড়ী বসে গল্প করতে হত।

—আহা, তোমার ভগ্নীপতি রাসুবা বুতো অনেক ভাল ভাল লোকের সঙ্গে মিশেছেন—তা এখন কি করে দিন কাটান?

ভগ্নীপতির উপর দেখিলাম ছোকরার অসীম শ্রদ্ধা। ভগ্নীপতির সঙ্গে কতবার তাঁর আপিসে গিয়া বড় বড় লোক দেখিয়াছে—ইডেন গার্ডেনের পাশে প্রকাণ্ড বাড়ী, এই বড় থাম,—আবার ছোকরা স্মৃতির সমুদ্রে ডুবিয়া গেল।

এই সময় কাপালীদের বাড়ী হইতে সেই স্ত্রীলোকটি আসিয়া পূর্ববৎ দ্বার দাঁড়াইল। ছোকরা বলিল—পান নিয়ে এসেছে। চায়ের এগুলো দিয়ে আসি আর পান আনি।

একটা কাঁসার বাটিতে চার খিলি পান লবঙ্গ দিয়া মুড়িয়া পরিপাটি করিয়া সাজা। ছোকরা বলিল—আমি পান খাই নে—আপনি খান।

তার পর আবার আমরা গল্প শুরু করিলাম। দেখিলাম ছোকরার অজুত ধরনের কমতা তার নিজেকে প্রতারণা করিবার। তার বর্তমান অবস্থাকে সে কেমন চমৎকার ভুলাইয়াছে ভবিষ্যৎ ও অতীতের সুখস্বপ্ন দ্বারা।

—চাকরি আমার হয়ে যাবে এই জাহ্নগারি মাসে। আমার অনেক বড় বড় সহায় আছে

কলকাতায়। এখান থেকে বেরতে পারলে বাঁচি। একটা ভাল লোকের মুখ দেখতে পাই নি আজ তিন বছরের মধ্যে।

একথা তাহাকে অবশ্য জিজ্ঞাসা করি নাই, এতই যদি তাহার সহায়, তবে আজ তিন বছর এখানে পড়িয়া থাকিয়া ভগ্নীপতির বাজার-সরকারি করিতেছে কেন?

আরও কিছুদিন কাটিয়া গেল। একদিন চৈত্র মাসের দুপুর রোদে দেখি সে সাত মাইল দূরবর্তী বাজার হইতে প্রকাণ্ড একটি ভারী মোট বুলাইয়া আসিতেছে। খালের ধারে আমার সঙ্গে দেখা। আমাকে দেখিয়া মোট নামাইয়া গাছের ছায়ার একটু বসিল। বলিলাম—এতে কি?

—হাট-বাজার করে কিরছি। আটা, ডাল, ছুন, এই সব।

—রাস্তা মুখজো আজ সকালে বকাবকি করছিলেন কাকে?

—দাদাবাবুর মেজাজ বড় গরম। বাগুদিপাড়ার এক প্রজাঙ্কে ডাকতে পাঠালেন, একটু দেরি হয়েছে কিরঙে আমার, আর অমনি বকাবকি শুরু করেছেন।

—তোমার দিদি কিছু বলেন না?

—দাদাবাবুকে দিদি বড় ভয় করে চলে।

ছোকরা চলিয়া গেল। সে রাত্রেই আমার স্ত্রী বলিলেন—আচ্ছা, রাস্তা মুখজোর শান্তিডি এখানে থাকেন কেন?

—তা কি করে বলব?

—বড় ভাল লোক। এমন হাতের রাস্তা! আমার বিকেলে আজ জলখাবার খাইয়ে-ছিলেন। যেমন মিষ্টি কথাবার্তা—বাবা, রাস্তাবাবু তাঁর শালাকে যা বকলেন আমার সামনে! বাজার থেকে কি জিনিস ভুলে আনে নি। একেবারে ননসেন্স, বেরিয়ে যাও, বসে বসে গিলছ! এমন সব যা তা বললেন, মায়ের চোখ দিয়ে জল পড়তে লাগল।

—মুখজো মশায়ের স্ত্রী কিছু বললেন না?

—ও বাবা, তিনি ভয়ে কাঁটা! মানে, একটু কিঙ্ক-কিঙ্ক মনেই হয় তো? এই বাজারে মনে ভাব, মা ভাই সংসারের গলগ্রহ তো? আচ্ছা, কেন ছেলেটিকে বল না কোথাও গিয়ে কিছু করতে! এর চেয়ে যে, বেরিয়ে গিয়ে যা হয় একটা কিছু করাও ভাল। যতদূর বুললাম মায়ের মনে খুব ছুখু। জামাইয়ের ভাত গলা দিয়ে নায়ে না।

শুনিয়া খুবই দুঃখিত হইলাম। ভাবিলাম কালই ছোকরাকে বুঝাইয়া বলি। অল্প বয়স, এই তো জীবনে বাঁপাইয়া পড়িয়া যুঝিবার সময়; শীরা-জীবন তার সামনে, বৃহত্তর ক্ষেত্রে অগ্রসর হোক বীরের মত—তবে তো সে নিজেকেও খুঁজিয়া পাইবে। এ বাঁচা তো জড় পদার্থের অচলত্ব, ইহা তাহাকে বুঝাইতেই হইবে।

পরদিন তাহার সঙ্গে আবার দেখা। সে নিজেই আমাকে বলিল—দেখুন, একটা কাজ

পাচ্ছি এখানেই বাড়ী বসে—নেব ? কাপালীপাড়ার সবাই বলছে গ্রামের বারোয়ারী ঘরে একটা পাঠশালা খুলতে। ছাত্র-শিষ্য চার আনা দেবে। বিপ-পঁচিশটে ছাত্র আপাতত হবে। তার পর ওরা আরও জোগাড় করে দেবে বলেছে। কি বলেন ? ভাল হবে ?

—বসে না থেকে ভালই, বা পাও। তোমার পক্ষে বসে থাকাটা—

দিন কয়েক পরে বারোয়ারী ঘরের দিকে বেড়াইতে গিয়া দেখি ছাত্রছাত্রীরা সমস্তের শটকে পড়িতেছে—

হুয়ের পিঠে সাত দিলে সাতাশ হয়,

সাতাশের সাত নামে হাতে দুই হয়।

আমাকে দেখিয়া সুরেশ বলিল—আমুন সার, বসুন একটু।—সাতটি ছাত্র আর এই চারটি ছাত্রী জুটেছে—আরও অনেক আসবে বলেছে সামনের মাস থেকে। নবীন, সাধু বাঙ্গী, হরি কলু এরা সব ভরসা দিয়েছে।

আমি কিন্তু খুব ভরসা পাইলাম না। ছোকরা যে রকম খুশির সুরে পাঠশালাটিকে কেন্দ্র করিয়া স্বীয় উজ্জ্বল ভবিষ্যৎ অঙ্কিত করিতে লাগিল, তাহাতে তাহাব উপর বড় মারাত্মক হইল। এই অতি সামান্য মোচার খোলায় সে সমুদ্রপারের যে কল্পনায় উৎক্ল হইয়া উঠিয়াছে, তাহা যে কত ক্ষণভঙ্গুর সে সম্বন্ধে এই অনভিজ্ঞ যুবক কিছুই জানে না। পাড়াগাঁয়ের পাঠশালা! এইসব খেড়ে ছাত্রেরা গরু চরাইত, লেখাপড়ায় ইহাদের মন নাই। দুর্গক মলিন বস্ত্র পরিয়া ভাঙা শেলটে ও কোণ-কৌকড়ানো প্রথম ভাগ হাতে এই বয়সে বিজ্ঞানকে পড়িতে আসিয়াছে, তাহার কাবণ—এখন মাঠে মাঠে ধান, গরু চরাইবার সুবিধা নাই—ভাত্রের প্রথমে আউস ধান কাটিবার পর যেমন মাঠ ফাঁকা হইয়া যাইবে, ইহাদেরও ছাত্রজীবন সাক্ষ হইয়া রাখাল-জীবনের শুরু হইবে। পাড়াগাঁয়েব ধাত জানিতে আমায় বাকি নাই।

সুরেশ আমার কাছে বসিয়া হাত নাড়িয়া বলিতে লাগিল—বি এ পাশ করে চাকরি করার চেয়ে এ ঢের ভাল। আপনি দেখুন হিসেব করে, এরা দেবে চার আনা করে মাথা পিছু—পঞ্চাশটি ছাত্র হলেই পঞ্চাশ সিকে অর্থাৎ সাড়ে বার টাকা। তাছাড়া এরা ধানের সময় ধান দেবে, ক্ষেতে ভাল হলে ভাল দেবে, কলাটা মুলোটা—। বাড়ীর খেয়ে এ যে-কোন চাকরির চেয়ে ভাল। আমি কেবল ভাবছি এ আমি এতদিন করিনি কেন।

—স্নান মুখ্যো মশায় কি বলেন ?

—তিনিও বললেন বাড়ী বসে না থেকে ও খুব ভাল। আচ্ছা, ইন্সপেক্টরের আপিলে লিখলে কিছু গ্র্যাট পাওয়া যাবে না ? মর্গ্যান সাহেবকে আমি ধরতে পারি গিয়ে। মর্গ্যান সাহেবের সঙ্গে ডি. পি. আই-এর খুব আলাপ। দাদাবাবুর মামাজো ভাই মর্গ্যান সাহেবের আপিলে কাজ করে—তাকে দিয়ে ধরতে পারি মর্গ্যান সাহেবকে।

—কে মর্গ্যান সাহেব ?

—কালকটা ট্রেজি কোম্পানির ম্যানেজার। নাম শোনেন নি ? মস্ত লোক।

—তুমি তাকে দেখেছ নাকি ?

ছোকরা আমার কাছ ঘেঁষিয়া বসিয়া উৎফুল্ল মুখে বলিল—আগনি বললে বিশ্বাস করবেন না, দাদাবাবুর মামাতো ভাই তো সেই অফিসে কাজ করেন, আমি একবার চিঠি নিয়ে গিয়েছিলাম তাঁর কাছে। চুকতেই বা দিকের যে বড় ঘর, মাইকার পর্দা বসানো কাটা দরজা ঠেলুন, এমন স্প্রিং লাগানো আছে, তখনই বন্ধ হয়ে যাবে—সেই ঘরে মর্গ্যান সাহেব বসেন। আমি ফাঁক দিয়ে দেখি এমনি মোটা চুরুট খাচ্ছে! আচ্ছা ওসব চুরুটের দাম কত?

—অনেক। আচ্ছা, তুমি স্থল কর আমি আসি বেড়িয়ে।

যাহা আশঙ্কা করিয়াছিলাম তাহাই ঘটিল। স্থল উঠিয়া গেল দু মাসের মধ্যে। যতদিন টিকিবে ভাবিয়াছিলাম, ততদিনও টিকিল না। একদিন দেখি সুরেশ বেল। একটার সময় বাড়ীর পাশের কাঁচকলার ঝাড়ে কোপ মারিয়া গাছ কাটিতেছে।

বলিলাম—স্থলে যাও নি?

—ইয়ে—স্থল উঠে গেল।

—সে কি! কেন?

—ছাত্র হল না। দু মাস দেখলাম, তার পর কেউ মাইনে দেয় না। ভূতের বেগার আর কতদিন খাটি বলুন। চাষার ছেলে, ওরা স্থল-কলেজের মর্ম্ম কি বুঝবে বলুন দেখি। নিউটন বলেছেন—আমি সমুদ্রের ধারে হুড়ি কুড়ির বেড়াছি। সার আইজাক নিউটন—একজন কত বড়দের সাহেব, ভাবুন তো—এদের সেসব কথা বুঝিয়ে লাভ কি। মরুক গে, আমার ও ভূতের বেগার না খেটে—

রাস্তা মুখ্যে আমায় একদিন বলিলেন—ছোড়াটা একেবারে ওয়ার্থলেস। একটা কাজে পাঠাও, তিন ঘটা ঘেরি করে আসবে। ও হয়েছে আমার একটা বোকা।

—একটা কিছু চাকরিতে ঢুকিয়ে দিন না ওকে। এ রকম ঘরে বসিয়ে রেখে—

—বসিয়ে রেখেছি কি সাধে! ম্যাট্রিক থার্ড ডিভিশনে পাশ—ওকে কোথার চুতুই বল তো? বি. এ. এম. এ. এ বাজারে...আমার ঘাড়েই যত—

—কেন, এখানেও খাটে তো কম নয়। হাটে বাজারে যাচ্ছে, জিনিসপত্র বয়ে আনছে—

রাস্তা মুখ্যে অগ্রসর মুখে বলিলেন—ওইটেই সবাই দেখে। আমি কি তবে অত বড় ছেলেকে বসিয়ে বসিয়ে খেতে দেব? আমার তো সে অবস্থা নয়। আমি নিজেকে কত খাটি দেখে তো—সকাল থেকে সন্ধ্যা পর্য্যন্ত—

সুতরাং ছোকরার আবার চাকরের জীবন শুরু হইল। গরুর জাব কাটা, গরু মাঠে দিয়া আশা, হাট বাজার করা, আরও সংসারের বাবতীর পরিশ্রমের কাজ। অথচ আশ্চর্য্য এই যে, ছোকরার স্বপ্ন তেমনি মায়াময়, কল্পনা তেমনি রঙিন রহিয়া গেল। বাস্তবকে সে স্বীকার করিতে আদৌ রাজী হইল না।

..

গ্রীষ্মকাল কাটিয়া আষাঢ় মাসের প্রথম সেই যে ভীষণ বর্ষা পড়িল, শ্রাবণ মাস যায় যায় সে বর্ষার বিরাম বিশ্রাম নাই। চারিদিক জলে ডুবুডুবু, রাঙাঘাট কাদার, হাবড়, বন জললে

উঠান ঢাকিয়া গেল। আমার স্ত্রী বলিলেন—ভগো, কলকাতায় সবাই কিরছে, চল আমরাও যাই—এখানে আর থাকা যায় না। মরি, সেখানে বোমা খেয়ে মরব। ভিজ়ে কাঠে উঠুন ধরিয়ে আর ফুঁ পেড়ে চোখ কানা হয়ে যাবার যোগাড় হয়েছে, এ আর সহ্য হয় না।

অতঃপর চাফিয়া আসিলাম কলিকাতায়।

আশ্বিন মাসের প্রথমে এই সেদিন ভগ্নীপতির অসুখ উপলক্ষে একবার সেই গ্রামে গিয়াছিলাম। স্টেশনে নামিয়াই সেদিন ভীষণ বর্ষা। অতি কষ্টে সাত মাইল হাঁটিয়া প্রায় সন্ধ্যার পূর্বে গ্রামের মাঠে পৌঁছিলাম। তখনও সমানে বৃষ্টি পড়িতেছে, চারিদিক ধোঁয়া ধোঁয়া। হঠাৎ চাহিয়া দেখি সেই ভূর্যোগের মধ্যে সুরেশ এক বোকা কাঁচা ঘাস মাখায় করিয়া কোথা হইতে আসিতেছে। আশ্চর্য্য হইয়া বলিলাম—সুরেশ যে! এত বাদলায়—

সুরেশ আমাকে দেখিয়া একটু অপ্রতিভ হইয়াছে তাহার ধরন দেখিয়া বুঝিলাম। কতকটা কৈফিয়তের সুরে বলিল—এই বাদলায় গরুর খাবার নেই কিছু একেবারে। খালপারের মাঠ থেকে দু বোকা কাঁচা ঘাস...আমি বলি, যাই নিয়ে আসি, দিদি বারণ করেছিল।

সাহস দিয়া বলিলাম—বেশ তো, ভালই তো। নিজের কাজ নিজে করবে এর মধ্যে কিছু...খুব ভাল। ছোকরার এতটা অভ্যাস নাই, দেখিলাম তাহার রীতিমত কষ্ট হইতেছে। ভগ্নীপতির অন্নদাস, না করিয়া উপায়ই বা কি। রাস্তা মুখজো বসিয়া থাইতে দিবে না।

ছোকরা বলিল—কলকাতার অবস্থা কেমন?

—এখন ঢের ভাল। আবার যেমন তেমনই হয়েছে।

—যুদ্ধের খবর কি? একখানা খবরের কাগজ আসে না যে পড়ি।

—ঐ এক রকম চলছে।

—তাহলে এবার কলকাতায় গিয়ে একটা কাজে লেগে যাই, কি বলেন? বোমার হাঙ্গামা যখন অনেকটা মিটেছে চাকরি একটা জুটিয়ে নেবই। আমি আঁও নেভি স্টোর্সের প্রিকিথ সাহেব আমায় বললে—ইউ আর দি সন অব এ নোবল ক্যামিলি, গাঙ্গুলি। আই উইল সি ইউ।—সেবার আমার নিরে গিয়েছিল সেখানে—ওই যে কুণ্ডু গ্যাণ্ড সঙ্গ, তাদের মেজ'ছেলে কণ্ট্রাক্টর কিনা ওখানকার, তাই। একেবারে স্পষ্ট বললে, আই উইল সি ইউ—

তাহাকে মনে করিয়া দিলাম না যে, সে বোমার ভয়ে কলিকাতা হইতে পলাইয়া আসে নাই, আসিয়াছে তাহার তিন বৎসর পূর্বে। চাকরি এতদিন করে নাই কেন? ছোকরা এখনও স্বপ্নরাজ্যেই বাস করিতেছে—কিছুতেই সে রূঢ় বর্তমানকে স্বীকার করিতে চায় না—আমি তার স্বপ্ন ভাঙিয়া দিব কেন? তবুও কি জানি ছোকরার উপর কেমন সহানুভূতি ও করুণা হইল।

বেচারী!

অভয়ের অনিদ্রা

অভয়ের সারারাত্রি ঘুম হইল না। শত চেষ্টা করিয়াও সে তাহার চক্ষু নিম্নীলিত করিতে পারিল না। সেই বে আচমকা কিসের যেন শব্দে তাহার ঘুম ভাঙিয়া গেল তার পর আর কিছুতেই সে ঘুমাইতে পারিল না। চক্ষু যেন তাহার ঠিকরাইরা বাহির হইবার উপক্রম হইল। বেশ শান্তিতে সে ঘুমাইতেছিল, অকস্মাৎ কে যেন তাহার দ্বারে করাঘাত করিয়া গেল। সেই শব্দে অভয়ের স্তম্ভ চেতনা জাগিয়া উঠিল। অভয় ধীরে ধীরে তাহার শয্যার উপর উঠিয়া বসিল, ধীরে ধীরে ক্ষীণপ্রায় হারিকেনটি উজ্জল করিয়া দিল, ধীরে ধীরে চারিদিকে সাবধানে চাহিয়া দেখিল। না, কোথাও এতটুকু অসামঞ্জস্য ঘটে নাই। যেখানকার জিনিসটি যেমন ছিল তাহা ঠিক সেখানেই আছে, এতটুকু নড়ে নাই। অভয় স্বস্তির নিশ্বাস কেলিয়া বাচিল। ভয় তাহার নিশ্চয় অহেতুক। সে প্রথমে ভাবিয়াছিল হয়তো ডাকাত পড়িয়াছে, কিন্তু পরক্ষণেই স্মরণ হইল ইহা কলিকাতা, ডাকাত পড়িবার সম্ভাবনা নাই আরো। তার পর মনে পড়িল হয়তো চোর পড়িয়াছে। অনেকক্ষণ কান খাড়া করিয়া রহিল। চোরের আর কোন শাড়া পাওয়া গেল না। তবে কিসের এই বিকট শব্দ? অভয় ভাবিয়া ভাবিয়া আকুল হইল।

মুহুর্তে তাহার পাশের শূন্য বিছানায় নজর পড়িল। সাতদিন আগে ঐ শয্যা পূর্ণ ছিল। সাতদিন আগে তাহার এ গৃহ এমন মহাশুভ্রতা প্রকট করিয়া থা থা করিত না। মনে পড়িল বেচারী বকুলের কথা—তাহার সহধর্মিণী, তাহার স্ত্রী, অরিসাক্ষী করিয়া যাহাকে গৃহলক্ষ্মীরূপে বরণ করিয়া লইয়াছিল। তিন বছর পূর্বে এই প্রাণের এক শুভলগ্নে বকুলকে সে সগোত্রের গণ্ডির মধ্যে টানিয়া আনিয়াছিল। সেদিনও আকাশে এমনি করিয়া পুণিয়ার চাঁদ উঠিয়াছিল। তখন তাহার মা ছিলেন। দিন বেশ সুখেই কাটিতেছিল। তার পর একদা পরপার হইতে মার ডাক পড়িল। বকুল নিপুণ হস্তে সংসারের হাল টানিয়া ধরিল। অভয় তাহার পানে তন্ময় হইয়া চাহিয়া রহিল। মাতার অভাব বকুলকে দিয়া পূরণ করা হইল। প্রথম প্রথম বকুলকে অবজ্ঞাই বেগ পাইতে হইয়াছিল; কিন্তু অচিরেই সে অভ্যস্ত হইয়া গেল। সংসারের হিসাবপত্র হইতে আরম্ভ করিয়া রাত্রি পর্যন্ত তাহাকে নিজ হস্তে করিতে হইত।

কালক্রমে বকুল স্বামীর বিরাট বহুবিস্তৃত সংসারের সহিত এমনভাবে জড়িত হইয়া গেল যে তাহার অভাব একদিনও সহ্য করা যাইত না। বাপের বাড়ী যাইবার ফুরসত সে পাইত না। ভোর হইতে উঠিয়া গভীর রাত্রি পর্যন্ত কৰ্মে তাহার বিশ্রাম ছিল না। কলের পুতুলের দ্বায় সে অক্লান্ত কৰ্ম করিয়া যাইত। একবেলা তাহার অস্বর্থ করিলে সংসার অচলপ্রায় হইয়া যাইত। ছেলেমেয়েদের পেট ভরিয়া খাওয়া হইত না। অতিথি-অভ্যাগত ফিরিয়া যাইত। ঋণগ্রস্ত এমনই অধঃস্থ হইত যে কাহারও মুখে তুলিবার ক্ৰটি হইত না। পাশের বাড়ীর চাপা একদা মধ্যাহ্নে বেড়াইতে আসিয়াছিল। সে বকুলকে দেখিয়া বলিল, দিদির চেহারা কি বিকৃত হয়ে গেল!

বকুল কহিল, হবে না ভাই ? যা খাটুনি ।

চাপা কহিল, খাটুনি একটু কম করতে পার !

বকুল ঘুড় হাসিল, তাহার মুখে প্রশান্তির ছায়াপাত হইল । সে বলিল, খাটুনি কম করব, কি করে ভাই । নিজের সংসার, পর তো আর কেউ নয় । একটুকু-বিশ্রামের ক্ষরসত নেই । আজ যদি যম আমায় নিতে আসে তাহলে তাকে বলব, একটু বোস, আমার এখনও অনেক কাজ বাকি ।

চাপা কহিল, বালাই বাট, শুকি অলক্ষুণে কথা ভাই !

বকুল কহিল, আমার আবার লক্ষ লক্ষ ! আমি যমের অরুচি ।

এহেন বকুলকে পাইয়া অভয়ের বিপর্যস্ত সংসারের মধ্যে বেশ একটা স্মৃষ্ণা দেখা দিয়াছিল । শুধু তাহাই নহে, অভয় বকুলকে নিঃশেষে চুপিচুপি নাকি ভালবাসিয়াও ফেলিয়াছিল । কেন না, যে অভয় বকুলের কেলিয়া একদণ্ড কাটাইতে পারিত না, সেই কিনা বিবাহের পর সম্পূর্ণ বিপরীত প্রকৃতির হইয়া গেল । গৃহকেই সে যথাসর্ব্ব জ্ঞানিয়া ফেলিল । বকুলা বিদ্রূপ করিতে কসুর করে নাই । বলিল, বৌদি তোকে এমন করে তুক করে ফেলবে জানলে কখনও বিয়ে করতে দিতুম না ।

কেহ বলিল, বৌদির দেওয়া খাবার-টাবার দেখে খাস বাবা ।

কেহ বলিল, কামরূপ-কামিণীর ভেড়া হয়ে বাস নে যেন ।

অভয় কেবল হাসিতে লাগিল । কাহারও কথায় সে জবাব দিল না ।

এমনি করিয়া অভয়ের দিন কাটিতে লাগিল । বকুলা ধীরে ধীরে তাহার নিকট হইতে সরিয়া সরিয়া যাইতে লাগিল । ধীরে ধীরে তাহাকে সকলে বিস্মৃত হইল । আপিসের ছুটি হইলে সন্ধ্যায়, বা রবিবারে, কেহ তাহার বাড়ী-আর তাশপাশা খেলিতে আসিত না । তাহার বহুদিনের বৈঠকখানা অনাদৃত হইয়া পড়িয়া রহিল । সন্ধ্যায় আলো জ্বলিল না, বৈকালে বাঁট পড়িল না, অভয় হাঁফ ছাড়িয়া বাঁচিল । বকুল একদিন জিজ্ঞাসা করিল, ওবা, আর তাস খেলতে আসে না কেন ?*

অভয় মুক্তির হাসি হাসিতে হাসিতে বলিল, অমন বিলাসিতা করবার সঙ্গতি আমার নেই ।

বকুল কহিল, এতদিনের অভ্যাস !

—অভ্যাস বলে তো সব-কিছু করা যায় না । পয়সা চাই—চকচকে পয়সা । তাস চাই, আলো চাই, চা চাই, বিজুট চাই । পয়সা দিয়ে তো অমন বকুল কিনতে পারি না বকুল । পয়সা কোথেকে আসে সে কথা কি কোনদিন চিন্তা করেছ একবার ।

* কথা শেষে অভয় হা 'হা' করিয়া তাহার স্বভাবসুলভ ভঙ্গিতে হাসিতে লাগিল । বকুল বলিল, আমার বিয়ের পর তার এমনি করে যবনিকাপাত করলে আমার লোকে দুঃখবে, এটা জান তো ?

—অর্থাৎ ?

—অর্থাৎ, লোকে মনে করবে তাদের এ আনন্দ কত হয়েছে আমারই বড়বড়ের ।

অভয় আবার সেইরূপ সারা ঘরটি কাঁপাইয়া হাসিতে লাগিল। তার পর বলিল, ওঃ! ছববে তো তোমার? তা যত খুলি দোষ দিক। তুমি তো আর শুনতে যাচ্ছ না। তাতে আর কোন ক্ষতি নেই।

দুই মাস অভয়ের সহিত ঘর করিয়া বকুল বেশ বুকিয়াছিল যে তাহার স্বামীর হাতটানটা বেশই আছে। হাতের আঙুল নাকি তাহার ফাঁক হয় না! বিবাহের পর এই সুযোগে সে বন্ধু-বান্ধবকে ফাঁকি দিয়া বসিল। সাবান স্নো কিনিয়া দিতে বলিলে সে হাসিয়া উড়াইয়া দিত, সেকালের দোহাই পাড়িয়া স্ত্রীকে আধুনিকতার বিশেষণে জর্জরিত করিতে কুণ্ঠিত হইত না। সেই হারানো যুগের সোনার দিনের বর্ষে নিজেকে আবৃত করিয়া সে আত্মরক্ষা করিত। বকুলের মুখে আর কোন কথা সন্নিহিত না। আর তাহার বলিবারই বা কি থাকিত? তখন তাহার সবে-মাত্র বিবাহ হইয়াছে।

বীরে বীরে দীর্ঘ তিনটি বৎসর কোন ফাঁকে কাটিয়া গিয়াছে তাহার হিসাব নাই। অকস্মাৎ একদিন বকুলের সামান্য অসুখের সামান্যভাবেই স্তূত্রপাত হইল। বুধবার রাত্রি দুইটায় সে অভয়কে সহসা ডাকিতে লাগিল। অভয় জিজ্ঞাসা করিল, ব্যাপার কি?

বকুল বলিল, আমার বড় শীত করছে। উঃ হঃ হঃ! জানলা দরজা সব বন্ধ করে দাও। আমার ঘাড়ের ওপর লেপ দাও, গায়ের কাপড় দাও, তোশক দাও, গদি দাও, যা কিছু আছে সব দাও।

অভয় লেপ দিল, গায়ের কাপড় দিল। বকুলের শীত তবুও তিলান্না কমিল না। সে হি-হি করিয়া কাঁপিতে লাগিল, চীৎকার করিতে লাগিল—আরও দাও, আরও দাও।

দিবার আর কিছুই অবশিষ্ট রহিল না, তথাপি বকুল কাঁপিতে লাগিল। অভয় তার কপালে হাত দিয়া দেখিল গা যেন পুড়িয়া যাইতেছে। স্ত্রীর অবস্থা দেখিয়া সে মাথায় হাত দিয়া বসিল। এখন এই গভীর রাত্রে সে কি করিবে, করিবার তাহার কিই বা আছে? সে কি ডাক্তার ডাকিবে? ডাক্তারের কথা শ্রবণ হইলে তাহার মনে শিহরণ জাগিল। ডাক্তার কবিরাজ ডাকা তো বিলাসিতার নামান্তর। আর রাত্রে নাকি ডাক্তারের ডবল ডিজিট। না, এ সামান্য জ্বরে মাহুঘের কোন ক্ষতি হয় না। একবার ভাবিল মাথায় আইসব্যাগ দিবে বা কপালে জলপটি দিবে। কিন্তু ক্রোধায় আইসব্যাগ, কোথায় ওডিকোলন! এদিকে বকুল চীৎকার করিতে লাগিল—আমার মাথা জলে গেল, পুড়ে গেল।

অভয় বলিল, বেশ তো ভালমাহুঘ খাওয়া-দাওয়া করে শুলে। হঠাৎ এমন কিই বা অসুখ করল বল দিকি? এ নিশ্চয়ই ম্যালেরিয়া। আমি হলক করে বলতে পারি এ ম্যালেরিয়া ছাড়া আর কিছু নয়।

বকুল তখন গান জুড়িয়া দিয়াছে, অনর্গল এলোমেলো বকিয়া চলিয়াছে, সজনি, কি পুছদি... ঐ যমুনারি কুলে... শ্রাম কালো, তার কালো মাথার চূড়া, তার মোহন বাঁশি...

অভয় বিপদ গণিল। সারারাত্রি স্ত্রীর মাথায় পাখার বাতাস করিতে লাগিল। নিজের

শরীরের উপর দিয়া যাহা কিছু করা যায় তাহা সে করিতে প্রস্তুত। শুধু এই রাজ্যে অথবা সে ধামোকা পয়সা খরচ করিতে পারিবে না। পয়সা তাহার বুকের বস্ত্রশাখানা হাড়ের সামিল। বকুল সারারাত্রি হাসিয়া-কাঁদিয়া-গাছিয়া চীৎকার করিয়া কাটাইয়া দিল। জর, কমিল না। ভোর হইলে বাড়ীর অন্তান্ত লোকজন আসিয়া হাজির হইল। যথাসময়ে পাড়ার একজন ডাক্তার ডাকিয়া আনা হইল। ডাক্তার অনেকক্ষণ পরীক্ষা করিয়া ভাবিয়া চিন্তিয়া বলিল, টাইফয়েড। রোগ বড় শক্ত হয়ে দাঁড়িয়েছে। এখন রীতিমত চিকিৎসার প্রয়োজন।

অভয় প্রমাদ গণিল। বিপদ কি মানুষের এমনি করিয়াই হয়? তাহার বড় ইচ্ছা হইল সে ডাক ছাড়িয়া চীৎকার করিয়া কাঁদে। কিন্তু সে কাঁদিল না, বরং স্থির চিকিৎসার স্তম্ভ জলের মত না বলিয়া না কহিয়া দশটি টাকা খরচ করিয়া বলিল। হিসাবের খাতায় খরচের অঙ্কটা হয়তো আরও বড় হইবে; কিন্তু স্ত্রী তাহার ভাগ্যবতী, স্বামী-সোহাগিনী, 'পতি পরম গুরু'কে অথবা ব্যয়ের হাত হইতে নিষ্কৃতি দিল। পরের দিনই সে ইহজগতের মায়া কাটাইয়া গোলোক-ধামে চলিয়া গেল, কেহ তাহাকে বাধা দিতে পারিল না।

অভয় পত্নীশোকে ধূলিতলে আছড়াইয়া পড়িল। সে আত্মবঞ্চে বিনাইয়া বিনাইয়া রমণীর স্মারক দিতে লাগিল। তাহার অত সাধের তাসের ঘর মরণের তীব্র আঘাতে ভাঙিয়া চুরিয়া লণ্ডভণ্ড হইয়া গেল। সে প্রতিরোধ করিতে পারিল না, কেবল তীব্র স্নেহ শোক-প্রকাশ করিয়া চলিল। সেইসব পুরনো দিনের হারানো বন্ধুরা আজ বিপদ দেখিয়া আসিয়া ছুটিল। সেই হাবু, পটল, রমেন, ভূপেশ, বিপিন—সকলেই একে একে দেখা দিল। দীর্ঘ তিন বৎসর যাহারা অভয়ের ছায়া পর্যন্ত মাড়াইত না, সকলে যাহার মুখ দেখিলে অযাচাে বলিয়া ঘোষণা করিত, অথবা হাঁড়ি কাটিবার আশঙ্কায় সারাদিন সচকিত থাকিত, আজ সেই অভয়ের বিপদে আর তাহারা, বেচারার হাত দিয়া জল গলে না বলিয়া, দূরে সরিয়া রহিল না। অভয় তাহাদের দেখিয়া যেন হাতে স্বর্গ পাইল। তাহারা অভয়ের কায়া দেখিয়া নিজেরাই কাঁদিয়া ফেলিল। তাহারা জানে অভয় তাহার স্ত্রীকে কি দারুণ ভালবাসে, স্ত্রীর অভাবে তাহার জীবন কিরূপ বিষময় হইয়া যাইবে। অগত্যা তাহারা তাহাকে সাহসনা দিতে লাগিল।

সন্ধ্যায় শবদাহ শেষ করিয়া সকলে গৃহে ফিরিল।

সত্যই নাকি অভয় তাহার স্ত্রীকে নিবিড়ভাবে ভালবাসিত। সে ভালবাসায় নাকি এতটুকু গম্ভীর ছিল না। উঠিতে বসিতে সব সময়ে সে 'বকুল' 'বকুল' বলিয়া অস্থির হইত। বকুল হাসিয়া বলিত, আমি মলে তুমি কি করবে বল ত?

—শুভ্র তাজমহল।

বকুল হাসিমুখেই বলিত, ওগো, তোমার ছুটি পায়ে পড়ি তুমি অত খরচ করো না।

অভয় কহিত, পয়সা-কড়ি তো সবই তোমার। তোমার পয়সা, তোমার জন্তে খরচ করব,

তাতে পায়ে পড়ে বাহাদুরি কেনবার কি এমন আছে।

—বেশ, মানলুম সমস্ত পরলাকড়ি আমার, আমার কলকাতা শহরে চোদ্দখানা বাড়ী, তার মাসিক আট শ টাকা ভাড়া। এখন আপাতত দয়া করে আমার ক্ষেত্রে একখানা লালাবাই সাবান এনে দাও দিকি।

অভয় তাহার স্ত্রীকে প্রবোধ দিল, পাগল নাকি। ফেনা করে সাড়ে চার আনা পরমা জলে দেবে? না, ও বিলাসিতা আমাদের এখানে চলবে না।

সেই স্ত্রীর মৃত্যুশোকে মুহম্মান হইয়া অভয় ছয় দিন ছয় রাত্রি আহার নিদ্রা ত্যাগ করিল। বকুরা সকলে বিপদ গণিল। এই নিদারুণ শোকাবেগের হাত হইতে কি করিয়া তাহাকে রক্ষা করিবে। সকলে সাধনা দিবার চেষ্টা করিল, প্রিয়জনের মৃত্যুজনিত বিরহে কাতর মানুষটিকে সেই বহুশত দার্শনিক মতবাদ দিয়া বুঝাইবার হাতকর প্রচেষ্টা। সেই—মাহুষ মরণশীল, মৃতব্যক্তির ক্ষুদ্র শোকপ্রকাশ করা নাকি দুর্জলতার লক্ষণ, রাজর্ষি জনকের নির্লিপ্ততার দৃষ্টান্ত, সরিষা আনিবার ক্ষুদ্র বৃক্ষের উপদেশ, যুধিষ্ঠিরের প্রতি ধর্মরাজ বকের প্রশ্ন—ইত্যাদি ইত্যাদি নানাবিধ কথার তাহাকে ভুলাইতে চেষ্টা করিল। অভয় তবুও প্রথমটা ভোলে নাই।

ছয় দিন ছয় রাত্রির পর আজ সব সে পত্নীশোক কিঞ্চিৎ বিশ্বৃত হইয়া সামান্ত ঘুমাইয়াছে এহেন সময়ে সেই বিকট শব্দ হইল। অভয় একদৃষ্টে বকুলের শূন্য শয্যার পানে চাহিয়া রহিল। বুকখানার ভিতর হু হু করিয়া উঠিল। ডাকাত নয়, তবে চোব হইলে হইতে পারে।

কিন্তু চোর বলিয়াও তো বোধ হইতেছে না।

তবে এ কিসের শব্দ? অভয় দরজার একটি গর্ত দিয়া দেখিল ফুটফুটে জ্যোৎস্না, আকাশের মাঝে উজ্জল চাঁদ সাদা, দীপ্তিময়ী তারকারাশি। অভয় বিছানায় আসিয়া রূপ করিয়া বসিয়া পড়িল।

কিসের এ শব্দ?

আচমকা মনে পড়িল হয়তো তাহার মৃত স্ত্রীর কীর্তি, হয়তো বেচারী এ জগতের মায়া-পাশ ছিন্ন করিয়াও স্বামীকে ভুলিতে পারে নাই। তাই কি নিঃশব্দ রাত্রে স্বামীর সহিত দেখা করিতে আসিয়াছে? তৎক্ষণাৎ ভয়ে তাহার গা জোল হইয়া শিহরিয়া উঠিল। না, স্ত্রীর এই উৎকট ভালবাসা সে কিছুতেই গ্রহণ করিতে পারিবে না। ক্রমে ক্রমে তাহার সমস্ত চেতনা লোপ পাইতে লাগিল। বকুলের শূন্য শয্যার পানে চাহিবার সাহস আর তাহার রহিল না। সমস্ত শোক-দুঃখ-বেদনা ভয়ে ও ভাবনার রূপান্তরিত হইল। সে কিংকর্তব্যবিমূঢ় হইয়া শয্যার উপর অবশ ভাবে বসিয়া রহিল। কি সে করিবে? চিন্তার করিবে, না জ্ঞান হারাইয়া ফেলিবে? ভাবিয়া সে কুল-কিনারা পাইল না। সে ছেলেবেলায় কত ভৌতিক কাহিনী পড়িয়াছে, আজ কেমন যেন সেহ সব নানা ভৌতিক ব্যাপার জীবন্ত হইয়া উঠিল। সে বন্ধ জানালা-দরজার পানে সচকিত চিন্তে একদৃষ্টে চাহিয়া রহিল। কে জানে কোন্ মুহূর্তে দম্কা বাতাসে জানালা-দরজাগুলি হুড়মুড় করিয়া খুলিয়া যায়।

অকস্মাৎ আবার সেই পূর্বের স্তার ঘরে শব্দ হইল। বাহির হইতে মাস্তবে যেন ঘর চেলিতেছে। অভয় ছুটিয়া দরপ্রান্তে গিয়া সেই ফুটা দিয়া বাহিরে তাকাইল। কিন্তু আশ্চর্য, স্থল দৃষ্টিতে দেখিল একটি দৃষ্টপুষ্টি ভিটামিনের মাপকাঠির চিহ্নরূপ পাল্লাবী ইঁদুর হনহন করিয়া তাহার কক্ষঘরে মাথা খুঁড়িয়া পলাইয়া গেল।

বিপুল বিশ্বরে অভয়ের মুখে কোন কথা সরিল না, কেবল তৃপ্তি ও প্রশান্তির হাসি খেলিয়া গেল। যাহা হউক, যদি ডাকাতই পড়িত বা চোরই আসিত! কতদিন হইতে সে ভাবিয়াছে গহনাপত্র পরসা-কড়ি অন্তত সাবধানে রাখিয়া দিবে, কিন্তু ফুরসত পায় নাই। তাই আজ গুপ্তস্থান হইতে চাষি বাহির করিয়া সিন্দুক খুলিয়া দেখিবে তাহার সবকিছু গজুত আছে কিনা। ধীরে ধীরে সে সিন্দুক খুলিয়া বন্দ মলাইয়া তাহার সম্পত্তি দেখিতে লাগিল। বন্দ মলাইতে মলাইতে তাহার তৃষ্ণা পাইয়া গেল। ভাবিল বকুলকে জল আনিতে বলে, হয়তো বলিতও তাহাকে, যদি-না গুরুগাণ মনে পড়িত তাহার মৃত্যুর কথা। না, একটা চাকর ও একটা ঝি নু রাখিলে চলিবে না। বকুল আসিয়া পর্যন্ত সে উহাদের বিদায় করিয়াছিল; কিন্তু আজ তো তাহাদের না হইলে অভয়ের আদৌ চলে না। কম করিয়াও খাওয়া-পরা বাদে তাহাদের ক্ষুদ্র অভয়কে মাসে অন্তত দশটা টাকা ব্যয় করিতে হইবে, বৎসর শেষে এই দশটি টাকা আবার এক শ হুডি টাকায় পরিণত হইবে! বাৎসরিক মোটা অঙ্কটা দেখিয়া সে শিহরিয়া উঠিল।

যথাসময়ে রাজি দুইটা বাজিল। অভয় তখন বাস হাতভাইতেছে। তাহার চুল উন্মোখ-মোখ হইয়া গিয়াছে, চক্ষু যেন ঠিকরাইয়া পড়িবার উপক্রম হইয়াছে, ঘন ঘন অশ্রুতির নিশাস পড়িতেছে। গভীর রাত্রেই সে স্ত্রীর শূন্ত শয্যায় আসিয়া আছড়াইয়া পড়িল। আবার সে বিনাইয়া বিনাইয়া চাপা-কণ্ঠে কাদিতে লাগিল। দেওয়ালে টাঙানো স্ত্রীর ফটোখানার দিকে একদৃষ্টিতে চাহিয়া রহিল। ফটো দেখিয়া বকুলকে চেনা মুশকিল। কোন মাকাতার আমলে ঐখানি তোলা হইয়াছিল। তার পর ফটো তুলিবার প্রয়োজন বা সদিচ্ছা আর তাহার হয় নাই।

দুইটা তিনটা করিয়া রাজি ধীরে ধীরে কাটিয়া যাইতে লাগিল। অভয়ের চোখে তখনও ঘুম নাই। তখনও সে তাহার দীর্ঘ চুলের মধ্যে অনুলিচালনা করিয়া কি যেন আকাশ-পাতাল ভাবিতে লাগিল। হয়তো সে পত্নীশোকে বিবশ হইয়া গিয়াছে। শয্যা হইতে উঠিয়া অভয় বস্ত্র পরাচারী করিতে লাগিল। খোলা জানালা দিয়া বাহিরে আকাশের পানে অনিমেষে চাহিয়া রহিল। ঠাণ্ড অনেকটা হেলিয়া পড়িয়াছে, তারায় তারায় সারা আকাশ ছাইয়া গিয়াছে। তাহার বুকুর, ভিতর সহসা হ হ করিয়া উঠিল। কবেক বিনু অশ্রু তাহার গণ্ড বাহিয়া ঝরিয়া পড়িল। কিছুতেই সে ঘুমাইতে পারিল না। ঘুম ঘুরের কথা, সে তাহার বিছানার শুইতেই পারিল না। শয্যা তাহাকে কীটার স্তার বিঁধিতে লাগিল।

একবার ভাবিল যে লোটাকল লইয়া যেখানে ছুচোখ বার সেখানে চলিয়া যাইবে ? আর সে সংসার করিতে পারে না। সে হয়তো পাগল হইয়া যাইবে। পাগল হইবার তাহার বাকিই বা কি আছে। "বিপদ যখন আসে তখন সে তো আর একা একা চুপি চুপি আসে না। এমন করিয়া অঘটন ঘটিলে সে কি করিয়া বাচিবে ?

আজ সে যে-শোক পাইয়াছে তাহার কাছে তাহার মৃত্যুজনিত শোক সম্পূর্ণ তুচ্ছ। স্ত্রীর শোক সে ভুলিতে পারে ; কিন্তু এ শোক তো সে কখনও কোন কালে ভুলিতে পারিবে না। গত ছয় দিন ছয় রাত্রি এই দারুণ উদ্বেগে কাটিয়াছে, যতটা স্ত্রীর বিরহে না হউক, তাহার বেশি ওই বৎসরে এক শ কুড়ি টাকা খরচের ভয়ে। সেই ভয়েই তাহার ছয় দিন-ছয় রাত্রি ঘুম হয় নাই। বকুল ছিল সংসারে নিতান্ত প্রয়োজনীয়। তাহার মৃত্যুতে সংসার একেবারে বিপর্যস্ত হইয়া গিয়াছে ; কি দিয়া অভয় সে সংসারকে স্তম্ভঙ্কলার মধ্যে আনিবে ? ভাবিয়া ভাবিয়া অভয় আজ ছয় দিন ধরিয়া হৃদিস পায় নাই। স্ত্রী মাহুষের মরে, অভয়ের তাহাতে তত দুঃখ নাই। কিন্তু ঐ যে কথা আছে, ভাগ্যবানের বউ মরে, অভাগার ঘোড়া মরে—তবে স্ত্রীর মৃত্যুর পর অভয় ভাগ্যবান হইল কই ?

স্ত্রীর মৃত্যুতে তাহার আদৌ দুঃখ নাই। সে তাহার স্ত্রীর গহনার বাস্কাটি আবার ফর্দ মিলাইয়া দেখিল। না, সে জিনিষটি নাই। অভয়ের চোখ দিয়া হ হ করিয়া জল পড়িতে লাগিল। মাহুষ মাহুষকে কি এমন করিয়াই ফাঁকি দেয় ? লোকসানের পর এমন করিয়া লোকসান হইলে সে কি করিয়া সহ্য করিবে ? না, এই লোকসান সহিয়া সে কখনও সংসারের মধ্যে পড়িয়া থাকিবে না। গহনার বাস্কাটির পানে সে শ্বেনদৃষ্টিতে চাহিয়া রহিল। স্ত্রীর ব্যবহৃত গহনার সব কিছুই আছে, সব কিছুই সে নিপুণ হস্তে মৃত বকুলের গা হইতে খুলিয়া লইয়াছে। কান্ধী হইতে তাহার ছোট বোন সেই যে কারুকার্যখচিত কাচের চুড়ি চারগাছি পাঠাইয়াছিল, সেগুলিও সে সমস্তে তুলিয়া রাখিয়াছে। সব তুলিয়াছে, কিন্তু তুল করিয়াছে বকুলের কানের ফুল দুটি খুলিতে ! এক আনা সোনা দিয়া সে-দুটি সে গড়াইয়াছিল। চুলের আড়ালে আত্মগোপন করিয়া সে-দুটি শবদেহের সহিত গিয়া চিতায় ভস্মীভূত হইয়াছে।

সেই কারণে অভয়ের আজ সারারাত্রি ঘুম হইল না। স্ত্রীর মৃত্যু সে সহ্য করিতে পারে ; কিন্তু এই লোকসানের আঘাত সে ভুলিবে কেমন করিয়া ? যতবার সে ঘুমাইতে যায়, তত-বারই ঐ ফুল দুটির হিংস্র উজ্জলতা যেন ধক ধক করিয়া জলিয়া ওঠে মাথায়। আর অভয় কিছুতেই ঘুমাইতে পারে না।

সারারাত্রি সে জাগিয়া বসিয়া রহিল, সারারাত্রি সে কাঁদিয়া কাঁদিয়া আকুল হইল। স্ত্রীর মৃত্যুতে কেন সে ভাগ্যবান হইল না ?

অসমাপ্ত

কোরগরে সাহিত্য-সভা করিতে গিয়াছিলাম।

আমিই সভাপতি। টানা মোটরে কলিকাতা হইতে আমায় লইয়া যাওয়া হইয়াছে। সভাস্থলে পৌঁছিয়া বেজায় খাতির, কলিকাতা হইতে সমাগত আরও কয়েকজন সাহিত্যিক বন্ধুর সহিত পুষ্পমালাশোভিত আমারও ফটো নেওয়া হইল স্থানীয় উৎসাহী সাহিত্যবাতিকগ্ৰস্ত তরুণদের দ্বারা।

—এইবার আসুন, একটু জলযোগ—

—সভা কখন? সময় হল তো—

—সভার আগে সামান্য একটু চা—

বন্ধুদের দিকে ফিরিয়া বলিলাম—চল হে তবে। ঠুঁরা যখন নিতান্তই ছাড়বেন না—

—আসুন এদিকে—ইনিই অভ্যর্থনা সমিতির সভাপতি রামকিঙ্কর চট্টোপাধ্যায়, রায় বাহাদুর, এখানকার জমিদার—

—ও! নমস্কার! হেঁ—হেঁ—

একগাল হাসিয়া রায় বাহাদুর প্রতিনিয়ম্ভার করিলেন।

—গরিবের বাড়ীতে—সামান্য একটু—হেঁ হেঁ—। আপনার নাম অনেকদিন থেকে শোনা ছিল। আজ বড় সৌভাগ্য আপনার সঙ্গে দেখা হল। আপনার শাপমোচন পড়ে আমাদের বাড়ীর এরা কেঁদে বাঁচে না। আমি এখনও পড়ি নি। সময় পাই নে, মিউনিসিপ্যালিটির কাজ বড় বেশি—যদিও রিটার্নার করেছে, তবুও কাঙ্ক্ষের অন্ত নেই।—ঠুঁরই নাম বিনয়বাবু? আসুন আসুন, আপনার বইও—মানে, পড়ি নি—তবে নাম কে না শুনেছে আপনারা বাংলার দেশে, বলুন!

আমরা সবাই খ্যাতির গর্বে স্কীত হইয়া উঠি।

প্রকাণ্ড ঘর। মাঝখান জুড়িয়া লম্বালম্বি একখানা বড় টেবিল সাদা কাপড় দিয়া ঢাকা—চার পাচটা ফুলদানিতে ফুল লাজানো। বড় বড় চীনাঘাটির প্লেটে সিঁড়ি, কচুরি, নির্মক ও রসগোল্লা। কাচের গ্লাস সারি সারি ও কাচের জগে জল। চায়ের সরঞ্জাম।

—আসুন, বসুন—এই যে, আপনি এইদিকে—বিনয়বাবু এখানে। ওরে ফল কই? এখনও কাটা হয় নি? কখন আর কাটবি? নিয়ে আর!...ওহে সুশীল, তোমরাও বসে পড়, দাঁড়িয়ে রইলে কেন সব? কেনারাম কোথায় গেল? ডেকে নিয়ে এস। বাঃ, চা খেয়ে নাও সকলে একসঙ্গে—না না, দেওয়ার লোকের অভাব হবে না।

—ওই ছবিখানা কার? বেশ সুন্দর চেহারা—

—আজ্ঞে, আমার স্ত্রী পিতৃদেবের! ফ্রেঞ্চ গভর্নমেন্টের দেওয়ান ছিলেন—একবারে ডান হাত বা বাঁ হাত। আর ওই বাঁ পাশে আমার পিতামহ। আমাদের আদি বাড়ী শশধরপুর, নিমুন্ডের কাছে। আমার ঠাকুরদাদার বাবার নামে গ্রামের নাম—নিমকির দারোগা ছিলেন

সেখানে। ওই অঞ্চলে জমিদারী কেনেন—ওরে সিঙাড়া আরও নিয়ে আর—যান যান—
গরম সিঙাড়া—সব বাড়ীতে তৈরি—দোকানের জিনিস মশাই এ বাড়ীতে ঢোকে না। আমার
বড়বৌমার হাতে ভাজা সব। বড় ছেলে? সে এখানে নেই—কাস্টম্—এ কাজ করে—এবার
আড়াই-শ-হল—বিয়ে দিয়েছি আজ পাঁচ বছর—তার পশুরও জমিদার—রায় সাহেব হরিনাথ
বাড়ুজো, হালিসহরের—নাম শুনেছেন বোধ হয়? চা দিয়ে যা এবার—

একটি বার-তের বছরের সুখী বালিকা পান লইয়া আসিয়া সলজ্জ সঙ্কোচে দরজার নিকট
দাঁড়াইল।

—কি ওতে রে খুকি? পান? রাখ এখানে রাখ—এইটি আমার ছোট মেয়ে মিনতি।
লজ্জা কি এঁদের কাছে। বেশ গান গায়, আজ সভাতে গাইবে এখন। আবৃত্তিতে আর বছর
মেডেল পেয়েছিল—জলধর সেন শুনে কঁদে কেঁদে কেললেন একেবারে—

কর্তব্য ও শোভনতার খাতিরে খুকিটিকে কাছে ডাকিয়া দু-একটি মামুলি ছৈদো কথা
জিজ্ঞাসা করি, তাহার আবৃত্তি পুনরায় আমাদের কাছে করিবার জন্য জিন ধরি, এবং পরক্ষণেই
জিজ্ঞাসা করি—তাঁহলে ওঠা যাক সব—কি বলেন? সভার টাইম তো হল—

—ওরে কানাই, গাড়ীখানা আনতে বল চট করে, গেটের কাছে নিয়ে আসুক—

—না না, গাড়ী কি হবে। দরকার নেই রায় বাহাদুর। হেঁটেই এটুকু—

—বিলম্ব! ক্লাব ঘর এখান থেকে দশ মিনিটের রাস্তা। হেঁটে যাবেন কেন, গাড়ী
যখন রয়েছে—নিয়ে আয় রে—বলে দিলি না গাড়ীর কথা?

সদলসলে গাড়ীতে উঠিতে যাইতেছি এমন সময় একটি আট ন বছরের বালক পিছন হইতে
আমায় ডাকিয়া বলিল—মা আপনাকে ডাকছে—

প্রায় চমকিয়া উঠিয়াছিলাম আর কি। বিস্ময় ও অবিখাসের দৃষ্টিতে ছেলেটির দিকে
চাহিয়া বলিলাম—কাকে? কে ডাকছেন বললে শোকা?

বালকটি দৃঢ়কণ্ঠে বলিল—আপনাকে মা ডাকছেন।

উপস্থিত ব্যক্তিবর্গের মধ্যে সকলেই বিস্মিত হইয়া উঠিয়াছিলেন, কারণ আমি এ স্থানে পূর্বে
কখনও আসি নাই, বালকটি আমায় কখনও দেখে নাই ইহা নিশ্চিত। একজন জিজ্ঞাসা
করিলেন—তোমাদের বাড়ী কোথায় শোকা?

আর একজন বলিলেন—দ্বারে ও তো আমাদের হরিজীবনের ছেলে। তুমি
হরিজীবনের ছেলে না? হ্যাঁ। ওই দোতলা বাড়ী। এঁকে ডাকছেন তোমার মা? এই
বাবুকে?

বালক চারিদিক হইতে জেবায় একটু দমিয়া গিয়া সঙ্কোচের সুরে বলিল—এই বাবুকেই তো
মা বললেন ডাকতে। মা বললেন—যিনি চাকর গারে গাড়ীতে উঠছেন—

—যান মশায়, দেখে আসুন। ওর বাবার নাম হরিজীবন মুখোজো, রেলো কাজ করে,
আমাদের এখানে বাস। চিনতে পেরেছেন? হরিজীবন এখন বাড়ী নেই, বোধ হয় ডিউটিতে

গিয়েছে। তোমার বাবা বাড়ী আছেন খোকা ?

বুঝিতে পারিলাম না কে হরিজীবন। কিন্তু এই বালকটির মুখের আনন্দ আমার অত্যন্ত পরিচিত মনে হইল, যেন পূর্বে এ ধরনের মুখ কোথায় দেখিয়াছি।

বাড়ীর দরজার পা দিতেই দরজার আড়াল হইতে যে হাসিমুখে বাহির হইয়া আসিল, তাহাকে দেখিয়াই চমকাইয়া উঠিলাম। ইহাকে তো চিনি। অনেক দিন আগে ইহার সহিত খুব আনাশোনা ছিল। কিন্তু নাম কিছুতেই মনে আনিতে পারিলাম না। মেয়েটি আমার পারের ধূল লইয়া প্রশংসা করিয়া বলিল—কি যতীনদা, চিনতে পারেন ? কে বলুন তো ?

—এস এস—খাঁকু। কল্যাণ হোক। ভাল আছ বেশ ? সঙ্গে সঙ্গে আমি প্রাণপণে মেয়েটির নাম মনে আনিবার চেষ্টা করিলাম। আমার মনে পড়িল ইহার সঙ্গে আলাপ হইবার একমাত্র সম্ভবপন স্থান হইতেছে কৃষ্ণনগর, যেখানে থাকিয়া কলেজে পড়িয়াছিলাম—অন্ত বোঝাও মেয়েদের সঙ্গে আমার আলাপ হয় নাই। কিন্তু ষোল-সতের বৎসর পূর্বেই সেই দিনগুলিতে, ভাবিয়া দেখিলাম অনেকগুলি মেয়ের সঙ্গে আলাপ হইয়াছিল শুধু এট কারণে যে, আমি যে বাড়ীতে থাকিতাম সে বাড়ীতে সঙ্গীতচর্চা উপলক্ষে পাদার অনেক মেয়ে জড় হইত। তাছাড়া কবিতা আবৃত্তির প্রতিযোগিতা, ছোট ছোট মেয়েদের শিষ্যেটার প্রভৃতি সম্পর্কে মেয়েদের সাহায্য কবিত্তে অনেকবার অল্পবয়স্ক হইতাম—সে উপলক্ষেও অনেক মেয়ের সংস্পর্শে আসিয়াছিলাম। সেখানেই যদি ইহাও সহিত দেখাশুনা হইয়া থাকে তবে নাম মনে আনিবার চেষ্টা বুধা। কারণ their name is Legion.

—বলুন যতীনদা।

—ইয়ে—গিরে, বসব বটে, কিন্তু ঘুরে আসি, সভা রয়েছে কিনা ? সভার টাইম প্রায় হয়ে গেল।

মেয়েটি হাসিয়া বলিল—উঃ, আপনি আবার সাহিত্যিক হয়েছেন, সভার সভাপতিত্ব করবেন, এসব ভাবলে আমার হাসি পায়। উঃ কি বখাটেই ছিলেন !

চুপ করিয়া রহিলাম—যদিও ঠিক বুঝিলাম না আমার মধ্যে বখাটেগিরির কি দেখিয়াছিল এ। এবং আমার তো মনে হয় না আমি সত্যিকারের বখাটে যাহাকে বলে, তাহা ছিলাম কোনদিন। কিন্তু তাহা লইয়া তর্ক তুলিবার ইচ্ছা সময় নয়।

মেয়েটি আবার বলিল—কতদিন ভেবেছি আপনি কোথায় চলে গেলেন, আপনার সঙ্গে হয়তো আর দেখা হবে না ! কিন্তু ভগবান দেখা করিয়ে দেন এমন করে।

আমি এবার ইহাকে অনেকখানি মনে আনিতে পারিয়াছি।

জিজ্ঞাসা করিয়াই কেলিলাম—তোমার নাম শান্তি না ?

মেয়েটি খিল খিল করিয়া হাসিয়া উঠিল।

—কেন, সে সম্বন্ধে সন্দেহ আছে নাকি ?

বলিতে পারিলাম না যে, সম্বন্ধে তো দুইর কথা, নামটাই মনে ছিল না একজন। কিন্তু এবার ইহাকে বুঝিয়া কেলিয়াছি। আজ পনের-ষোল বছর আগে ইহার সঙ্গে আলাপ হইয়া-

ছিল—তার পর আর কখনও দেখি নাই বটে, কিন্তু এখন মনে হইতেছে অতগুলি মেয়ের মধ্যে এই মেয়েটির ব্যবহার ছিল সর্বাপেক্ষা আন্তরিক ও সরল, ওখনকার মনোভাবে আমি ইহাকে সেইজন্তে আমল দিই নাই—গায়েপড়া বলিয়া মনে করিতাম।

শান্তি বলিল—আপনি আজকাল থাকেন কোথায় ?

—কলকাতাতেই আছি আজ আট ন বছর। খবরের কাগজের আপিসে চাকরি করি।

—বিয়ে করেছেন ?

—বহুদিন।

—ছেলেপিলে হয়েছে ?

—চার যয়ে। আর কিছু শুনেচে চাও ?

—বাজে কথা। আপনি কখনো বিয়ে করেন নি।

—এ কথা ভাববার হেতু কি ?

—আপনাকে আমি খুব ভালই জানি। আমার চোখে ধুলো দিতে পারবেন না। বলুন সত্যি কি না ?

হাসিয়া কেলিলাম, সঙ্গে সঙ্গে বড় ভাল লাগিল। পনের বছর পূর্বে এক-আধ বছরের জন্ত যে মেয়ের সঙ্গে অত্যন্ত ভাঙ্গা-ভাঙ্গা ধরনের আলাপ হইয়াছিল তাহাকে আমার চরিত্র ও মনোবৃত্তি সম্বন্ধে এমন নিঃসন্দেহ মত প্রকাশ করিতে দেখিয়া ভাল লাগিবার কথা বটে। এ এমন এক ধরনের আত্মীয়তা যাহা অল্প কোনও উপায়ে প্রকাশ করা যায় না, বা অল্প কোনও ধরনের ব্যবহার দ্বারা ইহার স্থানও পূর্ণ হয় না।

বলিলাম—ধরে যখন ফেলেছ শান্তি, তখন যিথো বলে লাভ নেই। বিয়ে এখনও করি নি।

শান্তি সগর্বে বলিল—দেখুন, বললাম যে আপনাকে ওখনই আমি চিনে ফেলেছিলাম, ঠিক কিনা ভাল করে বলুন এবার।

বলিলাম—তাহলে এখন আসি শান্তি—সভার পরে না হয় আসব এখন একবার। তোমার স্বামী কখন আসবেন ? আলাপ হলে বেশ আনন্দ হত। সন্ধ্যার পর ? বেশ, আমারও আসতে রাত আটটা বাজবে, বুঝেছ।

—এখানে আজ রাত্রে থাকবেন কিন্তু, বলা রইল।

সভার পরে পুনরায় শান্তির ওখানে ফিরিতে প্রায় রাত্রি নয়টা বাজিল। শান্তির স্বামীও সঙ্গে আলাপ হইল—বেশ ভাল লোক। আমার আসিবার খবর শুনিয়া ভদ্রলোক বাছিয়া বাছিয়া বাজার করিয়াছেন, সব রান্না শেষ করিতে শান্তির বেশ সময় লাগিবে—রাত দশটার কমে রান্না সাজ হইবে বলিয়া মনে হইল না। শান্তি চা করিয়া দিয়া গেল। আমি বলিয়া তাহার স্বামীর সঙ্গে গল্প করিতে লাগিলাম।

একবার শান্তি রান্নাঘর হইতে আসিয়া বলিল—বড় কিদে পেড়েছে ?

—ও জিনিসটির প্রাচুর্য্য তোমাদের আজিবেয়ভার কল্যাণে আদৌ হবার উপায় নেই।

এসে পরীক্ষা খাওয়া চলছে। তুমি নিরুদ্বেগে বসে রাঁধতে পার বতরুণ খুলি।

আছাছাতির পরে শাস্তি বসিয়া গল্প করিতে লাগিল। শাস্তির স্বামী দু-একবার হাই তুলিয়া বলিলেন—আমার কাল খুব সকালে ডিউটি—যদি কিছু মনে না করেন, আমি গিয়ে শুয়ে পড়ি—

—বিলক্ষণ! শোবেন বই কি। আমিও তাহলে—

—শাস্তি, তুমি বরং বসে গল্প কর। আমি যাই। এঁর বিছানা করে রেখেছ তো? মশারিটা খাটিয়ে দিও। ...স্বামী উঠিয়া চলিয়া গেলে শাস্তি বলিল—ঘুম পেলে শুনিছ নে কিছু। আজ সারা রাত বসে গল্প করতে হবে। কতকাল পরে দেখা!

—সারা রাত! বল কি!

হঠাৎ শাস্তি বলিল—কেন না? আপনি আমায় কত কষ্ট দিয়েছিলেন জানেন?

আমি অবাক হইয়া ওর মুখের দিকে চাহিয়া বলিলাম—কিসের কষ্ট?

—কিসের কষ্ট জানেন না তো? জানবেনই বা কি করে। আচ্ছা দাঁড়ান দেখাচ্ছি। বলিয়াই সে ঘরের ভিতর ঢুকিয়া গেল এবং কিছুক্ষণ পরে একটি ছোট কাঠের বাঁক আনিয়া আমার সামনে খুলিল। একটা পত্র আমার সামনে ধরিয়া বলিল—দেখুন পড়ে।

পড়িয়া দেখিয়া আশ্চর্য হইলাম। আমার মাসীমা পরলোকে গমন করিয়াছেন আজ দশ বছর কি তার বেশি। তাঁর হাতের লেখা খুব ভাল করিয়াই চিনি। মাসীমা শাস্তির মাকে চিঠিতে আমার সহিত শাস্তির বিবাহের প্রস্তাব করিতেছেন এই চিঠিতে।

বলিলাম—তুমি এ পত্র পেলে কোথায়?

—যেদিন এ পত্র এসেছিল, সেই দিনটি থেকে পত্রখানা আমার কাছে। আপনিও তার পর আর কখনও আজিমগঞ্জে যান নি। সেই প্রায়শ মাসে যে চলে এলেন—এই আবার এত-কাল পরে দেখা।

—কিন্তু আমি এ ব্যাপারের বিন্দুবিসর্গও জানতাম না একথা বললে তুমি কি বিশ্বাস করবে শাস্তি?

শাস্তি অবাক হইয়া আমার মুখের দিকে চাহিয়া বলিল—জানতেন না মানে? সব জানতেন।

—কেন বল তো তুমি একথা বলছ?

শাস্তি হাসিয়া ঘাড় নাড়িয়া বলিল—সব জানি বতীনদা, সব জানি। আমার চোখে আবার ধূলো দেবার চেষ্টা? একবার তো করে দেখলেন, ঠকে গেলেন নিজেই।

—কি চেষ্টা করলুম তোমার চোখে ধূলো দেবার?

—ওই যে বললেন বিয়ে করেছেন, চার মেয়ে হয়েছে। আমি আর জানি নে আপনাকে? বিয়ে আবার আপনি করতেন! কেন বিয়ে করেন নি, তাও কি আমার অজানা ভাবছেন? এক এক সময় তাই মনে হয়েছে, এই বোল বছরের মধ্যে—যদি কখনও দেখা হয়, পারে ধরে আপনার কাছে যাপ চেয়ে নেব। আমি তো গিয়েছিই—আপনি কেন যাবেন সেই সঙ্গে?

—সেই কথাটা বলবার সুযোগ পেলাম এতকাল পরে।

বিশ্বের আমার হৃদে কথা বোগাইল না। শান্তি বলে কি! এমন ভুলও মানুষের হয়? সমস্ত কথাটা বেশ করিয়া ভাবিয়া দেখিবার সময় নয় এটা—তবুও এক চমকে ইহার মনের অনেকখানিই দেখিতে পাইলাম। সত্য করিতে আসিয়াছি বিশেষে, আমাকে ডাকিয়া পাঠাইয়া এতখানি দরদ দেখাইবার ঠিকমত কারণ আমি অনেক হাতড়াইয়া খুঁজিয়া পাইতে-ছিলাম না—অনেকখানি পরিষ্কার হইয়া গেল এবার।

কিন্তু যেটি কি ভুলই নিজের বুকের মধ্যে এই বোল বছর পুষিয়া রাখিয়াছে! আমার অভ্যস্ত কৌতূহল হইল কতকগুলি কথা জানিবার। বলিলাম—আজ যখন এখানে এলাম, তুমি কি করে আমার চিনলে এতকাল পরে?

—সভার অন্ত্রে কাগজ ছাপিয়ে বিলি করেছিল—আপনার নাম দেখলাম। তা ছাড়া স্বরঞ্জিবাবুর ছেলে আপনার পরিচয় লেখিন দিচ্ছিল ওঁর কাছে আমাদের বাড়ী বসে। আমি তখনই শুঁকে বললাম, যতীনদা আমার বাপের বাড়ীর দেশের দোকান। উনি বললেন, রায় বাহাদুরের বাড়ী আপনারদের চা খাওয়ার আয়োজন হয়েছে—তাই স্তনে জানলাম দাঁড়িয়ে ছিলাম।

—দেখেই চিনলে এতকাল পরে?

—ওমা, কেন চিনব না! আপনারা আমাদের ভাবেন কি?

এখন ইহাকে ভাল করিয়াই মনে পড়িয়াছে—আমার কিছুদিনের বালাসজিনী একটি অত্যন্ত মুখরা, চঞ্চলা বালিকার ছবি। আবছায়াভাবে ইহার দু-একটি বালালীলাও মনে পড়িতেছে।

বলিলাম—শান্তি, নিতাইয়ের মা সেই বুড়ো গিন্নীর শিব চুরির কথা মনে পড়ে?

শান্তি হাসিয়া বলিল—খু-উ-ব। চুরি করলেন আপনি আর ধনা—ধনাকে মনে আছে? —সে আজকাল পাটের কলে কাজ করে নৈহাটিতে, মধ্যে একদিন এখানে এসেছিল আজ বছর তিন চার আগে—আর গাল খেয়ে মলুম আমি আর ছোড়দি।

—কেন, তোমরা তো সাহায্য করেছিলে, কর নি? পূজোর ঘরের শেকল তুলে দিতে বসেছিল বুড়ো গিন্নী—শেকল তুলে না দিয়ে বলেছিলে, দিয়েছ। আর একদিন তুমি জাঁতি দিয়ে আঙুল কেটে ফেলেছিলে মনে আছে? কেঁদেছিলে খুব।

শান্তি ছেলোমাম্বের মত মুখ ড্যাঁচাইয়া বলিল—হ্যাঁ, কেঁদেছিলে খুব! ছাই মনে আছে। কান্দবার মেয়েই আমি ছিলাম কিনা।

—তবু যদি আমার মনে না থাকত!

—কি মনে আছে শুনি?

—মনে আছে তুমি কেঁদে ভাসিয়ে দিয়েছিলে।

শান্তি অবাক হইয়া গালে হাত দিয়া বলিল—ওমা, কি মিথ্যাবাদী!

আমার হাসি পাইল। বলিলাম—ছেলেবেলার মত ঝগড়া পাকিয়ে তুলছ শান্তি! অভ্যস্ত কি কখনও যার!

শান্তি হাসিতে হাসিতে বলিল—আচ্ছা, যতীনদা—শিবভক্তার বটগাছে ভারা বেঁধে দিতে তো কি বছর পরীক্ষার আগে—খুলেছিলে কোনদিন ?

সত্যিই অনেক কথা দেখিতেছি মনে রাখিয়াছে শান্তি। আমার নিজেরই মনে ছিল না।
যেয়েচা বড় মনে রাখে।

রাত অনেক। শান্তি বলিল—আর না যতীনদা, রাত হয়েছে, শুতে যান। যদিও আমার ইচ্ছে করছে আজ সারারাতটা আপনার সঙ্গে বসে গল্প করি। কাল সকালে উঠেই যেন চলে যাবেন না, খাওয়া-দাওয়া সেয়ে তবে—

—কাল তা কি করে হবে শান্তি। কাল সোমবার, সব খোলা—খেয়ে যেতে গেলে দেরি হয়ে যাবে। আমি সকালে চা খেয়েই চলে যাব।

শান্তি কর্তৃত্বের স্বরে বলিল—সে হবে এখন। সেজন্তে আপনার ভাবতে হবে না—কাল সকালে উঠে দুটো আপিলের ভাত দিতে আমার আর হাত পা খোঁড়া হয়ে যাবে না।

রাতে বিছানায় শুইয়া শুইয়া ভাবিলাম বাপারখানা। শান্তিকে প্রভাষণ করিলাম বটে, স্বীকার করি সেটা বড়ই খারাপ কাজ, কিন্তু সত্য কথা খুলিয়া বলিলেই কি সে খুলী হইত ? ওর জীবনে হয়তো এইটুকু ভাবিয়াই উহার সুখ—কেন সে সুখটুকু মষ্ট করিবে ?

পরদিন সকালে না খাওয়াইয়া শান্তি কি ছাড়ে। খুব ভোরে উঠিয়া এটা সেটা রাখিতে বস্তু হইয়া পড়িল। সাড়ে আটটায় আমার গাড়ী। তার অনেক আগে সে আমার চার পাঁচ রকমের তরকারি করিয়া খাওয়াইয়া দিল।

পায়ের ধূলা লইয়া প্রণাম করিয়া বলিল—আবার কবে আসবেন দাদা ?

—সময় তো পাই নে। তবে—ইয়ে—আম্বব বইকি।

হঠাৎ থপ করিয়া আমার হাত দুখনা তাহার দুই হাতের মধ্যে লইয়া আর্দ্র কর্তে অথচ দৃঢ়স্বরে বলিল—না দাদা, আমি সব জানি, সব বুঝি। আপনি যে নিজের জীবনটা এভাবে কাটিয়ে দিলেন, সেজন্তে আমার মনে তুষের আগুন জ্বলে দিন-রাত। আপনার কাছে আমার একটা অনুরোধ আছে, রাখবেন বলুন ?

—কি অনুরোধ বল শান্তি।

—আপনি বিয়ে করুন—করতেই হবে আপনাকে বিয়ে। আমার অপরাধের বোঝা আর বাড়াবেন না। বলুন অনুরোধ রাখবেন ?

আমি চুপ করিয়া রহিলাম। এ কথা কি উত্তর দিব ভাবিয়া পাইলাম না।

• শান্তি আবার বলিল—চুপ করে থাকলে হবে না ! আমার কাছে বসে যান।

—আচ্ছা, জেবে দেখি শান্তি।

—বেশ, তা ভাবুন। এইটুকু যে বলেছেন এবার সেই মখেট। আবার এই মাস মাসে সরস্বতী পূজার সময় আসবেন বলুন ?

—আচ্ছা, তা বরং—

—না, ওসব শুনব না। বরং টিং না, আসভেই হবে বলে দিলাম। আমি পথের দিকে চেয়ে থাকব—

—আসব।

পথে উঠিয়া দেখি, শান্তি রান্নাঘরের জানালায় দাঁড়াইয়া পথের দিকে একদৃষ্টে চাহিয়া আছে।

বাড়ী ফিরিয়া দ্বীর কাছে ঘটনাটা বলিব ভাবিয়াছিলাম। কিন্তু শেষ পর্যন্ত না বলাই যুক্তিসূক্ত বিবেচনা করিলাম।

কবি কুণ্ড মশায়

আজ দশ বৎসর পূর্বে এ ঘটনার প্রথম আবঙ্গ। আমি খুব আশ্চর্য্য হইয়াছি বলেই এ গল্প লিখতে বসেছি। পূজোর সময় প্রত্যেক লেখকের কাছেই সম্পাদকের তাগিদ যায় ‘মশাই, গল্প দেবেন একটা যত সম্ভব হয়।’

এঁরা হলেন পেশাদার গল্পলেখক ও ঔপন্যাসিক। হাতে পয়সা না গেলে এঁদের মন ভার হয়ে ওঠে, লেখনীও বিরূপ হয়। ‘গল্প আছে, টাকাটা পাঠিয়ে দেবেন।’ কেনই বা বলবেন না, লেখকদেরও তো খেয়ে-পরে বাঁচতে হবে।

খুব বড় একটা সাহিত্যসভায় বসে এই কথাটা মনে হয়েছিল। পত্রপুস্পশোভিত ভোবণধার, মস্ত বড় মণ্ডপ, বহু বিশিষ্ট লেখক ও সাহিত্য্যমোদী জনগণের সমাগম, আদর-আপ্যায়নও যথেষ্ট। পল্লীগ্রামের অজ্ঞাতনামা কত কবিত্যশ্রদ্ধার্থী হতভাগ্যদের সঙ্গে আমার কতবার পরিচয় ঘটেছে, কোনও সাহিত্যসভায় তাদের স্থান হয়নি কোনদিন। অথচ তাদের মধ্যে প্রকৃত কবিমন, কল্পনার উদার প্রসার, ছন্দের বা কোনও শব্দের সৌন্দর্য্য সম্বন্ধে জ্ঞান নিতান্ত দুর্বল নয়—কিন্তু তাদের নেই কি, তাও আমি জানি। তাদের নেই বর্তমানের উপযোগী বিষয় নির্বাচনের ক্ষমতা। তাদের দৃষ্টি ১২২০ সালের বাণলায় পড়ে আছে আজও—ভারতচন্দ্র রায় গুণাকরের, দাশবতী রায়ের প্রভাব তারা আজও কাটিয়ে উঠতে পারে নি।

সেবার গরয়ের ছুটিতে দেশে আছি।

রাত প্রায় এগারটা বাজে, বিছানার ছটকট করার পবে একটু নিজাকর্ষণ হয়েছে মাজ।

—আছেন নাকি শ্রামবাবু?

এত রাতে অপরিচিত হয়ে কে ডাকে বুঝতে না পেরে বাইরে এসে বললাম—কোথা থেকে আসছেন?

অন্ধকার রাত। দেখলাম আগন্তুক বিনা আলোয় এসেছে, যেখান থেকেই আসুক। লর্ডন জেলে বাইরে আবার গিয়ে আগন্তুকের চেহারা এবার ভাল করে দেখলাম। বৃদ্ধ লোক,

বাটের কাছাকাছি বয়স, গায়ে আধময়লা পিরান, পায়ে ক্যাষিসের জুতা—বগলে এক তাড়া বই বা কাগজ।

আগন্তুক বলল—আমার চিনতে পারলেন না? আমাকে সকলে কুণ্ডু মশাই বলে জানে। বসাকদের কাপড়ের গুদোমে কাজ করি বল্লভপুরের বাজারে। তা আপনারা দেশে ঘরে থাকেন না, গরমের ছুটির পরই চলে যাবেন—চিনবেন কি করে।

কথাটা সত্যি। দেশে থাকলে চিনতাম বই কি—দেশেরই লোক যখন। বললাম—কি জন্তে আসা হয়েছে?

—আপনি একজন রাইটার লোক, আমার লেখা কবিতা কিছু আপনাকে আজ শোনাতে এসেছি।

—ও, বসুন বসুন। সে বেশ কথা। দাঁড়ান একটা কিছু পাতি।

দস্তরমত অবাক হয়ে গেলাম। বল্লভপুরের বাজার এখান থেকে দু মাইলের সামান্য কিছু বেশি, এত রাত্রে নিছক কবিতা শোনাতে লোকটা কষ্ট করে এতদূর এসেছে—না, এমন ব্যাপার যে দেখিনি আদৌ একথা বললে ভুল হবে—জীবনে বার কয়েক এ প্রকৃতির মানুষের সঙ্গে আমার পরিচয় ঘটেছে এবং আমি এদের ভালও বাসি।

এরা সরস্বতীর নিঃস্বার্থ সেবক, এরা বশ পায় না, অর্থ তো পায়ই না—লেখার নেশায় লিখে যায়, যশের পরিবর্তে পায় অল্পশিক্ষিত জনসাধারণের ব্যঙ্গ বিক্রপ—তবু মন ধরলে যেমন ছাড়া কঠিন হয়, তেমনই কঠিন হয়ে পড়ে লেখার বাস্তবিক মাথায় একবার ঢুকলে তাকে তাড়ানো।

এ সবই আমি জানি। বললাম যে, এ ধরনের লোক এর আগেও আমি দেখেছি। সুতরাং একেও যত্ন করে বসালাম। বাড়ীতে থাকি আমি একা, দ্বিতীয় প্রাণী কেউ নেই—নতুবা একটু চা খাওয়ালে দেখাত ভাল। কুণ্ডু মশায় তাঁর দপ্তর খুলে তিনখানা মোটা খাতা বার করে পড়ে যেতে লাগলেন অবিরাম একটানা। এমন দলের লোকেরা তাই করে থাকে। আমি কতবার কত জায়গায় দেখেছি।

মাঝে মাঝে আমার মুখের দিকে চেয়ে বলছিলেন—কেমন লাগছে শ্রামবাবু?

—চমৎকার!

—হেঁ হেঁ—আপনারা রাইটার লোক, আপনাদের ভাল লাগলেই—। তার পর শুনুন এটা, ‘সুভদ্রা-হরণ’—

—পড়ে যান।

* একটানা চলেছে আবৃত্তির শ্রোত—রাও বারটা বেঞ্চে গেল।

কুণ্ডু মশায় নাকের চশমা নামিয়ে আমার মুখের দিকে হাসি-হাসি মুখে চেয়ে বললেন—কেমন?

অর্থাৎ এটা আপনার ভাল লাগতেই হবে, উপায় নেই।

পুনরায় বললাম—চমৎকার!

এসব স্থলে এই অবাবই দিতে হয়, দেওয়া নিয়ম—অভিজ্ঞতা থেকে জানি।

—আচ্ছা এটা শুধুন—‘বাণ রাজার প্রতি উষা’।

পূরণ ভাল পড়া নেই, বললাম—বাণ রাজা কে?

আমার মুখের দিকে বিশ্বয়ের দৃষ্টিতে চেয়ে কুণ্ড মশায় বললেন—বাণ রাজার কথা জানানো না? বাণ রাজার মেয়ে উষা, দৈত্যরাজ বাণ—

বালাকালে দৃষ্ট ‘উষা-হরণ’ নামে এক যাত্রার অভিনয় অম্পষ্টভাবে মনে পড়ল। বললাম, হ্যাঁ হ্যাঁ, সেই যুদ্ধ হল, অনিরুদ্ধ-টনিরুদ্ধ—উষা-হরণ—

আমার পৌরাণিক জ্ঞানের অবস্থা বোধ হয় কুণ্ড মশায়ের মুখে কীলহাসির রেখার সৃষ্টি করল। তিনি আবার পড়ে যেতে লাগলেন। সাড়ে বারটা—পৌনে একটা। তিন চারটি কবিতা ইতিমধ্যে শেষ হয়ে গেলে কুণ্ড মশাই এবার ওঠবার জোগাড় করবেন বলে মনে হল। আমার দিকে চেয়ে বললেন—দোকানের কাজ করি সারাদিন, ফুরসত পাই নে। আপনারা কলকাতায় থাকেন, রাইটার লোক—আপনাদের শোনালে মনটা, তৃপ্ত হয়। আর কাকে শোনাব বলুন—সব মুখের দল—

—আপনি বুঝি কাপড়ের দোকানে কাজ করেন?

—হ্যাঁ, খাতাপত্তর লিখি। রাত দশটার সময় ছুটি পেয়ে আহালাদি সেয়ে তবে আপনার কাছে আসছি। একটু শুনিরে মনটা ভাল হয়।

—কতদিন থেকে লিখছেন?

—বালাকাল থেকে। পাঠশালায় যখন পড়ি, হাতের লেখার খাতায় কবিতা লিখতাম। গুরু মশায়ের কত বেত খেতে হয়েছে সেজন্তে, মশায়। এখনও তাই। কেউ বোঝে না। দোকানে ঘামের সঙ্গে কাজ করি, তার সবাই আমাকে খুব মানে, ভয় করে চলে—ভাবে, কবিতা লেখে এ মন্ত পণ্ডিত। যা লিখি, তাই ভাল বলে। আমার তাতে তৃপ্তি নেই—যত গণ্ডমুখার হল, ভাল বললেই বা কি, আর মন্দ বললেই বা কি!

ইত্তরতাপশতানি যথেক্ষরা

বিতরতানি সহে চতুরানন।

অরসিকেষু রসস্ত নিবেদনং

শিরসি যা লিখ মা লিখ মা লিখ ॥

আমার হয়েছে ভাগ্যে প্রত্যেক দিন মশাই ওদের সঙ্গে কারবার—অরসিক নিয়ে রসের কারবার। আমার ভাল লাগে মশাই, বলুন দিকি আপনি?

—আপনি রবি ঠাকুরের নাম শুনেছেন?

—হ্যাঁ শুনিছি মশাই। রবি ঠাকুর মন্ত বড় কবি। কোথায় যেন বাড়ী, যশোর না বীরভূম—

—কোনও কবিতা পড়েছেন তাঁর?

—আজ্ঞে না।

কুণ্ড মশায় বিদায় নিরে উঠলেন রাত একটার সময়।

এর পর আমার ছুটি ঘুরিয়ে গেল—কলকাতায় কর্মকোলাহলের মধ্যে কুণ্ড মশায়ের কথা ভুলেই গেলাম একরকম। বড়দিনের ছুটিতে দুদিনের জন্তে বাড়ী গিয়ে আবার তাঁর সঙ্গে দেখা। তিনি যে দোকানে কাজ করেন, সে দোকানের মালিক ও অঞ্চলের একজন বিশিষ্ট ধনী, জাতিতে তাঁতি—ইউনিয়ন বোর্ডের প্রেসিডেন্ট, তবে লেখাপড়া কিছু ভেয়ন জানেন না। লোকটি সজ্জন, রায় সাহেব খেতাব পেয়েছেন।

রায় সাহেবের বাড়ী কি-একটা কাজ উপলক্ষে আমিও নিযুক্তিত। সেখানেই কুণ্ড মশায়ের সঙ্গে আমার পুনরায় সাক্ষাৎ। নিযুক্তিত ব্যক্তিদের পান-বিড়ি বিতরণে তাঁকে ব্যস্ত দেখা গেল। আমি একবার বললাম—কি কুণ্ড মশায়, ভাল তো?

আমার দিকে চেয়ে তিনি একবার হাসলেন মাত্র, ব্যস্ত বলে আমার সঙ্গে কথা কইবার সুযোগ তাঁর তখন হল না।

রায় সাহেব হৈকে বললেন—কুণ্ড মশায়, চা দেওয়া হয়েছে কি না সকলকে দেখুন একবার বাইরে গিয়ে।

আহারাদির পরে দেখি সদর দরজায় কুণ্ড মশায় দাঁড়িয়ে। বললেন—কাল বাড়ী থাকবেন নাকি?

—হ্যাঁ থাকব।

—কাল যাব একবার আপনার কাছে।

—নিশ্চয়ই আসবেন। লেখাটেখা আছে নাকি কিছু?

—অনেক লিখে কৈলেছি তার পর। শৈশুনাংক।

কিন্তু বিশেষ কার্খা উপলক্ষে তার পরদিন আমাকে চলে যেতে হল অল্পমাত্র। কুণ্ড মশায়ের কবিতা শোনবার সুযোগ সেবার আমার হয় নি।

এক বৎসর পরে আবার দেশে গিয়েছি। বর্ষাকাল, পথে-ঘাটে এক হাঁটু জলকান্না। বনভ্রমুর ছাড়িয়ে নদীর ধারে বাবলাতলায় দেখি কে বসে মাছ ধরছে। আমি রাস্তা থেকেই পাড়াগাঁয়ের ধরনে জিজ্ঞেস করলাম—কি মাছ হল?

লোকটা আমার দিকে পেছন ফিরে চাইতেই দেখি কুণ্ড মশায়।

—কুণ্ড মশায়, মাছ, ধরতে এসেছেন নাকি? ভাল সব?

কুণ্ড মশায় আমার দেখে সমস্তমে উঠে দাঁড়িয়ে যুক্তকরে বললেন—প্রাতঃপ্রণাম। এই আসছেন বুঝি?

—কি মাছ পেলেন?

—আজ্ঞে, মাছ ধরছি নে তো। এই এমনি একটু বসে—যানে—একটু আধটু লিখছি—কৌতুহল হওয়াতে রাস্তা ছেড়ে এগিয়ে গিয়ে দেখি কুণ্ড মশায় ভিজ জ্বালের ওপর কাঁচা

ভালপালা ভেঙে পেতে বসেছিলেন—পাশেই একখানা মোটা পুরনো রৌকড় কি খতিয়ানের খাতা। একটা শরের কলম ও পাঠশালার ছেলেদের মত দড়ি-বাঁধা দোরাড, যাতে ঝুলিয়ে নিয়ে যাওয়া যায়। একখানা মসীলিখ্ত রুটিং কাগজ মাটির ঢেলা-চাপা এক পাশে।

—বাঃ এ যে কবিকুল বানিয়ে তুলেছেন দেখছি।

—আজ আর দোকানে যেতে ভাল লাগল না। অনেকদিন বর্ষার পরে আজ একটু রোদের মুখ দেখা গিয়েছিল—এখন আবার মেঘ করেছে। বলি, বাই নদীর ধারে বসে... লেখার নেশা মাথায় একবার চাপলে—

—একটু শোনান কুণ্ড মশায়। না শুনে আর যাচ্ছি নে।

কুণ্ড মশায়ের কবিতার খাতা একখানা প্রাচীন খতিয়ান। খানিকটা পড়ে শোনালেন, কয়েক লাইন মনে আছে—

যত্নকুলবধু চতুরঙ্গিনী সহারে
কৃষ্ণতুলা স্নুভদ্রারে সারথি করিয়া
আরোহিয়া কপিব্রজে অর্জুনসমান
গাণ্ডীব কোদণ্ড ধরি উত্তরিব রণে।
শিখণ্ড আমার জ্যেষ্ঠ, তারে নারী ভাবি।
ধরে না ধরুক ভীষ্ম ;... (মনে নেই)
ভ্রমণল অকৌরব করিবে দ্রৌপদী।

মজানদীর পাড়ে বিকেলে বসে বেশ ভাল লাগল। বললাম—চমৎকার! আপনার শব্দ সাজাবার ক্ষমতা, ধ্বনির জ্ঞান, সব চমৎকার। দ্রৌপদী যুদ্ধযাত্রা করতে চাইছেন বুঝি?

কুণ্ড মশায় হেসে বললেন—হ্যাঁ। কিন্তু কোন জায়গায় বলুন তো?

মাথা চুলকে বললাম—তা তা—কই ঠিক তো বুঝতে পারছি নে—

কুণ্ড মশায় আমার উত্তরের দিকে কান না দিয়ে বললেন—শুনে যান আর একটু—

শত ভীষ্ম শর

মম করোন্মুক্ত যবে উঠিবে উড়িবে
গৃধ্রপংক্তি সম ঘোমে শোণিতপিপাস্ত,
দেখিব কি করি করে ব্রতরক্ষা তাঁর
দেবব্রত। রণচণ্ডী শিখণ্ডী-ভগিনী
আখণ্ডলে রক্ষিলেও ছাড়িবে না তাঁরে।

হাসি-হাসি মুখে বললেন—কেমন?

—এ আর বলতে! আমার খুব সৌভাগ্য যে, আজ কবির মুখে—কি ঝংকার!

কুণ্ড মশায় বিনয়ে কাঁচুমাচু হয়ে বললেন—অমন কথা বলবেন না, আপনারা রাইটার লোক—

—ভাষার উপর সমান, অধিকার সব লেখকের থাকে না। আপনার তা আছে কুণ্ড

মশায়। আর আপনি একজন সত্যিকার কবি। নয় তো পালিয়ে এসে এই নদীর ধারে বসে আপন মনে—

কুণ্ডু মশায় পাশের একটি খেলো হাঁকায় তামাক সাজছিলেন এতক্ষণ। 'আমায় বললেন'—
—খান?

—না। আপনি খান।

হাঁকায় বেশ আরামে টান দিয়ে বৃদ্ধ এমন এক অদ্ভুত দৃষ্টিতে ওপরের দিকে চাইলেন, যেন জীবনের এক বড় আনন্দের সম্মুখীন হয়েছেন—অর্থাৎ খেলো হাঁকোটিতে টান দেবার অবকাশ পেয়েছেন।

বললেন—আমার মাথায় যখন লেখার নেশা চেপে যায়, তখন আর কিছুই ভাল লাগে না। পালিয়ে আসতেই হবে—একটু ফাঁকা নির্জন জায়গা খুঁজতেই হবে।

—আপনার বাসা তো নির্জন? আপনি তো একাই থাকেন শুনেছি?

—মোটেরই না। কপড়ের গদির সাতজন কর্মচারী সব এক ঘরে থাকি। সব কাজ সমান গোলমাল করে। সেখানে বসে লেখা কাল আসবেন দয়া করে? দেখবেন?

পরদিনই কুণ্ডু মশায়ের বাসায় গেলাম। কুণ্ডু মশায় এক বর্ণ অতিরঞ্জিত বলেন নি। বসাক-দের কাপড়ের গদির পেছনে অতি অন্ধকার, প্রায় জানালাবিহীন নাতিশূন্য একটা ঘরে চারখানি সরু সরু তক্তপোশ পাতা। প্রত্যেক তক্তপোশে কাপড়ের গাঁটবাঁধা চট আগে পেতে তার ওপর অতি মলিন শয্যা বিস্তৃত। বালিসগুলো থেকে চিমটি কাটলে ভেল আর ময়লা ওঠে। ঘরে আড়া-আড়ি অনেকগুলো দড়ি টাঙানো—তাতে ময়লা ও আধময়লা লুঙ্গি, ন-হাতি কাপড়, সেলাই করা পুরনো কাপড় ছড়িয়ে দেওয়া। একটা তক্তপোশের তলায় একটা কেরোসিন কাঠের বাজের ওপর এক জোড়া নতুন বাদামী রঙের কিত-আঁটা জুতো সযত্নে তোলা। দেওয়ালে পেরেক দিয়ে আঁটা বিবর্ণ পুরনো খবরের কাগজ। তার ওপরে কাঠের ছোট আলনার দু-একটা ছিটের কক-আঁটা কামিজ, কোনটায় কুষ্টিয়ার ছিটের একটা আলোয়ান। সমস্ত ঘরটা স্থলভ, নোংরা, কুশ্রীতা, ক্ষতচীনতার একখানি সুস্পষ্ট ছবি।

একপাশের তক্তপোশে জনচারেক লোক বসে তাস খেলছে, কারও গা খোলা, কারও গায়ে আধময়লা গেঞ্জি। আমার প্রশ্নের উত্তরে একজন বললে, কুণ্ডু মশায় গদি থেকে করেন নি। একজন কুণ্ডু মশায়ের খাটখানা আমায় দেখিয়ে দিলে। তার বালিস ততোধিক ময়লা, উপরন্তু একটা ফুটো দিয়ে তুলো বেরিয়ে আসছে। কিছুক্ষণ বসবার পবে তাস-খেলোয়াড়দের হর্যধনি ও চীৎকার আমার নিকট অসহ্য মনে হওয়ায় একটু বাইরে যাব ভাবছি, এমন সময় কুণ্ডু মশায় ঘরে ঢুকলেন।

ওদিকে খেলোয়াড়দের একজন বলে উঠল—ও দাচ্ছ, তোমার ইলিশ মাছ সব কান্না খেয়ে—এই দেখ। বক্তা মুখে পুরে দেবার অভিনয় করে ব্যাপারটা বোঝালে।

আর একজন বললে—এত মেরি হল কেন? বাবুর হাতে নাকানিচোবানি খেয়েছ কেমন, বল?

আমার দিকে চেয়ে কুণ্ডু মশায় বললেন—আপনি বে। আপনি যে এখানে আসবেন, তা ভাবি নি। বহুদূর, ছুটো খেয়ে আসি। এখন ছুটি পেলাম। বড় খিদে পেরেছে—

বেলা আড়াইটে উত্তীর্ণ প্রায়। কুমার্ত বৃদ্ধকে আমি একটুও দেরি করতে দিলাম না। বললাম—বান শীগগির বান, আহাৰ করে আসুন।

কুণ্ডু মশায় চলে গেলে আমি তাস-খেলুড়েনের উদ্দেশ্য করে বললাম—এখানে খাওয়া হয় কোথায় ?

একজন বললে—এই ঘরের পর উঠান, তার ওদিকে রান্নাঘর। গদির ঠাকুর আছে, সেই রীথে।

—কি রকম খাওয়ায় ?

—সে কথা আর শুঠাবেন না দাদা। উরমুনি ডালের জল, এই এতটুকু খয়রা মাছ কি তিনপুটির কোল, একটা লাগ ভাঁটা দিয়ে কুমড়া দিয়ে ঘ্যাঁট—ছিঃ—মাছের যুগ্ম নয়।

একজন বলে উঠল—পরের পরসায় খেতে আর কত দেবে বল ? ওই যা পাচ্ছ, তাই ঢের।

কুণ্ডু মশায় পরিভূক্তির সঙ্গে আহাৰ করে এলেন, তাঁর মুখ দেখেই বুঝতে পারা গেল। তার পর কাপড়ের গাঁট-বাঁধা চটেব উপর স্নান দেহ প্রসারিত করে আমার দিকে চেয়ে বললেন—এখানে এসে বসুন।

—চলুন না দীঘির ধারে গিয়ে একটু বস। যাক।

—আজ আর ছুটি নেই, কলকাতা থেকে মহাজন আসবে এই ট্রেনে, হিসেব ঠিক করে দিতে বলেছেন বাবু—ও গোষ্ঠ, পাইকেরী মালের ফিরিস্তিগুলো করে ফেল গিয়ে—বসে তাস পিটলে চলবে না।

এমন সময়ে হঠাৎ হুগা ও হাসি মন্তমুহুৰৎ খেসে গেল।

রায় সাহেব ঘনশ্রাম বসাকের স্কুল, চিক্শ, সুখাশ্র-পরিপুষ্ট দেহ দোরের কাছে দেখা যেতেই তাস-খেলোয়াড় কজন এবং কুণ্ডু মশায় তড়াক করে চৌকি থেকে উঠে দাঁড়িয়ে পড়লেন।

রায় সাহেব বললেন—এত গোলমাল কিসের কুণ্ডু মশায় ?

ঘরের মধ্যে সকলের অবস্থা তখন হঠাৎ হেডমাস্টার ক্লাসে ঢুকলে কোলাহলরত স্কুলের ছাত্রদের মত। সবই পাষণ-মূৰ্ছির মত একদম জমে গেল। আমাকে ঘরের মধ্যে দেখতে পেয়ে রায় সাহেব বললেন—এই যে, শ্রামবাবু যে—এখানে আপনি ?

—একটু কুণ্ডু মশায়ের কাছে দরকার ছিল।

—কুণ্ডু মশায়ের সঙ্গে আপনার বনবে ভাল। কুণ্ডু মশায় তুনেছি কবিতা লেখেন। মানে, লোকটা ছিল ভালই, কিন্তু ওর মাথায় কি পোকা আছে—খাকে খাটক, ফট করে একদিন দেখি গলিতে নেই। কোথায় গেল ? বসে নাকি কোথায় কবিতা লিখেছে। আমার গদির কাজ চল কি করে ? কবিতা-লিখে তো পেট ভরবে না দাদা। কি বলেন ?

তা বটে।

রায় সাহেব কুণ্ডু মশায়ের দিকে চেয়ে বললেন—যাও সব, শদিতে, যাও। এবানে হল্লা করবার জন্তে ভোমাদের রাখা হয় নি—কবিতা লেখবার জন্তেও নয়। যাও—কুণ্ডু মশায়, মহাজনের দেনাপাওনার হিসেবটা বেলা পাঁচটার মধ্যে ঠিক করে ফেল গিয়ে। যাও সব।

পরে ঘরের চারিদিকে অগ্রসরদৃষ্টিতে চেয়ে বললেন—নিজেরা থাকে—অথচ ঘরদোর বিছানাপতুর কি নোংরা করেই রাখে—রায়োঃ। ওসতীশ, দশগজা ফুলন শাড়ীর একজোড়া কাল হিসেবের খাতার ওঠে নি কেন?

সতীশ-নামধেয় লোকটি এতক্ষণ তাসের আড্ডায় বেশি চোঁচামেচি করছিল। সে যেন অতিরিক্ত বিষয়ে হঠাৎ কাঠ হয়ে বললে—সে কি বাবু! দশগজা ফুলন শাড়ী কাল কে বিক্রি করলে? এই তো কুণ্ডু মশায়, জানেন?

কুণ্ডু মশায় নিজের গা থেকে বেড়ে ফেলে বললেন—আমি কি জানি বাপু। আমি খতেন রোকড় নিয়ে আছি, তোমাদের খুচরো বিক্রির তবিলে কি হয় না হয়—

রায় সাহেব বললেন—সব চোরের আড্ডা হয়েছে। ভাত-কাপড় দিয়ে চোর পোষা। আজ্ঞা, আজ ধরা পড়লে তাকে আমি জবাব দেব, নয় এক মাসের মাইনে কাটব।

রায় সাহেব চলে গেলেন।

এই হল কুণ্ডু মশায়ের প্রতিদিনের জীবন। এই অভ্যস্ত স্থল আবহাওয়ার মধ্যে একটি কবিপ্রাণ কিভাবে স্বাসপ্রশ্বাস নিতে পারে, তা আমার অভিজ্ঞতার লেখা নেই। কুণ্ডু মশায়ের এই বয়সেও যে সজীবতা অভ্যস্ত প্রত্যক্ষ ও পরিস্ফুট, ছাইপাঁশ আহারেও তাঁর যে তৃপ্তি, এত হট্টগোল ও অপমানের মধ্যেও তাঁর যে আনন্দ—এ সবের জন্ত সমকদাব লোকমাজেই তাঁকে হিঁসে না করে পারবে না।

তাঁর সঙ্গে আমার দেখাসাক্ষাৎ আর অনেকদিন হয় নি।

এর প্রায় পাঁচ বছর পরের কথা। অস্ত জ্বরগায় কাজ করি বলে দেশে আসা ঘটে নি অনেকদিন। দেশের বাতীঘর ভেঙে গিয়েছিল, মিস্ত্রি লাগিয়ে মেরামত করছি।

—এই যে জামাবাবু, প্রীতঃপ্রণাম।

চেয়ে দেখি, কুণ্ডু মশায়। আরও বৃদ্ধ হয়ে গিয়েছেন, মাথায় আর এক গাছাও কাঁচা চুল নেই। সেই পুরনো ধরনেই বেনিয়ান গায়ে।

• —কি ব্যাপার কুণ্ডু মশায়? ভাল আছেন বেশ? খবর কি?

—বাবু পাঠিয়ে দিলেন। আপনি বাতী করবেন,—চুন সিমেন্ট নেবেন আমাদের নতুন আড়ত থেকে। দর সস্তা।

—ও। কে, ঘনজামাবাবুরা চুনের আড়ত খুলেচেন বৃষ্টি?

—চুন, সিমেন্ট, শগরার বাগি—

—বেশ বেশ। বসুন।

—না, আর বসব না। অনেকক্ষণ বেরিয়েছি বাড়ী থেকে।

—কবিতা লেখা-টেখা হয় কি আর?

—আপনি আছেন তো এখন; আসব একদিন।

বলে সামান্য কয়েক পা গিয়েই ফিরে এসে বললেন—ভাল কথা, পকেটেই আছে, আজ আপনার এখানে আসতে আসতে বটতলার বসে লিখলাম কটা লাইন—

প্রকৃতির কোলে শুয়ে সৌন্দর্য্য ভাসিয়ে আঁধা

সাধ হয় অনিমেঘে শুধু যেন চেয়ে থাকি।

নীরবে নিঝুমে সেখা কি যেন মৃগের পরে

স্বপ্নরেণু কিংবা মায়া নিয়ন্ত করিয়া পড়ে।

পরমাণু নিভে যায় ভাঙিয়া জড়ের কারা;

কে তুমি ডাকিছ মোরে করিয়া পাগলপারা ?

কুণ্ড মশায়কে কোলে তুলে নিয়ে নাচবার ইচ্ছে হল, ব্রাহ্মণ না হলে পায়ে হাত দিয়ে পায়ের ধুলো নিতাম। বললাম—এই কটা লাইন এইমাত্র লিখলেন পথে আসতে আসতে?

কুণ্ড মশায় হেসে বললেন—বটতলার ছায়ায় বসে, খানিকটা আগে।

—আপনি ঘনশ্যামবাবুর দোকানে কাজ করেন বটে কিন্তু আপনি সে জায়গায় উপযুক্ত নন। কবিতায় আটের কোন দরকার নেই। আপনার মনের আনন্দের অল্পভূতিকে ধ্বনি ও স্বাক্ষরের মধ্যে প্রকাশ করছেন এবং সফল হয়েছেন, সেইটেই বড় কথা। আমি আপনার মনের সেই সময়ের অল্পভূতিকে ওই কটা কথার মধ্যে দিয়ে নিজের মনে ধরতে পারছি—ওই হল কবিতা।

চুন কিনতে গিয়ে রায়সাহেবের দোকানে বসলাম খানিকটা। মস্ত বড় গদি, লোকজন খাটেছে, নানারূপ ব্যবসাদারী শব্দ ও বোল উথিত হচ্ছে—‘ছএর দাগের নিয়ে এস’, ‘বাইশ শ বাইশ রেলি দশ জোড়া’, ‘মিহি জরিপাড় চন্দননগর’, ‘ধুতনের আঠাধর পাতা’ ইত্যাদি। পাইকারী ক্রেতাদের বড় ভিড় লেগেছে, ঝন্ ঝন্ টাকার শব্দ উঠছে—ওদিকে গদির এক পাশে আনকোরা টাটকা দশটাকার নোট তাড়াবন্দী হচ্ছে।

ঘনশ্যামবাবুকে একপাশে বসে থাকতে দেখে কাছে গেলাম। গত পাঁচ বৎসরে রায় সাহেবের বয়স যেন পনের বছর বেড়েছে। আমায় বললেন—আসুন, বসুন শ্যামবাবু, অনেকদিন দেখি নি।

—ভাল আছেন?

—ভাল কোথায়? আঃ বছরাবধি ভুগছি নানা অসুখে। আর এইবার বোধ হয় চললাম—

—না না, সে কি কথা! আপনার বয়েসটা কি!

—আপনি জানেন-না, ছুটি হাজার টাকা খরচ করেছি এক বছরের মধ্যে। কিন্তু

সারবার নামটি নেই, বেড়েই চলেছে। দোকানে আসি বাই—মনেও বল পাই নে, শরীরেও না। ডাক্তারের কথায় মাগুরমাছের কোল খাই, কাঁচকলা আর পটল দিয়ে—একবেলা দুখানি সুজির রুটি।

—কোথাও চেয়ে যান না কেন ?

—ব্যবসা ফেলে যেতে পারি নে। আবার নতুন চুন সিমেন্টের আড়ত খোলা হয়েছে, এসব কার ওপর দিয়ে—

রায়সাহেবের কথার সুরে এবং মুখের চেহারায় একটা জিনিস বেশ সুস্পষ্ট হল আমার কাছে, তাঁর মনে আনন্দের অভাব এবং একটা ভয়ের ভাব। কথাবার্তার মধ্যে কঠোর যে মিহি-সুর ধনিত হচ্ছে, তাঁর সঙ্গে জড়িয়ে রয়েছে মৃত্যুভয়, জড়িয়ে রয়েছে নৈরাশ্র ও মৃত অকৃত্য। এত ঐশ্বর্য্য থেকেও ভোগের তৃপ্তি নেই।

যতক্ষণ আমি সেখানে বসে ছিলাম, ঘনশ্রামবাবুর মুখে আমি আনন্দের রেখা খোঁজবার বহুবার ব্যর্থ চেষ্টা করেছি। আনন্দের পরিবর্তে বরং ভয়টা এত বেশি দেখেছি যে লোকটার কাঁপুরুষতার ওপরে আমার ঘৃণা জন্মেছে। এত টাকা থেকেও লোকটা সত্যিকার অসুখী। বাইবেলের সে বাণী মনে পড়ল—Men cannot live by bread alone—জীবনের বড়-পুঁজি নেই যেখানে, সেখানে শুধু টাকার পুঁজি মাহুকে অমৃতের পুত্র দান করে দাখ্য কি তার ?

তারও চার বৎসর পরে এবারের কথা।

বাড়ীতে এসেছি দশ-বার দিন কি তার বেশি। কাজের গোলমালে অল্প কোথাও যেতে পারি নি—কেবলমাত্র একদিন বঙ্গভবুর বাজারে অতি অল্প সময়ের জন্তে রায়সাহেবের গদিতে গিয়েছিলাম। কুণ্ডু মশায়ের সঙ্গে দেখা হয়েছিল এই পর্য্যন্ত, কথাবার্তা বিশেষ কিছু হয় নি।

একদিন সম্ভাব্যে বাড়ীতে বসে আছি, একজন লোক এসে বললে—শ্রামবাবু এ বাড়ীতে থাকেন ? লোকটার খালি পা, হাতে একটা লাঠি আর হারিকেন লঠন।

—কোথা থেকে আসছ ?

—আজ্ঞে বাবু, প্রণাম হই। বঙ্গভবুরের আড়তের কুণ্ডু মশায় আপনাকে ডেকেছেন। তিনি বাঁচেন না, আপনাকে এখুনি যেতে হবে।

—কুণ্ডু মশায় বাঁচেন না! কেন, কি হয়েছে তাঁর ?

—বাবু, তিনি আজ সাত দিন শয্যাগত। জ্বর, কাসি—

—তা আমি তো ডাক্তার নই ? আমি কেন যাব ?

—তিনি সন্ধ্যা থেকে কুণ্ডবল আপনার কথা বলছেন। আমার বলে দিলেন, যে-করে হোক নিয়েই আসতে হবে তাঁকে।

আমি একটু বিরক্ত না হয়ে পারলাম না। অনেক দিনের অদর্শনে কুণ্ডু মশায়ের ওপর বি. র.—৮ (২)—৬

পূর্বের আন্তরিকতা অনেকখানি চলে গিয়েছে। ভবুও গেলাম। মুহূর্ত্ত দুকের অল্পরোধ এড়াতে পারলাম না। সেই আড়তের ঘরের সেই বিছানাতে কুণ্ড মশায় শুয়ে। মাথার শিয়রে কেবল একটা ছোকরা বসে আছে—ঘরের মধ্যে আর কেউ নেই। একটা লণ্ঠন আধ-নেবানো ভাবে জ্বলছে ঘরের যেকোনো একটা বাটিতে আধবাটি জ্বল-বাঁলি। গোটািকতক কাগজি নেবুর খোশা লণ্ঠনের পাশে।

কুণ্ড মশায় বোধ হয় ঘুমুচ্ছিলেন কিংবা অর্কচেতনভাবে শুয়ে ছিলেন। ছেলেটি ডাকলে—
—ও দাদু, দাদু, বাবু এসেছেন—

কুণ্ড মশায় চমকে বলে উঠলেন—আঁ—

—ঐ সেই বাবু এসেছেন—

ভক্তিশ্রু আমি গিয়ে সামনে দাঁড়িয়েছি। কুণ্ড মশায় হাতের ইঙ্গিতে আমায় বসতে বললেন। আমি বিছানার একপাশেই বসে বললাম—কি হয়েছে কুণ্ড মশায়? জর নাকি?

প্রায় এক মিনিট কুণ্ড মশায়ের কাছ থেকে কোন উত্তর পেলাম না। তার পর ক্ষীণ স্বরে বললেন—আর কি, এবার চললাম শ্রামবাবু—

আমি ভরসা দেওয়ার সুরে বললাম—সে কি কথা। এখনও কত কবিতা শোনাবেন আমাদের—যেতে দেব কেন?

কুণ্ডমশায়ের মুখে অস্পষ্ট লণ্ঠনের আলোয় যেন ক্ষীণ হাসির রেখা দেখতে গেলাম। বললেন—
—ডাক এসেছে। আপনার কাছে একটা অল্পরোধ—সেইজন্তে—

—বলুন, বলুন।

—এই ছেলেটি দেখেছেন—বড় সৎ, বাবুদের গদিতে কাজে ঢুকেছে এ বছর, ছেলেমানুষ—
—ওই দেখে।

আমি ছেলেটিকে বললাম—তোমার নাম কি?

—সুশীল।

—এই ঘরের আর সব লোক কোথায়?

—সব পালিয়েছে। দুজন কাল ছুটি নিরে দেশে গিয়েছে, দুজন দোকানঘরে শুয়ে আছে বারান্দায়।

কুণ্ড মশায় যেন মাছি তাড়াচ্ছেন মুখের কাছ থেকে—দুর্বল হাতে হু একবার এমনি ভঙ্গি করে চূপ করে রইলেন। প্রায় দশ মিনিট ঘরের মধ্যে কোন শব্দ নেই। তার পর আমার দিকে চেয়ে বললেন—আমার খাতাগুলো—

বুকতে না পেয়ে বললাম—খাতা?

—কবিতার খাতাগুলো আপনার হাতে দিয়ে যা। বড় আদরের! ছেলেঘরে নেই! ওই ছেলেঘরে। খাতাগুলো—থেকে থেকে যেন ইঁপাতে ইঁপাতে কুণ্ড মশায় কথাগুলো শেষ করলেন।

—ব্যস্ত হবে না, স্থির হয়ে শুয়ে থাকুন। আচ্ছা সে হবে—সেগুলো কোথায়?

কুণ্ডু মশায় শিবনেত্র হয়ে শিররে উপবিষ্ট ছোকরার দিকে ডাকাবার চেষ্টা করলেন। ছেলোট তখনই নিজে থেকে বললে—উনি আমার সন্ধ্যাবেলা বলেছিলেন শুদ্ধি করে রাখতে—ওঁর তোরঙ্গ থেকে বের করে রেখেছি।

কুণ্ডু মশায় বললেন—এঁর হাতে দাঁও।

আমি হাতে নিয়ে বললাম—পেয়েছি। এগুলো কি করব বলুন আমায়।

আবার তিন চার মিনিট কেটে গেল—রোগী নিরুত্তর। তারপর আমার হাতে দুর্বল হাত তুলে দিয়ে বললেন—আপনার কাছে যত্ন করে রেখে দেবেন। ওদের যত্ন আর কোথাও হবে না। তার নিলেন ?

—নিলাম, ভাববেন না।

কুণ্ডু মশায় দীর্ঘ-নিশ্বাস ফেলে বললেন—আর কোন ভাবনা নেই। মরণে ভয় করি নে, ব্যেস হয়েছে। এই খাতাগুলো—। শেষের দিকের কথাগুলো যেন কুণ্ডু মশায় আপন মনেই বললেন।

“এই তাঁর শেষ কথা। আমি সারারাত বসে ছিলাম তাঁর শয্যাপার্শ্বে। রাত্রিশেষে কুণ্ডু মশায় মারা গেলেন। শবাহুগমনের সময় আমি সঙ্গে যাওয়া কর্তব্য বিবেচনা করলাম। আমারই অহুরোধে তাঁর প্রিয় মজা খালের ধারে তাঁর দাহকার্য্য সমাধা হল। চিত্তার ওপর আমি আমার নিজের হাতে বস্ত্র ছোটগোয়ালে লতার ফুল নিকটবর্তী ঝোপ থেকে তুলে এনে ছড়িয়ে দিলাম।

রায় সাহেবের সঙ্গে দিন চারেক পরে দেখা। আমার বললেন—আপনি সেদিন শুনলাম খুব করেছেন। লোকটা নিজের দোবেই মারা গেল।

সংক্ষুয়

অতুল স্ত্রীকে ডেকে বললে—সে টাকা কোথায় গেল ? বাস্তবের মধ্যে যে টাকা ছিল ?

স্ত্রী দ্বিতীয় পক্ষের বৌ, স্বামীকে বেশ ভয় করে। সম্প্রতি টাইফয়েড থেকে উঠে অনেক কথাই মনে করে রাখতে পারে না।

ভয় পেয়ে বললে—কেন, বাস্তবের মধ্যে তোয়ালে-বাঁধা ছিল—নেই ?

—দেখছি নে তো। তুমিও দেখ না খুঁজে।

বা গিয়েছে তা আর পাওয়া যায় না। সে টাকাও পাওয়া গেল না। বাস্তবের মধ্যে তো নেইই—কোথাও তা নেই। বিয়লা সারা দুপুর ধরে শত আয়গায় খুঁজেও তার কোন কিনারা করতে পারলে না। সন্ধ্যার সময় রান মুখে এসে স্বামীকে বললে—সে তো পেলাম না ?

—পাবে না আমি জানি। আমার জিনিসে তোমাদের কোন মাল্য নেই। যেদিন নিকরপমা (প্রথম পক্ষের স্ত্রী) গিয়েছে, সেদিনই সব গিয়েছে। তোমার বাস্নে অতগুলো টাকা রইল; কাপড় আছে, সায়া-সেমিজ, পাউজারের কোটো ঠিকই রইল—তোমালে-বাধা টাকাটাই গেল চুরি।

সস্তা টাইফয়েড থেকে উঠেছে বিমলা।

তার অধিকাংশ কথাই মনে থাকে না। তোরঙ্গের মধ্যে তার জামাকাপড় সাবান এসেঙ্গ ছিল সবই সত্যি বটে, কিন্তু সে ভেবে দেখলে গত তিন মাসের মধ্যে সে রোগশয্যার পড়ে ছিল মাস দুই—মরণের ঘার থেকে ফিরে এসেছে তাও সে জানে। স্বামীই সর্বদা শিররে বসে পাখার বাতাস করে, মাথায় ঘটি ঘটি জল ঢেলে, কত রকমে সেবা শুশ্রূষা করে তাকে বাঁচিয়ে তুলেছে—একথা তার ভালা-ভালা মনে আছে। অসুখ সেরে উঠে আজ দিন কুড়ি সে বাপের বাড়ী এসেছে—সেই তোরঙ্গটাও এখানে এসেছে সঙ্গে।

অসুখের আগে একদিন অতুল খাজনা আদায় করে অনেকগুলো টাকা আনে। বিমলা বায়না ধরলে—ওগো, কিছু টাকা আমার দাও—দিতেই হবে—ছাড়ব না কিছুতেই।

অতুল দ্বিতীয় পক্ষের স্ত্রীর অকৃত্য আবদারে একটু বিরক্ত না হয়ে পারলে না। সংসার-ধরচের টাকা, জমাবার মত বেশি টাকা যদি থাকত তবে সে কথা স্বতন্ত্র। তা যখন নেই অত বড় মেয়ের বোঝা উচিত। কিন্তু স্ত্রী বায়না ধরলে ছেলেমানুষের মত—এ টাকাগুলো আমি আমার বাস্নে তুলে রাখব—নাও আমাকে, ওগো?

অতুল পাঁচটি টাকা অল্প ধরচের জন্ত রেখে বাকি টাকা স্ত্রীর হাতে তুলে দিল। অতুলেরই একটা আধ-ময়লা কমালে বিমলা টাকাগুলো বেঁধে তাকে ছোলার কলসীর মধ্যে রেখে দিল।

বাস্নে অতুল বললে—টাকা কোথায় রেখেছ?

—তাকে, ছোলার কলসীর মধ্যে।

—থাক, ভাল জায়গা। কেউ টের পাবে না।

এর কিছুদিন পরে বিমলা পড়ল সস্তা টাইফয়েডে। দুদিন পাঁচদিন করে যখন আঠার দিন কেটে গেল—তখন বাড়ীর ঝি একদিন বিমলার ভায়ীকে বললে—দিদিমণি, ছোলাগুলো রোদ্ধুরে দেব? বর্ষাকাল, নষ্ট হয়ে যাবে একেবারে।

বিমলার এই ভায়ী তার মামার সংসারেই থাকত। অবিবাহিতা, তের-চৌদ্দ বছর বয়স। সে ছেলেমানুষ, কিছুই জানে না টাকার খবর। তার সম্মতি পেয়ে ঝি ছোলার কলসী তাকে থেকে পেড়ে ছোলা ঢালতে গিয়ে কুম্বালে-বাধা কি একটা দেখতে পেলে।

প্রথমে সে বুঝতে পারে নি জিনিসটা কি। হাতে নিয়ে নাড়াচাড়া করে যখন বুঝলে এতে পরসাকড়ি বাধা, ততক্ষণ বিমলার ভায়ী জরজরী সেখানে চুলের দড়ি রোদে দিতে এসে দাঁড়িয়েছে। জরজরী বললে—কি গো ওটা?

—তা কি জানি দিদিমশি, এই তো বেরুল এর ভেতর থেকে—কি জানি।

—দেখি দেখি, দাও তো ?

বাড়ীতে কেউ নেই, মামা কোথায় বেরিয়েছে, সে শয্যাগত মামীর কাছে রুমালে-বাঁধা টাকা এনে বললে—মামীমা, এ টাকা তুমি রেখেছিলে ছোলার কলসীতে ?

বিমলার তখন ভীষণ জ্বর, গা ভেতে তপ্ত খোলার মত। সে তাড়াতাড়ি জ্বর-অবস্থার উঠে হাত বাড়িয়ে বললে—দে, আমার টাকা—

অতুল সেই সময় ঘরে ঢুকে সব শুনে বলল—তুমি শোও, শোও—টাকার জন্তে কি ? শুয়ে পড়।

—আমার এই টাকাগুলো রেখে দেবে ?

—হ্যাঁ, আমি রেখে দিচ্ছি, রেখে দিচ্ছি।

—দাঁড়াও ক টাকা গুণে রেখে দিই। এক, দুই, তিন—এই আঠার টাকা সাত আনা। কোথায় রেখে দেবে ?

—আমি ঠিক জায়গাতে রেখে দেব। তুমি নিজের বুদ্ধিতে টাকা রাখতে গিয়ে হারিয়েছিলে তো টাকাটা ? বিন্দি না দেখলে ঝি মাসী চক্কুলান করেছিল আর কি ! আমার কাঠের বাক্সটাতে রেখে দেব, কেমন ?

—রেখে দাও। তুমি যেন খরচ করে কেলো না তা বলে ? ও আমার টাকা, আঠার টাকা সাত আনা—মনে করে রেখে দিলাম।

তার পর বিমলার অসুখ ভীষণ বেড়ে গেল। অতুলের পাড়ারগায়ের ছোট্ট সংসার—মেটে ঘর, খড়ের চালা। সংসারে আছে মাত্র ভারী আর স্ত্রী। আর দ্বিতীয় পুরুষমানুষ নেই। সে পড়ে গেল মহা মুশকিলে। রোজ মহকুমা থেকে ঘোড়ার গাড়ী ভাড়া করে ডাক্তার আনতে হয়। খরচ বা পড়ে, তাতে সামান্য খাজনাপত্রের আয়ে কোনমতেই কুলোয় না, কদিনেই বেশ কিছু ঋণগ্রস্ত হতে হল।

বিমলার জ্ঞান-চৈতন্য নেই। যখন একটু জ্ঞান হয়, তখন কেবল বলে—জল খাব, আমার জল দাও—এক বটি জল দাও—

তার পরেই আর জ্ঞান থাকে না।

ডাক্তার বললে, চেষ্টার তো ক্রটি করেছি নে অতুলবাবু, তবে এই সোণবাক্সটা না কাটলে কিছু বলতে পারব না।

—ও বাঁচবে তো ডাক্তারবাবু ?

—কি করে বলি বলুন, সবই ভগবানের হাত। কাল একটা ইনজেকশন দেব ভাবছি।

ইনজেকশনের কথা শুনে বিমলা ভয় পেয়ে গেল। ইনজেকশন করলে ভারি নাকি লাগে, গা ছুঁড়ে গুঁষ দেওয়া, সে নাকি বড় খারাপ কথা। অতুল নানারকমে তাকে বুঝিয়ে রাজী করালে।

স্নাত্রে আবার বিমলা বললে, হ্যাঁগা, কাল সকালে আমাকে নাকি ইনজেকশন দেবে ?

—কেন, তখন তো তুমি রাজী হলে ?

—একটা কথা বলব ? আমার আর ওসব কষ্ট দিও না।

—কেন, কি হল আবার ?

—আমি এবার বাঁচব না। তোমার অদৃষ্টে বৌ নিয়ে সংসার করা নেই দেখছি।

—ওসব কথা বলতে নেই এখন। ছিঃ, চুপ করে শুয়ে থাক।

—তোমার কোন বুদ্ধি নেই। যা বলছি তাই শোন।

—শুনছি। তুমি বেশি কথা বলো না। ডাক্তারে বারণ করে গিয়েছে।

—হ্যাঁগা, তুমি আমার বাঁচিয়ে তুলতে পারবে।

—সে আবার কি কথা ! নিশ্চয়ই। তোমার কি হয়েছে ? এর চেয়েও শক্ত অসুখ হয় লোকের, তারা বেঁচেও ওঠে।

বলে, অতুল কে কোন্‌ দুঃসহ ব্যাধি থেকে মুক্তি পেয়েছে তারই তালিকা, কতক শ্রুতি থেকে কতক কল্পনার ওপর নির্ভর করে আবৃত্তি করতে লাগল স্ত্রীর শিয়রে বসে। রায়দেব বাড়ীর বড়-বৌ পাঁচ মাস অসুখে ভুগে কঙ্কালসার হয়ে গিয়েছিল, ননী চক্ৰান্তি এই ধরনের টাইফয়েডে ভুগে বিছানার সঙ্গে মিশে গিয়েছিল, তারা সেরে সামলে উঠে দিবিয়া সংসারধর্ম করছে।

বিমলা বললে, সে কতদিন আগে ?

—ওঃ, তখন নিরু বেঁচে আছে। তুমি তখন হয়তো জন্মাও নি।

—আমাকে তুমি বাঁচাও। তোমার কাছ ছেড়ে আমার কোথাও যেতে ইচ্ছে করে না, স্বর্গেও না।

—তোমার তো সেরে গিয়েছে। ভাবনা কিসের ? চুপটি করে শুয়ে থাক তো !

—সত্যি আমার তুমি বাঁচাতে পারবে ?

অতুল দেখলে বিমলার রোগজীর্ণ কপোল বেয়ে চোখের জল গড়িয়ে পড়ছে, মুখের ভাব এত বদলে গিয়েছে যে ওকে সেই বিমলা বলে চেনাই যার না। ওর মাথার চুলের মধ্যে আঙুল চালিয়ে দিয়ে আদর করতে করতে অতুল বললে, অমন কথা বলে না। নিশ্চয়ই বেঁচে উঠবে, সে আবার একটা কথা কি।

বিমলা নিশ্চিন্ত হয়ে ছেলেমানুষের মত ঘুমিয়ে পড়ল।

সোমবারের বিপদ ঈশ্বরের ইচ্ছায় কেটে গেল এবং বিমলা ক্রমে ক্রমে ব্যাধিমুক্ত হয়ে পথ্য পেলে দু মাস অতি কঠিন রোগভোগের পরে। অসুখ সেরে উঠে বিমলার মস্তক কেমন দুর্বল হয়ে গেল, কোন কথাই সে মনে রাখতে পারে না। আট দশ দিন এভাবেই কাটল। সকালবেলা আহাতিমির পরে হয়তো একটু চুপ করে শুয়ে থাকে, তার পর ছপ্পরের দিকে উঠে বিছানার বসে জরতীকে ডাকাডাকি করে—ও বিদ্বি, শুনে যা—ও বিদ্বি—

—কি মামীমা ?

—কত বেলা হয়ে গেল, আমার ভাত দিবি নে ?

—সে কি মামীমা। তুমি রোগা মানুষ, নটার সময় যে তোমাকে ভাত দিয়ে খাইয়ে গেলাম পাশে বসে।

—না, আমি খাই নি—দে, ভাত দে—

—তুমি ভুলে গেলে মামীমা, ভাত দিয়ে গেলাম যে। তুমি যে খেয়ে শুয়ে ছিলে—

—হ্যাঁ, তোমের সব মিথো কথা। আমার খেতে দিবি নে তাই বল। দে দুটো ভাত !...
বিমলা ছেলেমানুষের মত কাঁদতে শুরু করলে।

অন্নভী স্বপ্নের স্বরে বললে—কাঁদতে নেই মামীমা ছিঃ, তোমার মনে থাকে না কিচ্ছু। ভাত তোমাকে খাইয়ে গিয়েছি—আচ্ছা মামাবাবু এলে জিজ্ঞেস করো—

—হ্যাঁ, যেমন তুই, তেমনি তোর মামাবাবু—আমি এদিকে খিদে জ্বলার মরছি—

অন্নভী নানারকমে ভুলিয়ে তার দুর্বলমস্তক মামীমাকে শান্ত করে ঘুম পাড়ালে।

শ্রাবণের শেষ। ভীষণ বর্ষা পড়ে গেল। দিন নেই রাত নেই, সব সময় বৃষ্টি। খানা-ডোবা জলে ঠৈ ঠৈ করছে, পটলের ক্ষেত সব জলে ডুবে গিয়েছে বলে ছাটে-বাজারে পটল বেজার আঁক।

একদিন বিমলা স্বামীকে ডেকে চুপি চুপি অপরাধিনীর মত বললে—ওগো, একটা কথা বলব ?

—কি ?

—আমি একটা ভুল করে বড় লোকসান করে ফেলেছি,—বল, আমার বকবে না ?

—আগে শুনি না ?

—বকবে না আগে বল—

—আচ্ছা, বকছি নে।

—দেখ, তুমি সেই একবার আমার টাকা দিয়েছিলে মনে আছে। আমার অন্নখের আগে ? সে আমি তাকের ওপর ছোলার কলসীটার মধ্যে রেখেছিলাম। আজ আশ্চর্য আশ্চর্য ভাঁড়ার ঘরে গিয়ে ছোলার কলসীটা পেড়ে দেখলাম সে টাকা নেই। সে তো কেউ জানত না। আমার অন্নখের সময় কে বের করে নিয়েছে। আমার মনে হয় ঝি মাগীটা—এবন কি ও কবুল যাবে ? কত টাকা ছিল তোমার মনে আছে ?

অন্নভীর মনে কি কুতূহল চাপল। অনেক টাকা খরচ হয়ে গিয়েছে স্ত্রীর অন্নখে। বেশি তো নয়, আঠার টাকা সাত আনা মাত্র। বিমলার মনে নেই যে ভীষণ অন্নখের সময় টাকাটা সে তারই হাতে দিয়েছিল। বললে, তা থাক গে। গিয়েছে তো গিয়েছে—সামান্য টাকা—

—ঝিকে একবার বল না ?

—ও ঝগড়া বাধাবে তা হলে। কেউ তো শুক দেখে নি টাকা নিতে ? কি আর হবে !

—কত টাকা তোমার মনে আছে? একটা ময়লা কুমালে বাঁধা ছিল মনে হচ্ছে যেন।
আহা, কতগুলো টাকা—আমার অদেউই গেল! তুমি কিছু মনে ক'রো না—লক্ষীটি। রাগ
করবে না আমার ওপর? তোমার কেউ-লোকসান করতেই আমি আছি।

বিমলা নিঃশব্দে কান্ডে লাগল।

একবার অতুলের মনে হল সব কথা স্ত্রীকে মনে করিয়ে দেব। বলে, ভেবো না, লক্ষীটি
—ঠাট্টা করছিলাম। টাকা যে সেই তুমি আমার হাতে—

কিন্তু তখনই ভাবলে, হবে হবে—এর পরে দেব। এই খাকাটা সামলে নিই তো। সামান্য
টাকা, দিলেই হবে এর পরে।

তাত্র মাস পড়বার আগেই ঘুঘু-ডাকা সূদীর্ঘ শ্রাবণের এক দ্বিপ্রহরে নৌকাযোগে সে তার
স্ত্রীকে বাপের বাড়ী রেখে এল। এত বড় অস্থখ থেকে উঠল, বাপ-মায়ের কাছে একবার যাওয়া
উচিত।

বিমলা আর ক্ষেঁরে নি।

শীতের প্রথমে সামান্য জ্বর থেকে দাঁড়াল নিউমোনিয়া, দুর্বল শরীর সামলাতে পারলে না
সে খাফা। অতুলের সঙ্গে দেখাও হয় নি শেষ সময়টা। স্বামী—বা হু-পাঁচটা সঞ্চিত টাকা
যা পাউডারের কোটোটাতে ছিল নিজের তোরঙ্গটাতে—সব ফেলে রেখে চলে গেল।

এর পর সাত বৎসর অতীত হয়ে গিয়েছে।

অতুলের বয়সও উঁটিয়েছে, মাথার চুলে পাক ধরেছে, দেখলেই মনে হবে যৌবন বিদায়
নিয়েছে কিছুকাল আগে। এখন রাস্তার কনট্রাক্টরি করে হাতে দু পয়সা করেছেও। আগের
চেয়ে অবস্থা ঢের ভাল। গ্রামের মধ্যে একজন সঙ্কতিপন্ন লোক সে বর্তমানে। এবার স্থানীয়
ইউনিয়ন বোর্ডের প্রেসিডেন্টও নির্বাচিত হয়েছে।

শীতকালের দিন। সে বসে চৌকিদারের মাসিক বেতনের বিল পরীক্ষা করছে, এমন
সময়ে পাশের ঘর থেকে সরোজিনীর (তৃতীয়পক্ষের স্ত্রী; ছুটি ছেলে ও একটি মেয়েও হয়েছে)
উত্তেজিত কণ্ঠস্বর শোনা গেল।

—শোন শোন, শীগ্গির ইদিকে এস তো? দেখ দেখ—

কি না জানি বিপদ ঘটেছে ভেবে অতুল ছুটে গিয়ে দেখল স্ত্রী ঘর পরিষ্কার করতে করতে
পৈতৃক আমলের যে বাক্সটাতে সাবেক আমলের জমিজমার খাতা, পুরোনো চেকদাখিলা,
কাগজপত্র ইত্যাদি আছে তার মধ্যে থেকে কীটদষ্ট বিবর্ণ একটা নেকড়ার পুঁটুলি বার করে
হাতে তুলে ধরে বলছে, এই দেখ! আজ ভাবলাম পুরনো বাক্সটা ঝেড়ে-ঝুড়ে সাফ করি,
কাগজপত্রের ভেতর এই দেখ কি ছিল। কি বল তো এটা? বোধ হয় টাকাকড়ি। খুলে
দেখি দাঁড়াও।

পরে দ্বিপ্রহরে পুঁটুলির গেরো খুলে বললে, দেখ দেখ—টাকা আর খুচরো! দাঁড়াও
.তিনি—

আনন্দপূর্ণ উজ্জ্বলিত কর্তে সে গুণতে লাগল—এক, দুই, তিন, চার, পাঁচ—ওঃ দেখি—

গোপা শেষ করে খুশির দৃষ্টিতে স্বামীর দিকে চেয়ে বললে, হুঁ হুঁ। এককিছু আমি দেব না। কর্তাদের আমলের রাখা নিশ্চয়ই। এতদিন তোমরা তো কেউ পাও নি। একখানা কুমালে বাধা—দেখ না?

অতুল চিত্রাঙ্গিতের মত দাঁড়িয়ে ছিল এতক্ষণ।

অনেকদিন আগেকার একখানা জরদীপ্ত আরক্ত মুখ...ছেলেমানুষের মত লোভার্ভ দৃষ্টি... এক বর্ষার মেঘমেঘুর দিন... আবণ মাস...

সে শুধু কলের পুঁতুলের মত বললে, কত আছে বললে?

সরোজিনী হেসে ঘাড় জুলিয়ে জুলিয়ে বললে, আঠার টাকা সাত আনা। এ আমি আর দিচ্ছি নে! আমি পেলাম, এ আমি নেব।

সুহাসিনী মাসীমা

সুহাসিনী মাসীমাকে আমি দেখি নি। কিন্তু খুব ছোট বয়সে যখনই মামার বাড়ী যেতুম, তখন সকলের মুখে মুখে থাকত সুহাসিনী মাসীমার নাম।

—সুহাস কি চমৎকার বোনে! এই বয়েসে কি সুন্দর বহুনির হাত!

—সুহাসিনী বললে, এস দিদি ব'স। বেশ মেরে সুহাসিনী।

—সেবার সুহাসিনীকে নেমস্তন্ন করে পাওয়ালুম পূর্ণিমার দিন।

—সুহাসিনী ওসব অনেকা দেখতে পারে না, তাই জন্তে তো মায়ের সঙ্গে বনে না।

সুহাসিনী গ্রামের সকলের যেন চোখের মণি। সুহাসিনী মাসীমা সম্বন্ধে কথা বলবার সময় সবারই অর্থাৎ আমার বুড়ী দিদিমার, গল্প দিদিমার, মাসীমাদের, মায়ের, মামাদের গলার সুর বদলে যেত, চোখে কি রকম একটা আলাদা ভাব দেখা যেত। আর একটা কথা। রূপের কথা উঠলে সকলেই বলত আগে সুহাসিনী মাসীমার কথা, অমন রূপ কারও হয় না, কেউ কখনও দেখেনি।

শুনে শুনে আমার মনে অত্যন্ত কৌতূহল হল যে, সুহাসিনী মাসীমাকে একবার দেখব। দেখতেই হবে।

দিদিমাকে একদিন বললুম, সুহাসিনী মাসীমা এখানে কোথায় থাকেন?

* —কেন রে?

—আমি একদিন দেখতে যাব।

—সে তোর ওই কানই মামার বোন ওপাড়ার। মুখোয়াদের দোতলা বাড়ী পুকুরধারে দেখিসনি? তা সুহাস তো এখন এখানে নেই। বস্তুরবাড়ী গিয়েছে।

—বিয়ে হয়ে গিয়েছে বুঝি?

—তা হবে না ? উনিশ-দুড়ি বছর বয়েস হল, বিয়ে কোন কালে হয়েছে।

সুহাসিনী মাসীমার বিয়ে হওয়ার কথাটা যেন খুব ভাল লাগল না। কেন ভাল লাগল না তা কি করে বলব। আমার বয়স ন বছর আর সুহাসিনী মাসীমার বয়স উনিশ-দুড়ি ; বিয়ে হলেই বা আমার কি, না হলেই বা আমার কি।

মামার বাড়ীতে প্রতি বছর জ্যৈষ্ঠ মাসের ছুটিতে বাই, কিন্তু কোনও বার সুহাসিনী মাসীমার সঙ্গে আমার দেখা হয় নি। হয় তিনি বৈশাখের মাঝামাঝি চলে গিয়েছেন, নয়তো তিনি আসবেন আশ্বিন মাসে শস্তরবাড়ী থেকে।

—কান্তনু মাসে এসেছিল সুহাস, বৈশাখ মাসে চলে গেল। আজকাল থাকে ভাল আরগায়। যেমন রং, তেমনিই রূপ, যেন একেবারে কেটে পড়ছে।

অল্প লোকের প্রশ্নের উত্তরে দিদিমা কিংবা আমার মাসীমারা এ ধরনের কথা বলতেন, শুনতে পেতাম। আমি কোনও প্রশ্ন এ-সম্বন্ধে বড় একটা করতুম না, অথচ ইচ্ছে হত সুহাস মাসীমার সম্বন্ধে আরও অনেক কিছু জানবার, আরও অনেক কথা শোনার। কিন্তু কেমন যেন লজ্জায় গলার কথা আটকে যেত, জিগ্যেস করতে পারতুম না।

—না, তা কি করে থাকবে, সুহাসিনী না হলে শস্তর বাড়ীর একদিন চলে না—কাজেই চলে যেতেই হল, নইলে অষ্ট মাসে আম কাটাগ খেয়ে যাবার তো ইচ্ছে ছিল। শাওড়ি বলে—বোমা এখানে না থাকলে যেন হাত পা আসে না—বোমার মুখ সকালে উঠে না দেখলে কাজে মন বসাতে পারি নে।—তাই ছেলে পাঠিয়ে নিয়ে গেল।

—একদিন কি হল জান, চুপুরবেলা সুহাসের কিট হয়েছে শুনে তো ছুটে গিয়ে দেখি রান্নাঘরের সামনে সানের রোয়াকে সুহাস অজ্ঞান হয়ে পড়ে রয়েছে—আর তার মাথায় জল ঢালা হচ্ছে। মাথায় একরাশ কালো কুচকুচে জিঞ্জি চুল, দেহ এলিয়ে পড়ে আছে। অমন রূপ কখনও দেখি নি মাহুঘের, কি রূপ ফুটেছে সুহাসের—সত্যি—

সুহাস মাসীমার রূপের ও গুণের প্রশংসায় এই গ্রামের সবাই পঞ্চমুখ। তারা জীবনে যেন এমন মেয়ে আর দেখে নি। ওদের মুখে মুখে সুহাসিনী মাসীমাও আমার মনে অত্যন্ত বেড়েই বললেন—কল্পনার, চোখের দেখায় নয়।

অল্প বয়সে যখন মনের আকাশ একেবারে শূন্য, তখন লোকের মুখে শুনে শুনে ধীরে ধীরে একটি আদর্শ নারীমূর্তি আমার মনে গড়ে উঠেছিল—বহুকাল পর্যন্ত এই মানসী নারীপ্রতিমার কষ্টিপাথরে বাস্তবজীবনে দৃষ্ট সমস্ত নারীর রূপ ও গুণ যাচাই করে নিতাম, অনেকটা নিজের অজান্তসারেই বোধ হয়। সে মানসী প্রতিমা ও আদর্শ নারী ছিলেন সুহাসিনী মাসীমা—যাকে কখনও চোখে দেখলুম না।

তখন কলেজে পড়ি। কি একটা ছুটিতে মামার বাড়ী গিয়েছি। তখন অনেকটা গভীর হয়ে পড়েছি আগেকার চেয়ে এবং রান্নাঘরের কোণে বসে দিদিমা ও মাসীমাদের মুখে মেয়েলি গল্প শোনার চেয়ে চক্ৰীয়ভাবে মেজ দাঙ্গ ও মামাদের সঙ্গে আর্থান যুদ্ধের আলোচনা ও সে

সময়ে নিজের সমস্ত অধীত লজ্জ-এর মর্জান ইউরোপের ঐতিহাসিক জ্ঞান 'সম্পর্কে প্রদর্শন করবার কোঁক তখন অনেক বেশি। সকাল বেলা, আমি সমবেত হু-পাঁচ জন লোকের সামনে বিলম্বের রাজনীতি ও জীবনী (লজ্জ-এর 'মর্জান ইউরোপ' অল্পবায়ী) 'সোৎসাহে বর্ণনা করছি, এমন সময়ে ওপাড়ার কানাই মামা (সুহাসিনী মাসীমার ছোট ভাই) এসে সেখানে পাড়াল।

মেজ দাঙ্গ জিজ্ঞেস করলেন—কি কানাই, কবে এলে কলকাতা থেকে ?

কানাই বললে—আজই এলুম কাকাবাবু। দিদি আজ ওবেলার ট্রেনে আসবে কিনা। দাদাবাবু পনেরো দিনের ছুটি নিয়ে আসবেন। তাই আমি সকালের গাড়ীতে চলে এলুম স্টেশনে গাড়ী পাঠানোর ব্যবস্থা করতে।

তখন মনে কেমন একটা আনন্দ ও উত্তেজনা অল্পভব করলুম। সুহাসিনী মাসীমা আসবেন আজই, দেখব—এতকাল পরে সুহাসিনী মাসীমার সঙ্গে চাক্ষুষ দেখা হবে। আমার মনের সেই মানসী প্রতিমা সুহাসিনী মাসীমা। তার পর আবার নিজেই আশ্চর্য্য হয়ে গেলুম নিজের মনের ভাবে। আসেন আশুন, না আসেন না আশুন—আমার কি তাতে ?

অথচ সন্ধ্যাবেলার দিকে কাঁটালতলাটার পায়চারি করছিলুম, বোধ হয় কিছু উৎসুক ভাবেই। এই পথ দিয়েই সুহাসিনী মাসীমার গরুর গাড়ী স্টেশন থেকে আসবে। এই একমাত্র পথ।

সন্ধ্যার কিছু আগে গরুর গাড়ী স্টেশন থেকে ফিরে এল—কানাই মামার ছোট ভাই বীরু তাতে বসে।

জিজ্ঞেস করলুম—কোথায় গিয়েছিলি রে বীরু ? গাড়ী গিয়েছিল কোথায় ?

বীরু বললে—স্টেশনে। বড় দিদির আঁসবার কথা ছিল, এল না।

বললুম—রাতের ট্রেনে আসতে পারেন তো—

—না, তা আসবেন না। অন্ধকার রাত, মেঠো পথ দিয়ে আসা—রাতের গাড়ীতে কখনও আসবে না। কঁধাই আছে।

গাড়ী চলে গেল।

জীবনের গত দশ বছরের মধ্যে—তখন আমার বয়স ছিল নয়, এখন উনিশ—এই প্রথম বার সুহাসিনী মাসীকে দেখবার সুযোগ ঘটবার উপক্রম হয়েছিল, কিন্তু উপক্রম হয়েই থেমে গেল, ঘটল না।

সেদিন কেন, তার পর প্রায় এক মাস সেখানে ছিলাম—সুহাসিনী মাসীমা তার মধ্যেও আসেন নি।

কলেজ থেকে বাইরে ইয়ে ক্রমে চাকরিতে ঢুকে পড়লুম। বয়স হয়েছে চক্ৰিশ, ষোল বছর কেটে গিয়েছে বাল্যের সেই আমার বাড়ীর দিনগুলি থেকে। দিদিমা বেঁচে নেই, মামার বাড়ী যাওয়া আগের চেয়ে অনেক কমে গিয়েছে, সুহাসিনী মাসীমার কথা স্ননেতে পাই কেবল আমার

আপন মাসীমাদের মুখে। তাও তত বেশি করে নয় বা তত ঘন ঘন নয়, বাল্যকালে যেমন দিদিমার মুখ থেকে শুনতুম।

কিন্তু তা বলে সুহাসিনী মাসীমা কি আমার মনে ছোট হয়ে গিয়েছিলেন?

আশ্চর্যের বিষয়, তা মোটেই নয়।

বাল্যের সে মানসী প্রতিমা যেমন তেমনই ছিল, তার রূপের কোথাও একটুই স্নান হয় নি। বন্ধুবান্ধবের বিয়েতে নিমন্ত্রিত হয়ে গিয়ে কত নববধূকে সেই মানসী প্রতিমার কষ্টি-পাথরে বাচাই করতে গিয়ে তাদের প্রতি অবিচার করেছি।

বয়স যখন ত্রিশ-বত্রিশ, তখন কলকাতার এসে থাকতে হল কার্য্য উপলক্ষে। একদিন আমার মামার মুখে কথায় কথায় শুনলাম—সুহাসিনী মাসীমার স্বামী এখন বড় এঞ্জিনীয়ার, অনেক টাকা রোজগার করেন, বাগবাজারে নবীন বোসের লেনে সম্প্রতি বাসা করে আছেন। এমন কি মামা বললেন—বাঁবি একদিন? সুহাসিনীদির সঙ্গে আমারও অনেকদিন দেখা হয় নি। তুই কখনও দেখেছিস কি? চল, কাল যাওয়া যাক, ঠিকানাটা আমার ডায়েরিতে লেখা আছে।

পরদিন আমার কি একটা গুরুতর কাজ ছিল, তাতেই যাওয়া হল না। মামাও আর সে সময়ে কোন কথা উত্থাপন করলেন না। আমি ইচ্ছে করলে একাই যেতে পারতাম—মামা ঠিকানাটা আমার বলেছিলেন তার পর, কিন্তু তারা আমার কেউ চেনে না, এ অবস্থায় যেতে দেখানো যেতে বাধ্যত।

আরও বছর দুই-তিন কেটে গেল। আমার বয়স চৌত্রিশ। সংসারী মানুষ, ছেলেপুলে হয়ে পড়েচে অনেকগুলি। পশ্চিমের কর্তৃস্থান থেকে দেশে ঘন ঘন আসা ঘটে না। এ সময় একবার মামার বাড়ীর গ্রামের কানাই মামার সঙ্গে জামাগুপ্তপুর স্টেশনে দেখা। কানাই আমার বাল্যবন্ধু এবং সুহাসিনী মাসীমার ছোট ভাই।

—কি হে, কানাই মামা যে! এখানে কোথায়?

—আরে শতীন যে! তুমি কোথায়? আমি এখানে আছি বছরখানেক, ওয়ার্কশপে কাজ করি।

—বেশ, বেশ। বাসা করে যেয়েছেলে নিয়ে আছ?

—না, দিদিমুদের রয়েছে কিনা, জামাইবাবুর, শরীর খারাপ, চেয়ে এসেছে। সেখান থেকেই ষাভায়াত করি। এস না একদিন? বেলুন বাজারে, গজার কাছেই। কবে আসবে?

আমি থাকি সাহেবগঞ্জে। সর্ব্বদা মুন্সেরের দিকে যাওয়া ঘটে না—তবু কানাইএর কাছে কথা দিলাম একদিন সুহাসিনী মাসীমার বাসায় যাব মুন্সেরে।...সেটা কর্তব্যও তো ঘটে, দেশের লোক অস্থির হয়ে রয়েছেন দূর দেশে—আয়রা যখন এদেশ-প্রবাসী—যাওয়া বা দেখা-শুনো করা তো উচিতই।

সাহেবগঞ্জে ফিরে এসে স্ত্রীকে কথাটা বলতে সেও খুব উৎসাহ দেখালে।

বললে—চল না মাসীমার সঙ্গে দেখা করে সীতাকুণ্ডে স্থান করে আসা যাবে। কখনও মুন্সেরে যাই নি—ভালই হল, চল এই মকর-সংক্রান্তির ছুটিতে—

একথা ঠিকই যে, এই দীর্ঘ ছাত্রীশ বৎসর পরে সুহাসিনী মাসীমাকে দেববার সে বালা-ও প্রথম-বৌবন-দিনের আশ্রয় ছিল না—তবুও কৌতূহলে এবং মনের পুরনো অভ্যাসের বশে একদিন মুন্সেরে গিয়ে তাঁর সঙ্গে দেখা করবার সঙ্কল্প করলুম। কিন্তু পুনরায় বাধা পড়ল। পৌষ মাসের শেষের দিকে সাহেবগঞ্জে ভীষণ কলেরার প্রাদুর্ভাব হল—আমি ছুটি নিয়ে সপরিবারে দেশে পালালুম। দিন উনিশ-কুড়ি পরে যখন ফিরলুম তখন মকর-সংক্রান্তি পার হয়ে গিয়েছে, মুন্সেরে যাওয়ার কথাও চাপা পড়ে গিয়েছে।

এর মাস-চার পরে আবার কানাইএর সঙ্গে দেখা জামালপুরে।

বললে—ওহে, তোমরা কই গেলে না? তোমাকে খবর দেব ভেবেছিলুম—কি বিপদ গেল যে! জামাইবাবু যারা গেলেন ও মাসের সতেরোই।

সুহাসিনী মাসীমা বিধুবা।

বললুম—ওরা এখনও কি—

—না না। দেওয় এসে নিয়ে গেল স্বস্তরবাড়ী। মস্ত ভাতার দেওয়—ম্যাসিষ্ট্যান্ট-সার্জন, গভর্নমেন্ট সার্ভিস করে। জামাইবাবুর চেয়ে অনেক ছোট।

এইবার চার-পাঁচ বছরের দীর্ঘ ব্যবধান—যখন সুহাসিনী মাসীমার কথা কারও কাছে শুনি নি। তার পর একদিন আমার মাসীমা কাশী থেকে এলেন। বালাকালের সে দিনটি থেকে কতকাল চলে গিয়েছে—যে মাসীমা তখন ছিলেন তরুণী, তিনি এখন কাশীবাসিনী। আমারও বয়স উনচল্লিশ।

মাসীমা বললেন—দশাখমেধ ঘাটে রোজ সুহাসিনীদিদির সঙ্গে দেখা হত কিনা। চমৎকার মেয়ে সুহাসিনী দিদি, ওর সঙ্গে মিশে সময় যে কোথা দিয়ে কেটে যেত। মস্ত বড় সাধুর কাছে দীক্ষা নিয়েছে। ঐকি সুন্দর গীতার ব্যাখ্যা করে। ওর মুখে গীতাপাঠ শুনতে শুনতে রাত যে কত হচ্ছে তা ভুলেই যেতুম। আহা, কি মেয়ে সুহাসিনী দিদি!

বহুকাল পরে সুহাসিনী মাসীমার আবার উজ্জ্বলিত প্রশংসা শুনলাম।

সুহাসিনী মাসীমা চিরকাল লোকের প্রশংসা কুড়িয়ে গেল—কপাল এক-একজনের। আমার ঠোঁটের আগায় এ প্রশ্ন কতবার এল—সুহাসিনী মাসীমা আজকাল দেখতে কেমন?... বহুকাল তাঁর রূপের প্রশংসা কারও মুখে শুনি নি।

কিন্তু আমার মনের সেই বালাকালে গড়া মানসী রূপসী সমানই ছিলেন। বালে তিনি ছিলেন শুধু রূপবতী, এখন রূপের সঙ্গে যোগ হল আধ্যাত্মিকতা। সুহাসিনী মাসীমা একেবারে দেবী হয়ে উঠলেন আমার মনে। আর এটাও মনে রাখতে হবে, দেবীদের মধ্যে সবাই তরুণী—বৃদ্ধা দেবী কেউ নেই।

পরের বছরই আমার চাকরির কাজে আমার কাশী যেতে হল তিন চার দিনের জন্যে। আমার বয়স চল্লিশ। মাসীমা যে বাড়ীটাতে থাকতেন, সেখানে আমার বাড়ীর গ্রামের আর একজন বৃদ্ধা থাকতেন। তাঁর নাম তারকের মা—তিনি জাতে কৈবর্ত, তাঁর ছেলে তারকের নৈছাটিতে বড় দোকান আছে। আমার ওপর তার পড়ল, তারকের মায়ের কাছ থেকে মাসীমার একটা হাত-বাক্স নিয়ে দেশে পাঠিয়ে দেওয়া।

বেলা দশটা। মন্দিরাদি দর্শন করার পরে দশাধমেঘ ঝাটে স্নান করতে নামছি। সঙ্গে আছে তারকের মা।

তারকের মা আনার্জীদের ভিড়ের মধ্যে কাকে সংবাদন করে বললে—দ্বিদি ঠাকুরনের আজ যে সকাল সকাল হয়ে গেল?—যাকে উদ্দেশ করে বলা গেল তিনি কি উত্তর দিলেন আমি ভাল করে শোনার আগেই তারকের মা আমার দিকে চেয়ে বললে—চিনতে পারলে না শচীন? আমাদের গায়ের কানাই—এর দ্বিদি সুহাসিনী—চেন না?

বোধ হয় একটু অসুস্থমনস্ক ছিলাম, কথাটা কানে যেতেই চমকে উঠে দেখি একজন মুণ্ডিত-মস্তক, সুলকায়া বৃদ্ধা, এক ঘটি জল হাতে সিক্ত-বসনে উঠে চলে যাচ্ছেন। কপা রং জলে গেলো যেমন হয় গায়ের রং তেমনই, মুখের চামড়া কুঁচকে গিয়েছে—নিভাস্ত নিকোঁধ নিরীহ পাড়াগায়ের বুড়িদের মত মুখের চোখের ভাব।

সেই সুহাসিনী মাসীমা।

আমি কি আশা করেছিলুম এই স্বর্ধীষ ত্রিশ বছর পরেও সুহাসিনী মাসীমাকে রূপসী যুবতী দেখতে পাব? তবে কেন যে ভীষণ আশ্চর্য্য হয়ে গেলুম, কেন যে মন হঠাৎ ভারাক্রান্ত হয়ে উঠল—কে জানে।

বড় ক্লান্ত বোধ করলুম—ভীষণ ক্লান্ত ও নিরুৎসাহ। ভাবলুম কাশীর কাজ তো মিটে গিয়েছে, মাসীমার বাক্সটা নিয়ে ওবেলার ট্রেনেই চলে যাব। থেকে মিছিমিছি সময় নষ্ট।

অভিশাপ

—“এই সেই প্রতাপনারায়ণ চৌধুরীর বাড়ী।”

আমি সবিস্ময়ে সেই ভয়ঙ্করের পানে চাহিয়া দেখিলাম। এই সেই প্রতাপনারায়ণ চৌধুরীর বাড়ী? সহজে বিশ্বাস করিয়া উঠিতে পারিলাম না। দিনান্তের অস্পষ্ট আলোক বাই বাই করিয়াও আকাশের পশ্চিমপ্রান্তে তখনও অপেক্ষা করিতেছিল। পরিশ্রান্ত বিহগবৃন্দের অবিশ্রাম কুঞ্জনধ্বনি রহিয়া রহিয়া তখনও আকাশ-বাতাস মথিত করিয়া দিতেছিল। গঙ্গার অপূর্ণ ভয়ঙ্কর চিত্তলোকে এক অজ্ঞাতচেননার সঙ্গার করিতেছিল। সেই প্রদোষের স্নান ছাতিবিকাশের অন্তরালে আমি প্রাভঃসরগীর সুবিখ্যাত প্রতাপনারায়ণ চৌধুরীর প্রাণীদের পানে চাহিয়া দেখিলাম। গঙ্গার ঠিক তীরভূমিতে অগণিত লতাপল্লবে মণ্ডিত হস্তপ্রী প্রতাপ-

নারায়ণ চৌধুরীর প্রাসাদ নিঃশব্দে দাঁড়াইয়া আছে। নদীপ্রান্তের অবিরাম আশাতে সে প্রাসাদের অনেকখানিই ভাঙিয়া চুরিয়া কোন্ অনির্দেশের পথে বহিয়া গিয়াছে। অতীতের সাক্ষ্যস্বরূপ বাহা এখনও বর্তমান আছে, তাহা সেই হতগৌরবের কঙ্কালবিশেষ; এখন যেন, সেখানে সেই দুর্দান্তপ্রতাপ প্রতাপনারায়ণ চৌধুরীর প্রেতাত্মা বিরাজ করিতেছে। প্রকৃতি তাহাকে আজ নিজের হাতে সাজাইয়া দিয়াছে, অনাড়ম্বর সৌন্দর্য্য তাহাকে শ্রামল করিয়া রাখিয়াছে। গঙ্গার বক্ষে একটি নৌকা পাল তুলিয়া পাশ দিয়া বহিয়া চলিয়াছিল। একটি মাঝি গান গাহিতেছিল। তাহার সেই ক্রান্ত কণ্ঠস্বব সন্ধ্যাপ্রকৃতির নিঃশব্দতার বন্ধ চিরিয়া চিরিয়া কোন্ দূরাস্থরের এক অপূর্ণ সাড়া বহিয়া আনিতেছিল।

পলাশপুরের প্রতাপনারায়ণ চৌধুরীর নাম শোনে নাই এমন লোক খুব কমই আছে। একদা তাঁহার প্রতাপে সারা পলাশপুর উত্ত্ব হইয়া থাকিত। কিংবদন্তী আছে যে সেকালে নাকি বাঘে গরুতে নির্বিবাদে একই ঘাটে জল পান করিত। অবতড় ক্ষমতাশালী বর্দ্ধিষ্ণু প্রতিপত্তিশালী জমিদার সেকালে খুব কমই ছিলেন। ইংরেজ-রাজত্বের সূচনার দিন হইতে পলাশপুরের চৌধুরী-বংশের উদ্ভব। ইংরেজ-বাহাদুরকে সর্বপ্রকার সাহায্য করার পুঙ্খানুপুঙ্খ ধূর্জটিনারায়ণ চৌধুরী এই পলাশপুরের জমিদারি লাভ করেন। ধূর্জটিনারায়ণ চৌধুরী চৌধুরী-বংশের আদিপুরুষ। তাঁরই পৌত্র বিজয়নারায়ণ চৌধুরী সিপাহী-বিদ্রোহের সময়ে বারাকপুরের বিদ্রোহদমনে ইংরেজদের যথেষ্ট সহায়তা করেন। তাঁহারই প্রচেষ্টায় ক্যাপ্টেন লরেন্স সপরিবারে আত্মরক্ষা করিতে সমর্থ হন। ইতিহাসে সেসব কথা নাই বটে তবে সকলেই সে কথা জানিত। ১৮৫৭ সালের মার্চ মাসের শেষদিকে যখন দুর্ঘ্যোগের ঘনঘটা ভারতবর্ষের রাজনৈতিক আকাশ কালো করিয়া দিয়াছিল, বিজয়নারায়ণ সে সময়ে বারাকপুরে। সেদিনও এমন ছিল। ক্যাপ্টেন লরেন্স বিজয়নারায়ণ চৌধুরীর কর্মকুশলতায় তাহাকে স্বীয় তরবারি উপহার দিয়াছিলেন। বহুকাল সেই তরবারি চৌধুরী বংশের প্রাচীরে অতি সম্বর্ণে অতীত-গৌরবের চিহ্নস্বরূপ টাঙানো ছিল।

বেলেভাঙার জমল হালদারের সঙ্গে গ্রীষ্মের ছুটিতে তার দেশে গিয়াছিলাম বেড়াইতে। সন্ধ্যাকালে গঙ্গার তীরে ভ্রমণ করিতে করিতে পলাশপুরের চৌধুরীবাড়ীর নিকট আসিয়া পড়িলাম। কমল বলিল, এই সেই প্রতাপনারায়ণ চৌধুরীর বাড়ী।

ইতিপূর্বে চৌধুরীবংশের অতীত কাহিনীর আমি অনেক কিছুই শুনিয়াছি। তাঁহাদের সেই বিরাট প্রাসাদের এই দুর্দশা দেখিয়া বাকশব্দ হইয়া গেলাম। এখন মাহুৰ সেখানে বাস করে না। সেটি এখন হিংস্র পশুর শীলাভূমি হইয়া দাঁড়াইয়াছে।

বিজয়নারায়ণ চৌধুরীর পুত্র প্রতাপনারায়ণ চৌধুরীর সময় চৌধুরীবংশের গৌরব চরমে উঠিয়াছিল। চতুর্দিকে চৌধুরীবংশের প্রতিপত্তি ছড়াইয়া পড়িয়াছিল। প্রতাপনারায়ণের সময়ে যেমন চৌধুরীবংশের গৌরব চরমে উঠিয়াছিল, সেই প্রতাপনারায়ণের সময়েই তাহার আবার ভাঙন শুরু হয়। অমাহুৰিক দুশ্চরিত্রতা ও প্রচুর মকদ্দমার ফলে তাঁহার পতন শুরু

হয় মৃত্যুর কয়েক বৎসর পূর্বেই। ঔরঙ্গজেবের রাজত্বকালে মোগলসাম্রাজ্য যেমন চরম সীমায় উঠিয়াছিল, সেই ঔরঙ্গজেবের রাজত্বকালেই আবার তাহার পতন শুরু হয়! বৃদ্ধ সম্রাট বহু দুঃখেই দূর দক্ষিণপথে প্রাণত্যাগ করেন। ঔরঙ্গজেব ছিলেন চরিত্রবান ও ধার্মিক, আর প্রতাপনারায়ণ ছিলেন ঠিক তাহার বিপরীত। তাঁহার অভিধানে চরিত্র বলিয়া কোন শব্দ ছিল না। মদ ও মেয়েমাংস তাহার জীবনের একমাত্র উপাঙ্গ। আর এ ছাড়া যেটুকু সময় পাঠিতেন তাহাতে মামলা-মকদ্দমার তদ্বির করিতেন। তাঁহার জ্ঞান নিখুঁত ভাবে মকদ্দমা তদ্বির করিতে সেকালে খুব কম লোকই পারিত। অথচ লেখাপড়ার তিনি ধার ধারিতেন না, আইন তো দূরের কথা। কত সতীরমণীর আর্ন্তরুদ্ধনে নিঃশব্দরাত্রে চৌধুরীবংশের স্মরণ রঙমহল ঘে ধ্বনিত হইয়া উঠিয়াছিল তাহার ইয়ত্তা নাই। তাহাদের সেই ব্যাকুল কণ্ঠধ্বনি ঝিল্লীরবের সহিত তালে তালে শব্দিত হইয়া মরিজেছে। তাহাদের বিকট অট্টহাস্য হয়তো এখনও ভয়প্রাসাদের প্রাচীরে আঘাত পাইয়া পাইয়া কিরিতেছে।

তিনি বিবাহ করিয়াছিলেন ক্ষীরোদাসুল্লরীকে আর ভালবাসিয়াছিলেন পত্নীর বিধবা ভগিনী আভাময়ীকে। ক্ষীরোদাসুল্লরীর প্রতিবাদ করিবার সাহস হয় নাই। আর বালবিধবা আভাময়ী প্রতাপনারায়ণের প্রেমের তরঙ্গে সংস্কৃত হইয়া আত্মীয়স্বজনের বিবদৃষ্টি হইতে আত্মগোপন করিবার জন্ত উৎসাহে প্রাণত্যাগ করেন। এ ঘটনার পর প্রতাপনারায়ণ আর ক্ষীরোদাসুল্লরীর মুখদর্শন করেন নাই। সেই অভাগী রমণী চার মাসের শিশুপুত্র সূর্য্যনারায়ণ চৌধুরীকে বুকে লইয়া স্বামীর দৃষ্টিপথের অন্তরালে জীবন কাটাইয়া দিতে লাগিলেন। আর প্রতাপনারায়ণের উচ্ছ্বলতার মাত্রা গেল বাড়িয়া। তিনি বাহির-বাড়ীতেই দিন কাটাইয়া দিতে লাগিলেন। আভাময়ীর প্রতি সমাজের এই অসহনীয় অত্যাচারেব প্রতিকার-স্বরূপ তিনি তাঁহার প্রজাদের শাস্তির সংসারে দিতে লাগিলেন আগুন জ্বালাইয়া। গৃহস্বধু বা গৃহহকাতা তাঁহার ক্ষুধিত দৃষ্টি হইতে অতিকণ্ঠে আত্মরক্ষা করিত। সারাদিন পথে পথে পাখীমারা বন্দুক কাঁধে লইয়া পাখী মারিয়া কিরিতেন। সে পথে কোন স্ত্রীলোকের বাহির হইবার সাহস ছিল না। আর তাঁহার সঙ্গে থাকিত কানা কালু সর্দার। কানা হইলে কি হয়, চক্ষুমানকেও সে হার মানাইতে পারিত। তাহার তীক্ষ্ণবুদ্ধির বলে প্রতাপনারায়ণের ক্ষুধা নিবৃত্ত হইত সহজেই। ইংরেজ-রাজত্বের এমন ধরাবাধা আইন তখন ছিল না। প্রতাপনারায়ণের মহল্লায় তাঁহার বিখ্যাত লাঠিখালদের দৌলতে কাহারও চুঁ শব্দটি করিবার সামর্থ্য ছিল না। লাঠির জোরেই রাজ্যজয় হইত আর লাঠির জোরেই রমণীর সতীত্বলুপ্ত হইত। কিন্তু প্রতাপনারায়ণ স্ত্রীলোকদের ঘৃণা করিতেন সর্বাস্তঃ-করণে। নারী নরকের দ্বার। এই নারীই তাঁহার জীবনে দিয়াছিল দাবানল জ্বালাইয়া।

সেবার দুঃস্বপ্ন বর্ষার এক অবিজ্ঞান ধরাপতনের দিনে কালু কোথা হইতে এক অজ্ঞাতনামা রমণীকে বহিয়া আনিল। রাত্রি তখন দশটা। চারিদিকে সেই বর্ষাপ্রকৃতির গুঞ্জন কোন্ এক বিরহিলীর আর্ন্তরুদ্ধনের জ্ঞান ধ্বনিত হইতেছিল। কাহাকে হারানোর বেদনা যেন সারা বিশ্ব মথিত করিয়া রাখিয়াছিল। প্রতাপনারায়ণ তখন সূর্য্য দিয়া তাঁহার নয়নপ্রান্তে বেধাপাত

করিতেছিলেন। কালু আলিয়া ডাকিল,—মহারাজ!

প্রতাপনারায়ণ ইকিলেন, কে?...ও।

—এসেছে।

—দিশ্রাম করতে বল। কতদূর থেকে আসছে?

—সাত ফোপ।

—কেমন?

—আপনার প্রসাদ পাবার উপযুক্ত।

—উত্তম।

প্রতাপনারায়ণ দ্রুত লাজ সমাধা করিয়া প্রমোদগৃহে উপস্থিত হইলেন। অজাগিনী তখন সেই বিলাসগৃহের এক কোণে বস্ত্রখণ্ডে সর্বাঙ্গ আবৃত করিয়া কাঁদিয়া মরিতেছিল। মহুগুপদশব্দে সে প্রতাপনারায়ণের পানে চাহিয়াই বিকট শব্দে আতকাইয়া উঠিল। তাহার আয়ত আঁখি, সর্বোপরি তাহার সেই ভীতিস্থম্বর দেহলতা প্রতাপনারায়ণের প্রাণে এক উন্মাদনা জাগাইয়া দিল। প্রতাপনারায়ণ তাহার নিকট গিয়া প্রশ্ন করিলেন, তোমার নাম?

কোন উত্তর পাইলেন না। পুনরায় বলিলেন, এই যে বিরাট প্রাসাদ, এই অতুল নিভব, সবই তোমার। তুমি আজ আমার রানী।

সেই রমণী কহিল,—না—না, আমি রানী হ'তে চাই না। আমার ভিখিরি থাকতে দিন। আপনার ছুটি পায়ে পড়ি, আপনি আমাকে আমার স্বামী-পুত্রের কাছে ফিরে যেতে দিন।

কথা শেষে সে প্রতাপনারায়ণের পদপ্রান্তে পড়িল। প্রতাপনারায়ণ উৎকট হাসি হাসিয়া উঠিলেন—বলিলেন, অসম্ভব।

জীবনে এখন নিখুঁত রূপ প্রতাপনারায়ণ আর দ্বিতীয়টি দেখেন নাই। তাহার সেই বিনাইয়া বিনাইয়া কান্না প্রতাপনারায়ণের নিকট বড় মধুর বলিয়া বোধ হইল! সেই রমণী কহিল, আমার ছেড়ে দিন, আপনার ভাল হবে।

প্রতাপনারায়ণ হা হা করিয়া হাসিতে লাগিলেন, বলিলেন—আমার ভাল আমি চাই না।

—আপনি ধ্বংস হয়ে যাবেন! আপনার সর্বনাশ হবে। আমার অভিশাপে এ বাড়ীঘর জলে পুড়ে যাবে।

প্রতাপনারায়ণ শিহরিয়া উঠিলেন। সে পুনরায় বলিল, যদি আমি যথার্থ সত্যী হয়ে থাকি তবে আমার অভিশাপ কখনও সফল করতে পারবেন না। আপনি নিবংশ হবেন।

অবলা রমণীর যে এমন করিয়া মানুষকে অভিশাপ দিবার ক্ষমতা আছে ইহা ছিল প্রতাপনারায়ণের বিশ্বাসের অতীত। কিন্তু তিনি পরিণামদর্শী ছিলেন না আর্মো। তিনি ঐ অবলার সাবধান-বাণী শুনিলেন না। এই তাহার জীবনের শেষ শিক্ষার।

পরদিন সারা প্রাসাদে একটা দুরপনের বিবাদের ছায়াপাত হইল। সেদিন হইতে সেই রমণী আর উঠিল না বা আহাৰ গ্রহণ করিল না। দুই দিন পূর্ব হইতেই সে উপবাস করিতেছিল। তিল তিল করিয়া সে শুকাইয়া মরিতে লাগিল। সকলে মুক বিষয়ে অতর্কিত

শানে চাহিয়া রহিল। প্রতাপনারায়ণ ভয়-বাকুল্যেই বৃহত্তাপ করিয়া চলিয়া গেলেন। তাঁহার বিধাতৃ দীর্ঘকাল সহ্য করিবার শাস্ত তাঁহার ছিল না! তিন দিন তিন রাত্রি অসহ্য যন্ত্রণা ভোগ করিয়া অভাগিনী প্রাণত্যাগ করিল। পরিশেষে রাণী শ্রীকীরোদাহুন্দরীও তাঁহার দীর্ঘকালের 'ভাতিতা' ত্যাগ করিয়া এই নরককুণ্ডে আসিয়াছিলেন অভাগিনীর কাছে কন্যা প্রার্থনা করিতে স্বামীর কল্যাণ-কামনায়। কিন্তু তাঁহার সে প্রচেষ্টা বার্থ হইল। 'যদি আমি যথার্থ সত্য হয়ে থাকি চৌধুরী-বংশ কবে হয়ে যাবে'—এই বলিয়া সেই তেজস্বিনী নারী শেষ নিশ্বাস ত্যাগ করিল।

এই ঘটনার সাত দিন পর প্রতাপনারায়ণ কিরিয়া আসিলেন—কিন্তু জীবিত নয়, মৃত। পথে তাঁহার সর্পাঘাতে মৃত্যু হইয়াছে।

স্বর্ননারায়ণও পিতাকে অহুসরণ করিয়া চলিলেন! অল্প বয়সে সম্পত্তির মালিক হইয়া মোশাহেবের সহায়তায় তাঁহার কয়িকুপ্রায় সম্পত্তি ক্রমে ক্রমে নিঃশেষ হইয়া আসিতে লাগিল। পিতার জ্ঞান তিনিও ছিলেন অপরিশ্রমদর্শী। ভবিষ্যতের কথা ভাবিবার অবকাশ তাঁহার ছিল না। পর-স্বীতে লোভ তাঁহার ছিল না সত্য, তবে তাঁহারও নেশা ছিল। শহর অকস্ম হইতে সব বিখ্যাত বিখ্যাত বাইজি আনার নেশা তাঁহাকে পাইয়া বসিয়াছিল। তাহার জ্ঞান তিনি মুকুহন্তে ধনব্যয় করিয়া যাইতেন। লখনউ, দিল্লী, আগ্রা, বেনারস, লাহোর, বোম্বাই, কলিকাতা ইত্যাদি সকল শহরের সুপ্রসিদ্ধা বাইজিকুলের পদযোগ্যপাতে তিনি তাঁহার পিতৃ-পিতামহের পবিত্র প্রাঙ্গণ দগ্ধ করিতে মাতিয়া উঠিয়াছিলেন। তিনি দিনরাত তাহাদের স্বপ্ন-লহরী ও ক্রশমাধুরীতে মগ্ন হইয়া থাকিতেন। বিবাহ করিয়াছিলেন স্বপ্নালম্বয়ে। যদিও পিতার জ্ঞান তিনি তাঁহার পত্নীকে স্থগা করিতেন না তথাপি তাঁহার দিন কাটিত বাহির-বাড়ীতে। গভীর রাত্রে অতিরিক্ত তাগাদার ফলে মাঝে মাঝে টলিতে টলিতে অন্ধর-বাড়ীতে উঠিয়া যাইতেন নিতান্ত অনিচ্ছায়। অধিকাংশ রাত্রিই তাঁহার এই বাহির-বাড়ীতে কাটিত। তাহা ছাড়া দেশভ্রমণ তাঁহার জীবনের একটি বিশেষ অঙ্গ ছিল। একটির পর একটি করিয়া তিনি দেশ দেখিয়া বেড়াইতেন। কত তীর্থক্ষেত্রে গিয়াছেন, অশ্বচ দেবতা দর্শন করেন নাই। দেবমন্দিরের নিকট হইতে কিরিয়া আসিয়াছেন। বলিতেন, জীবনে তো অনেক পাপ করেছি, সিন্ধে পবিত্র দেবমন্দির আর কলুষিত করি কেন।

অকস্মাৎ একদিন স্বর্ননারায়ণ কাহাকেও কিছু না বলিয়া না কহিয়া অতি অসময়ে বিকৃতি-রোগে দেহত্যাগ করিলেন। মৃত্যুকালে তিনি তাঁহার নাবালক পুত্র শঙ্করনারায়ণ চৌধুরীকে কেনার দ্বারে আবদ্ধ ডুবাঁইয়া যাইতে সূচিত হন নাই।

শঙ্করনারায়ণ যখন নাবালক হইলেন তখন তিনি তাঁহার সম্পত্তির মধ্যে তাহাদের প্রাচীন কলভাটি ছাড়া আর কিছুই দেখিতে পাইলেন না। চারিদিকের আয়ের পথ বন্ধ হইয়াছিল। বনেদী বংশের ক্ষয়বশেষ লইয়া চৌধুরীপরিবার বিত্তহীনের জ্ঞান হাঁড়াইয়া বহিল। প্রহ্লাদ বিক্রি করিয়া শঙ্করনারায়ণ মাল্যব হইয়া উঠিলেন। তিনি কিন্তু মাল্যব হইলেন তাঁহার পিতা বা পিতামহের বিশ্রীত প্রকৃতি লইয়া। ইংরেজি শিক্ষার তিনি ধার ধারিলেন না। তবু অধিকলিঙ্গিত চিত্তে সংস্কৃত অধ্যয়ন করিয়া যাইতে লাগিলেন। তাঁহার মধ্যে কেমন যেন স্বপ্নভাব

জাগিয়া উঠিল ; তিনি অল্প বয়স হইতেই ধার্মিক হইয়া পড়িলেন । সামাজিক আচার-অনুষ্ঠানে তাঁহার প্রগাঢ় জ্ঞান । গৃহদেবতা শ্রীমদ্ভগবতের পূজার ক্রমে ক্রমে তিনি আত্মনিয়োগ করিলেন । তিনি ছিলেন অত্যন্ত গভীর প্রকৃতির মানুষ । কাহারও সঙ্গে বড় একটা কথা কহিতেন না । বাড়ীতে থাকিতেন আর জিজ্ঞাসার ঘরে বসিয়া থাকিতেন । কোথাও বাহির হইতেন না । রাত্রির মালা গলায় পরিয়া গেরুয়া বসনে সর্বদা মস্তিভ করিয়া তিনি শয়ান-জীবন যাপন করিতে লাগিলেন । অবসর সময়ে তিনি তাঁহার প্রিয় বেহালাখানায় বসিয়া ছড়ি বাজিতেন । রাত্রির নিঃশব্দতার বক্ষ চিরিয়া সেই রাগিণী কোন বন্দিনী বিরহিণীর আত্মকন্দনের স্তায় শুনাইত । ক্রিয়াক্ষৌদ্রীবাড়ীর গৃহলক্ষ্মী যেন ঐ ভাষায় গুমরাইয়া গুমরাইয়া কাদিয়া মরিত :

শঙ্করনারায়ণও তাঁহাদের বংশের দ্বারা বজায় রাখিয়া অল্প বয়সে বিবাহ করিয়াছিলেন এবং খুব অল্প বয়সেই তাঁহার পুত্র হইয়াছিল । তাঁহার পিতৃপুরুষদিগের স্তায় তিনি তাঁহার পত্নী কলাগীকে যুগ্ম করেন নাই সত্য, তবে তাঁহাকে যে ভালবাসিতেন একথা হৃদয় করিয়া বলা যায় না । তিনি পত্নীর প্রতি তাঁহার কর্তব্য সম্পাদন করিতেন মাত্র । সামান্য প্রায় তাঁহার গৃহদেবতার ধ্যানধারণার কাটিত । তিনি নিত্য অত্যন্ত শুচিতা সহকারে দেবতার আরাধনা করিতেন । গভীর রাত্রে পূজায় বসিতেন । যাহা জুটিত সেই সামান্য ছুটি শাকার মধ্যে দিয়া তিনি আবার তাঁহার সেই জিজ্ঞাসার গৃহে যাইতেন । বাড়ী হইতে বাহির হইতেন না আরো । দিনদিন চৌধুরীবংশ যে নিশ্চর হইবার পথে আগাইয়া যাইতেছে তাহা দেখিয়া তিনিও বীরে বীরে শুকাইতে লাগিলেন । আর ততই তাঁহার গৃহদেবতার পূজার মাঝাও বাড়িয়া যাইতে লাগিল । তিনি পাগলের মত হইয়া গেলেন । তাঁহার জীবনের একমাত্র কামনা হইল—বিস্ত চাই, অর্থ চাই, ঐশ্বর্য চাই । তিনি কেবল প্রার্থনা করিতেন দেবতা আবার যেন চৌধুরীবংশের নষ্টসম্পদ কিরাইয়া দেন ।...

এহেন কালে একদা চৈত্রের এক অমাবস্তা রজনীতে শঙ্করনারায়ণ স্বপ্ন দেখিলেন যেন তাঁহাদের গৃহলক্ষ্মী চৌধুরীবংশ ত্যাগ করিয়া যাইতেছেন । তাঁহার অপূর্ব ক্রোড়িতে বিশ্বভুবন আলোকিত । একটা হুসিদ্ধ সুবাসে দিগন্ত ভরিয়া গিয়াছে । শঙ্করনারায়ণ ভরিতপদে উঠিয়া গিয়া দেবীর পথরোধ করিয়া দাঁড়াইলেন । দেবী তাঁহার বিষম মুখে যেন বলিলেন, কাছা, পথ ছাড়, আমায় যেতে দে ।

শঙ্করনারায়ণ ঝাঁপিতে লাগিলেন,—মা, আমাদের এমনি করে ছেড়ে যাচ্ছ মা ?

দেবী নিষ্ঠুরভাবে হাসিলেন ।

—নিত্য না খেয়ে তোমার পূজার আয়োজন করেছি মা, তবু তোমার সুখ দূর হয় নি ?

—মা । আমি রক্ত চাই !

—কায় রক্ত মা ? . .

—তোমার ছেলের ।

দেবী অস্তহীতা হইলেন । অমনি শঙ্করনারায়ণের ঘুম ভাঙিয়া গেল । ' বাবে তাঁহার সর্বদা ভিজিয়া গিয়াছিল । তিনি উঠিয়া ঘোমন করিতে লাগিলেন । স্বাক্ষি, এ কি পরীক্ষা,

জোর। তখনও তাঁহার সেই গৃহে দেবীর পদস্বাক্ষর বিজুরিত হইতেছিল। শঙ্করনারায়ণ বিচলিত হইলেন না। চৌধুরীবংশ তাঁহার পুত্রের চেয়ে অধিক মূল্যবান। তিনি বলিলেন, তাই হবে মা, তাই হবে। 'তুমি এ অভাপাকে ত্যাগ করো না।

তার পর তিনি ধীরপদক্ষেপে তাঁহার শরনগৃহে আসিয়া উপস্থিত হইলেন, অতি সন্তর্পণে। কল্যাণী তখন ঘুমাইতেছিলেন আর তাঁহার পুত্র মাতার স্তম্ভপান করিতেছিল ঘুমন্ত অবস্থায়। শঙ্করনারায়ণ অভ্যস্ত ধীরে ধীরে সেই খোকাকে মাতার বক্ষ হইতে ছিনাইয়া আনিলেন। কল্যাণী সারাদিনের পরিশ্রমে ক্লান্ত হইয়া ঘুমাইতেছিলেন। তিনি একবার পাশ ফিরিয়া শুইলেন মাত্র। শঙ্করনারায়ণ খোকাকে পরম স্নেহে তাঁহার বকের মধ্যে করিয়া গৃহ হইতে বাহির হইয়া আসিলেন। সোঁ-সোঁ শব্দে সারা প্রকৃতি যেন উদ্ভাসিত হইয়া উঠিয়াছিল। খোকা পিতার বাহুযুগ্মে ঘুমাইতে লাগিল। তার পর খোকাকে গৃহদেবীর সম্মুখে নিজ হাতে বলি দিলেন। একবার হয়তো সে কাঁদিয়াছিল; কিন্তু বাহিরের সেই ঝড়জলের মধ্যে সে কাঁদা হয়তো শোনা যায় নাই। রক্তধারায় সারা-গৃহ ছাইয়া গেল। ভয়ে বিম্বয়ে তিনি কিন্তু দিশাহারা হইলেন না বা বেদনার মুখভাইয়া পড়িলেন না। হোমের জন্ত যে বলি ছিল তাহা আনিয়া সারাদিন তিনি সেই রক্তচিহ্ন মুছিতে লাগিলেন। চৌধুরীবংশ বড় হইবে জীবনের এই একমাত্র আকাঙ্ক্ষা আজ তাঁহার পূরণ হইয়াছে, এই সাক্ষ্যের প্রথম ভূমিতে সেই বাণির উপরই ব্রাহ্মশেখর দিকে তিনি ঘুমাইয়া পড়িলেন। দিনের আলো ফুটিতে না ফুটিতে কল্যাণী উদ্ভাসিত হইয়া আসিয়া স্বামীকে জাগাইলেন, ওগো, খোকা কোথা গেল ?

শঙ্করনারায়ণ স্ত্রীর পানে চাহিতে পারিলেন না। খোকার মৃতদেহ তখন ভাগীরথীর ধ্বংসোত্তে কোন দূরান্তরে ডালিয়া গিয়াছে। সেই রক্তমাখা বালুকামাশিই তাহার শেষ চিহ্ন। কল্যাণী আবার ডাকিলেন, ওগো, কথা কও, কথা কও! আমার খোকাকে এনে দাও।

শঙ্করনারায়ণ আর কোন কথা বলিতে পারিলেন না। জীবনে আর তিনি খুব কমই কথা বলেন। যাহা হোক ব্যাপারটা আর চাপা রহিল না। বুদ্ধিমতী কল্যাণী ক্রমে ক্রমে সমস্ত ব্যাপারই অবগত হইলেন। সারাদিন তিনি আর উঠিলেন না, থাইলেন না। সেইদিন রায়ে তিনিও কুলদ্রাবিনী জাহ্নবীর পূণ্যক্ষেত্রে আত্মবিসর্জন দিয়া তাঁহার বড় আদরের খোকার সহিত মিলিত হইলেন।

ব্যাপারটা ক্রমে ক্রমে রাষ্ট্র হইয়া পড়িল।

এ ঘটনার কিছুদিন পর শঙ্করনারায়ণ চৌধুরীকেও আর পাওয়া গেল না। আজ পর্য্যন্ত তাঁহাকে পাওয়া যায় নাই।...

সে আজ পকাশ বছরের কথা। গৃহলক্ষ্মী এখনও সেই স্তম্ভপ্রায় বংশহীন চৌধুরী বাড়ীর অন্তরালে বন্দিণী আছেন কিনা জানি না। তবে মাঝে মাঝে ঐ ধ্বংসকৃপের মধ্য হইতে একটা চাপা হাসি পরম পরিতৃপ্তির সহিত বাহির হইয়া আসে। সেদিনও এমন ঝড় উঠিয়াছিল; সেদিনও শব্দের আকাশে একটা কালো মেঘ দিগন্ত ছাইয়া রহিয়া রহিয়া কাঁদিয়া মরিতেছিল, সেদিনও হয়তো ঐ কলানদীর নীচে কাউগাছটার মাথার বসিয়া একটা শব্দ আতঙ্কিত চীৎকার করিয়া মরিতেছিল।